

नमो नमो निम्मल दंसणस्स

# आगमसुत्ताणि



१२

उववाइअं

पढमं उवंगसुत्तं

संसोहय-संपायग

निपुण निर्यामिड पू. मुनिराज श्री सुधर्म सागरशु म. ना शिष्य

मुनि दीपरत्नसागर

બાલ બ્રહ્મચારી શ્રી નેમિનાથજી નમઃ

નવો નવો નિમ્મલ દંતવસ્ત્ર

શ્રી આનંદ-ક્ષમા-લલિત-સુશીલ-સુધર્મસાગરગુરુઓ નમઃ

# ૪૫-આગમસુત્તાણિ

—: સં સો હ ય—સં પા ય ગ :—

પૂજ્ય મુનિરાજ શ્રી સુધર્મસાગરજી મહારાજ સાહેબન

## મુનિ દીપરત્નસાગર

તા. ૨૨/૭/૯૬

સોમવાર ૨૦૫૨

અષાઢ સુદ : ૬

૪૫ આગમના સેટની કિંમત - રૂ. ૧૫૦૦/-  
(ભાવિ આગમ-કાર્ય ખાતે)

આગમ શ્રુત પ્રકાશન

મુદ્રક

જવાબદાર પ્રિન્ટિંગ પ્રેસ ધીકાંચરોડ, અમદાવાદ.

કમ્પોઝ

શ્રી ગ્રાફિક્સ ૨૧, સુભાષનગર, ગિરધરનગર,  
શાહીબાગ, અમદાવાદ.

[2]

## આર્થિક અનુદાન દાતા

**૪૫ આગમમાં મુખ્ય દ્રવ્ય સહાયક**

મિષ્ટભાષી શ્રમણીવર્યા શ્રી સૌમ્યગુણશ્રીજીની પ્રેરણાથી

અમ્મ ર્ લુ વ નુ રા ગી જ મ છો પા સિ કા

**શ્રીમતી નયનાબેન રમેશચંદ્ર શાહ - સપ્તસ્થિર [વડોદરા]**

● અલગ-અલગ આગમના મુખ્ય દ્રવ્ય સહાયકો ●

- ૧ સાધ્વીશ્રી રત્નત્રયાશ્રીજી મ. ના પરમવિનેયા સાધ્વીશ્રી સૌમ્યગુણશ્રીજીની પ્રેરણાથી - શ્રી શાંતિલાલ કેશવલાલના બંગલે, ૨૦૫૧ ના ચાતુર્માસમાં થયેલી જ્ઞાનની ઉપજમાંથી - વડોદરા
- ૨ રત્નત્રયાસઘકા સાધ્વીશ્રી સૌમ્યગુણશ્રીજીની પ્રેરણાથી શ્રી હરિનગર જૈન સંઘ વડોદરામાં શ્રી પર્યુષણ પર્વમાં થયેલી સૂત્રોની બોલીની ઉપજમાંથી - સં. ૨૦૫૧
- ૩ સ્વનામધન્યા સાધ્વીશ્રી સૌમ્યગુણશ્રીજીની પ્રેરણાથી-શ્રી શાંતિલાલ કેશવલાલના બંગલે, વડોદરા, ૨૦૫૧ના ચોમાસાની આરાધના નિમિત્તે
- ૪ પ્રશાંતમૂર્તિ સા.સૌમ્યગુણશ્રીજીના શિષ્યા તપસ્વી સા.સમજ્ઞાશ્રીજીના ૪૫ આગમના ૪૫ ઉપવાસ નિમિત્તે શા.કે.બંગલે થયેલ જ્ઞાનપૂજન તથા ગુરુભક્તો તરફથી. બરોડા
- ૫ સા. શ્રી રત્નત્રયાશ્રીજીના પ્રશિષ્યા સા. સમજ્ઞાશ્રીજીના સિદ્ધિતપ નિમિત્તે સ્વ. રતિલાલ કાલીદાસ વોરાના સ્મરણાર્થે લીલીબેન રતીલાલ તરફથી, સુરેન્દ્રનગર.
- ૬ પૂ.રત્નત્રયાશ્રીજી મ.ની દ્વિતીયપુન્યતિથિ નિમિત્તે સા.મોક્ષરત્નાશ્રીજીની પ્રેરણાથી શાહ ખીમચંદ છગનલાલ પરિવાર, હ. મંજુલા બેન. ખેરવાવાળા [હાલ-મુંબઈ]
- ૭ સાધ્વી શ્રી સૌમ્યગુણશ્રીજીના ઉપદેશથી શ્રી ગુજરાતી શ્વે. મૂ. જૈન સંઘ, મદ્રાસ હસ્તે શ્રી ઈન્દ્રવદન રતીલાલ દામાણી - વિંછીયાવાળા-હાલ-મદ્રાસ
- ૮ સા. શ્રી સૌમ્યગુણશ્રીજીની પ્રેરણાથી, સ્વ.ચતુરાબેન પિતાબરદાસ પી. દામાણીના સ્મરણાર્થે તેમનો પરિવાર, હ. ઈન્દ્રવદન રતીલાલ દામાણી-વિંછીયાવાળા (મદ્રાસ)
- ૯ પૂ. ગુરુમાતા રત્નત્રયાશ્રીજીના અંતેવાસી સાધ્વી શ્રી સૌમ્યગુણશ્રીજી ની પ્રેરણાથી પૂજ્યશ્રીની પુન્યતિથિ નિમિત્તે, શ્રી સાંકળીબાઈ જૈન શ્રાવિકા ઉપાશ્રય-રાણપુર તથા શ્રી જોરાવરનગર જૈન શ્રાવિકાસંઘની જ્ઞાનની ઉપજમાંથી
- ૧૦ શ્રીમતી દીપ્તીબેન સુનીલભાઈ પટેલ હ. નયનાબેન, લોસએન્જલેસ, અમેરિકા
- ૧૧ શ્રીમતી અનુપમા બહેન ભરતભાઈ ગુપ્તા. હ.નયનાબેન, વડોદરા
- ૧૨ શ્રીમતી પ્રિયંકાબેન પરાગભાઈ ઝવેરી, હ. નયનાબેન, મુંબઈ
- ૧૩ શ્રી અલકાપુરી-શ્વે. મૂર્તિ જૈનસંઘ-વડોદરા-હ. નયનાબેન
- ૧૪ શ્રી વાસુપૂજ્ય ચૈત્ય-મેહુલ સોસાયટી, સુભાનપુરા-જ્ઞાનખાતુ-વડોદરા હ. લાભુબેન
- ૧૫ શ્રીમતી સુમિત્રાબહેન હસમુખભાઈ સંઘવી, ખાનપુર (ઈન્દોડા) અમદાવાદ

## [3]

- ૧૬ સ્વ. મનસુખલાલ જગજીવનદાસ શાહ તથા સ્વ. મંગળાબેન જગજીવનદાસના સ્મરણાર્થે શાહ મેડિકલ સ્ટોર, ધોરાજી વાળા, હ. અનુભાઈ તથા જગદીશભાઈ
- ૧૭ શ્રી કોઠીપોળ, ચે. મૂર્તિ. જૈન સંઘ, શ્રી શાંતિનાથ જિનાલય - જ્ઞાનખાતુ, વડોદરા
- ૧૮ શ્રી કારેલી બાગ ચે. મૂર્તિ. જૈનસંઘ, વડોદરા-હ. શાંતિભાઈ
- ૧૯ શ્રી કૃષ્ણનગર ચે. મૂર્તિ, જૈનસંઘ-અમદાવાદ.
- ૨૦ શ્રી કૃષ્ણનગર ચે. મૂર્તિ. જૈનસંઘ, અમદાવાદ
- ૨૧ સિદ્ધાન્તનિષ્ઠ પૂ. ગચ્છ. આ. શ્રી વિજયરામચંદ્રસૂરીશ્વરજી મ. સા. ના દિવ્યઆશીષથી - પટેલ આશાભાઈ સોમાભાઈ, હ. લલીતાબેન, સુભાનપુરા, વડોદરા
- ૨૨ સ્વ. વિરચંદભાઈ મણીલાલ લીંબડીવાળા, તથા સ્વ. જસુદેવેન વિરચંદભાઈની શ્રુતજ્ઞાનારાધનાની સ્મૃત્યર્થે તેમના સુપુત્રો તરફથી, અમદાવાદ
- ૨૩ વૈયાવચ્ચપરાયણા શ્રમણીવર્યા શ્રી અનંતગુણાશ્રીજીની પ્રેરણાથી સમ્યગ્દર્શન આરાધના ભવનટ્રસ્ટ, અમદાવાદ તરફથી [શ્રી મહાનિસીહ સૂત્ર માટે]

● ૪૫ - આગમ સેટ-ચોખ્ખા પ્રાકૃત - દાતા ●

પ. પૂ. સા. સૌમ્યગુણાશ્રી મ. ના ઉપદેશ તથા તેમના સંસારીભાઈ શ્રી ઈન્દ્રવદન રતીલાલ દામણી (વિંછીયાવાળા) - મદ્રાસના પ્રેરક સૌજ્યથી

૧. શ્રીમતી ગુણીબેન જ્ઞાનંદભાઈ સી. કોકાચી, પાલનપુર, હાલ-મદ્રાસ
૨. શ્રીમતી દેવ્યાનીબેન ચંદ્રકાન્તભાઈ એમ. ટોલીયા, વાંકાનેર, હાલ-મદ્રાસ
૩. શ્રીમતી સુશીલાબેન શાંતિભાઈ એન. વોરા, જામનગર, હાલ-મદ્રાસ
૪. શ્રીમતી પુષ્પાબેન અમૃતલાલ ટી. શાહ, ચુકા, હાલ-મદ્રાસ
૫. શ્રીમતી નિર્મલાબેન જયંતિભાઈ એસ. મહેતા, પાન, હાલ-મદ્રાસ
૬. શ્રીમતી મધુકાન્તાબેન રતિલાલ જે. શાહ, વીંછીયા, હાલ-મદ્રાસ
૭. શ્રીમતી ગુણિબેન દિનેશભાઈ સી. શાહ, પાલનપુર, હાલ-મદ્રાસ
૮. શ્રીમતી મૃદુલાબેન પ્રિયકાન્તભાઈ સી. શાહ, મૂળી, હાલ-મદ્રાસ
૯. શ્રીમતી નયનાબેન નરેન્દ્રભાઈ આર. શાહ, મૂળી, હાલ-મદ્રાસ
૧૦. શ્રીમતી મંજુલાબેન ગુણવંતભાઈ સી. દોશી, મદ્રાસ
૧૧. શ્રીમતી કુંદનબેન રતીલાલ જે. શાહ કાપડીયા પરિવાર તરફથી લખતર, હાલ-મદ્રાસ
૧૨. શ્રી વાડીલાલ કાળીદાસભાઈ દોશી, મોરબી, હાલ-મદ્રાસ
૧૩. ચે. પી. બી. શાહ એન્ડ કું. હ. અરવિંદભાઈ મોરબી, હાલ-મદ્રાસ
૧૪. સ્વ. માતૃશ્રી ચંપાબેનના સ્મરણાર્થે શ્રી નગીનદાસ અમૃતલાલ શાહ, મદ્રાસ
૧૫. અમરીબાઈના સ્મરણાર્થે હ. બાબુલાલ - મહાવીરચંદ બોહરા, મદ્રાસ

[4]

## સા. મોહરત્નાશ્રીજી તથા સા. શ્રી સમજાશ્રીજીની પ્રેરણાથી - હાલ યુલિયાવાળા

- |                              |                                |
|------------------------------|--------------------------------|
| ૧ ક્રાંતિલાલ હજીરલાલ ચોવટીયા | ૨ સંઘવી રતનલાલ ભગવાનદાસ રાહોડા |
| ૩ મધુમતી રાજેન રેદાસની       | ૪ સરલાબેન રમેશચંદ્ર વોરા       |

૫ સુમનભાઈ બાલચંદજી ચોરડીયા

- ૬ અ.સૌ. હંસાબેન ઉત્તમલાલ સુખડીયાના વર્ષિતપ નિમિત્તે ઉત્તમલાલ રતીલાલ રાક્ષપુરાવાળા તરફથી  
 ૭ સ્વ. પૂ. પિતાશ્રી રતિલાલ તારાચંદ તથા કાન્તાબેન રતીલાલના આત્મશ્રેયાર્થે તેમના સુપુત્રો તરફથી

- ૧ સુખડીયા હસમુખલાલ વનેચંદ (જમવંચલી) નંદુરબાર  
 ૨ ગં. સ્વ. સુરજબેન પદમશી શાહ. હ. જ્યોતિબેન નંદુરબાર  
 ૩ સા. સમજાશ્રીજીની પ્રેરણાથી શ્રી અજિતનાથ - મંદિર શ્વે. મૂર્તિ સંઘના શ્રાવિકાબહેનો નંદુરબાર  
 ૪ સા. સમજાશ્રીજીની પ્રેરણાથી - શાહ યુનિલાલજી શિવલાલજી, સોનગીર  
 ૫ સુખડીયા ચત્રભુજ જગમોહનદાસ હ. વીરાભાઈ - ઘોરાજી  
 ૬ શાહ મકતલાલ ફકીરચંદ, વિપિકારક (ડાભોઈ) હાલ-અમદાવાદ  
 ૭ સા. શ્રી સૌમ્યગુણાશ્રીજીની પ્રેરણાથી રમેશચંદ્ર મનસુખલાલ શાહ, અમદાવાદ  
 ૮ સા. શ્રી સૌમ્યગુણાશ્રીજીની પ્રેરણાથી શ્રીમતી જામુદબેન લક્ષ્મીચંદ મેતા, હ. ઉન્દુભાઈ દામાણી, સુરત  
 ૯ સા. શ્રી મોહરત્નાશ્રીજીની પ્રેરણાથી સ્વ. સોમચંદ બોથાભાઈ પરિવાર હ. બાલુબેન, રામપુરા  
 ૧૦ પૂ. આગમોદ્ધારકશ્રીના સમુદાયના દીર્ઘસંયમી વિદુષી સા. શ્રી સુતારાશ્રીજી જામનગરવાળાના ઉપદેશથી તથા તેમના પટ્ટશિષ્યાની પુનિત પ્રેરણાથી  
 ૧૧ ભોગીલાલ ત્રીભોવનદાસ શાહ, હ. નમનાબેન, વણેદરા

૧૨ સંગીતા અજમેરીયા - મોરબી

## ● ૪૫ આમગસેટ યોજના-નામદાતા ●

૧ પરમાર દીપ્તી રાજેશકુમાર-વડોદરા

- |   |          |
|---|----------|
| ૨. સા. શ્રી સૌમ્યગુણાશ્રીજીની પ્રેરણાથી કિરણબેન અજિતકુમાર કાપડીયા,      | વડોદરા   |
| ૩. સા. શ્રી સમજાશ્રીજીની પ્રેરણાથી - શ્રી નિજામપુરા જૈન સંઘ,            | વડોદરા   |
| ૪. સા. શ્રી સમજાશ્રીજીની પ્રેરણાથી - ચંદ્રિકાબેન મહેશભાઈ શાહ,           | વડોદરા   |
| ૫. સા. શ્રી મોહરત્નાશ્રીજીની પ્રેરણાથી ગં. સ્વ. વસંતબેન ત્રંબકલાલ દોશી, | નંદુરબાર |
| ૬. માણેકબેન શાહ-  | વડોદરા   |
| ૭. શોભનાબેન શાહ -   | વડોદરા   |

### :- ગં થા ણુ ક્ક મ :-

કર્મકો	વિસય	સુત્ર	ગાથા	અણુક્કમ	પિટ્ઠકો
૧	સમોસરણં	૧-૩૭	૧-૫	૧-૪૩	૨-૨૩
૨	ઉચ્ચાદ્યં	૩૮-૪૩	૬-૩૦	૪૪-૬૭	૨૪-૪૦

### પરિસિદ્ધ-નિદંસણં

ક્રમ	પરિસિદ્ધં	પિટ્ઠકો
૧	વિસયાણુક્કમો	૮
૨	વિસિદ્ધસદાણુક્કમો	૮
૩	વિસેસ નામાણુક્કમો	૮
૪	ગાથાણુક્કમો	૮
૫	સુત્તાણુક્કમો	૮

### સુચનાપત્ર

૧. આગમ સૂત્રોમાં ડાબી બાજુએ છપાયેલ પ્રથમ-અંક, સૂત્ર તથા ગાથાનો સંયુક્ત સળંગ ક્રમાંક સૂચવે છે. [અણુક્કમ]
૨. છેડે જમણી બાજુએ દર્શાવેલ હિન્દી ક્રમાંકન આગમમંજુષામાં છપાયેલ સૂત્રાંક અને ગાથાંક સૂચવે છે. [કમ]
૩. સૂત્રને જણાવવા માટે અહીં ઉભા લીટા । । ની વચ્ચે આગમમંજુષાનો સૂત્રાંક મુકેલો છે. [સુત્તકો]
૪. ગાથાને જણાવવા માટે અહીં બે ઉભા લીટા ॥ ॥ ની વચ્ચે આગમમંજુષા નો ગાથાંક મુકેલો છે. [ગાથકો]
૫. છેડે જમણી બાજુએ દર્શાવેલ અંગ્રેજી ક્રમાંક - વૃત્તિનો અંક જણાવવા માટે છે. અહીં આપેલ કોઈ પણ સૂત્ર કે ગાથાની વૃત્તિ જોવી હોય તો જે-તે અધ્યયનાદિ નો વૃત્તિમાં જે અંક હોય તે જ અંક અહીં અંગ્રેજી ક્રમાંકન કરી નોંધેલો છે.
૬. અંગ્રેજી ક્રમાંકન માં જ્યાં અંક પાછી R આવે ત્યાં આ સૂત્રાંક કે ગાથાંક વૃત્તિમાં બીજી વખત આવેલો જણવો. - શોધવો.
૭. જ્યાં સૂત્રોમાં [ ] આ રીતે ચોરસ કૌંસ મુકેલા છે તે બે ચોરસ કૌંસ વચ્ચેનું લખાણ જાવ વાળા પાઠોની કરેલ પૂર્તિ દર્શાવે છે.

नमो नमो निम्मल दंसणस्स  
पंचम गणधर श्री सुधर्मा त्यामिने नमः

## १२ उववाइयं

पदमं उवंगसुत्तं

(१) तेणं कालेणं तेणं समएणं चंपा नाम नयरी होत्या-रिद्ध-त्थिमिय-समिद्धा पमुइय-जणजाणवथा आइण्ण-जण-मणूसा हल-सयसहस्स-संकिट्ट-विकिट्ट-त्तट्ट-पन्नत्त-सेउसीमा कुक्कु-डुसंडेय-गाम-पउरा उच्छु-जव-सालिकलिया गो-महिस-गवेलगणभूया आयावत्त-चेइय-जुवइ-विविहसण्णिविड्डबहुला उक्कोडिय-गायगंदिभेय-भड-तक्कर-खंडरक्खराहिया खेमा निरुवहवा सुभिक्षा वीसत्थसुहावासा अणेगकोडि कोडुंबियाइण्ण-निव्वुयसुहा नड-नट्टग-जल्ल-मल्ल-मुट्ठिय-वेलंबग-कहग-कवग-लासग-आइक्खग-लंख-मंख-तूणइल्ल-तुंववीणिय-अणेगतालायराणु-चरिया आरामुज्जाण-अगड - तलाग - दीहिय-वप्पिणि गुणोववेवा उव्विद्ध-विउत्त-गंभीर-खायफ- लिहा चक्क-गय-मुसुंदि-ओरोहे-सवग्धि-जमलकवाड-धणदुणवेसा धणुकुडिलवंकपागारपरि- किञ्चत्ता कविसीसगवट्टइय - संठियविरायमाणा अट्टलय-चरिय-दार-गोपुर-त्तोरण-उण्णय-सुविभत्तराय-मग्गा छेयायरिय-रइय-रद्धफलिह-इंदकीला विवणि-वणियछित्त-सिप्पियाइण्ण-निव्वुयसुहा सिंपा-डग-तिग-चउक्क - चट्टर - पणिवावण - विविहवत्थुपरिमंडिया सुरम्मा नरवइ-पविइण्ण-महिव-इपहा अनेगवरतुरग - मत्तंकुंजर - रहपहकर - सीय-संदमाणिआइण्ण-जाण-जुग्गा विमउल्ल-नवण-लिणि-सेभिजजला पंडुरवर-भवण-सण्णिमहिया उताणगनयण-पेच्छणिज्जा पासादीया दरिस-णिज्जा अभिरूवा पडिरूवा।१।-१

(२) तीसे णं चंपाए नयरीए बहिया उत्तरपुरत्थिमे दिसीभाए पुत्रभदे नामं चेइए होत्या-चिराईए पुव्वपुरिस-पन्नत्ते पोरणे सहिए कित्तिए नाए सच्छत्ते सज्झए सधंदे सपडागाइपडागमंडिए सलोमहत्ये कयवेवदिए लाउल्लोइय-महिए गोसीससरसरत्तचंदण-दट्टर-दिण्णपंचंगुलितले उवचि-यवंदणकलसे वंदणघड-सुकय-त्तोरण-पडिदुवादेसभाए आसत्तोत्त-विउत्त-वट्ट-वग्घारिय-मल्ल-दामकलावे पंचवण्ण - सरससुरभि - मुक्क - पुप्फपुंजोवयारकलिए कालागुरु-पवरकुंदुरुक्क-तुरक्कधूव-मघमयेंत-गंधुदधुयाभिरामे सुगंधवरगंधगंधिए गंधवट्ठिभूए नड-नट्टग-जल्ल-मल्ल-मुट्ठिय-वेलंबग-पवग-कहग-लासग-आइक्खग-लंख-मंख-तूणइल्ल-तुंववीणिय-फुयग-मागह-परिगए बहुजण-जाणवचस्स विस्सुयकित्तिए बहुजणस्स आहुस्स आहुणिजे पाहुणिजे अट्टणिजे वंदणिजे नमंसणिजे पूयणिजे सक्कारणिजे सम्माणणिजे कल्लाणं मंगलं देवयं चेइयं विणएणं पञ्चुवासणिजे दिव्वे सच्चे सच्चोवाए सण्णिहियपाडिहेरे जाग-सहस्सभाग-पडिच्छए बहुजणो अच्चेइ आगम्म पुत्रभदं चेइयं पुत्रभदं चेइयं।२।-२

(३) से णं पुत्रभदं चेइय एक्केणं महया वससंडेणं सब्बओ समंता संपरिक्खित्ते से णं वणसंडे किण्हे किण्होभासे नीले नीलोभासे हरिय हरिओभासे सीए सीओभासे निद्धे निद्धोभासे तिव्वे तिव्वोभासे किण्हे किण्हच्छाए नीले नीलच्छाए हरिए हरियच्छाए सीए सीयच्छाए निद्धे निद्धच्छाए तिव्वे तिव्वच्छाए धणकडियकडच्छाए रम्मे ते णं पायवे मूलमंते कंदमते खंधमते तयामंते

सालमंते पवालमंते पत्तमंते पुष्कमंते फलमंते वीयमंते अनुपुव्य-सुजाय-रुइल-वट्टभावपरिणए  
एककखंधी अनेगसाला अणेगसाह-प्पसाह-विडिमे अनेगनारवाम-सुप्पसारिय-अगेज्झ-धण-  
विउल-बद्ध वट्ट खंधे अच्छिइपत्ते अविरलपत्ते अवाईणपत्ते अणईइपत्ते निद्धूय-जरद-पंडुपत्त-  
नवहरिय-भिसंत-पत्तमारंधयार-गंभीरदरिसणिजे उवणिगय-नव-तरुण-पत्त-पल्लव-कोमलउज्ज-  
लचलंतकिसलयसुकुमालपवाल-सोहियवरंकुरगसिहरे निच्चं कुसुमिए निच्चं माइए निच्चं लवइए  
निच्चं थवइए निच्चं गुलइए निच्चं गोच्छिए निच्चं जमलिए निच्चं जुवलिए निच्चं विणमिए निच्चं पणमिए  
निच्चं कुसुमिय-माइय-लवइय-धवइय-गुलइय-गोच्छिय-जमलिय-जुवलिय-विणमिय-पणमिय-  
सुविभत्त-पिंडि-मंजरि-वडेंसगधरे सुय-वरहिण-मयणसाल-कोइल-कोहंगक-भिंगारा-कोंडलग-  
जीवंगीवग-नंदिमुह-कविल-पिंगलखग-कारंडक-चक्कवाय-कलहंस-सारस- अणेगसउणगण-  
मिहुणविरइयसहुणइय महरसणाइए सुरम्मे सपिंडियदरिय भमरमहुयरिपहरपरिलित्तमत्त  
छप्पयकसुमासवलोल-महुरगुमगु-मंतगुंजंतदेसभाए अडिंभतरपुष्कफले बाहिर-पत्तोच्छण्णे पत्तेहि  
य पुष्केहि य ओच्छन्न-पलिच्छन्ने साउफले निरोयए अकंटए नानाविहगुच्छ-गुम्भ- मंडवगसोहि  
वावी-पुक्खरिणी-दीहियासु य सुनिवेशियरम्मजालहरए पिंडिमं-नीहारिमं सुगंधि सुह-सुरभि-  
मनहरं च महया गंधद्वणिं मुयंते नानाविहगुच्छगुम्भमंडवगधरग-सुहसेउकेउबहुले अणेगरह-  
जाण-जुग-सिविय-पविमोयणे सुरम्मे पासदीए दरिसणिजे अभिरुवे पडिरुवे।३।३

(४) तस्स णं वणसंडस्स बहुमज्झदेसभाए एत्थ णं महं एक्के असोगवरपायवे पत्रते-कुस-  
विकुस-विसुद्ध-रुक्खमूले मूलमंते कंदमंते ।खंधमंते तयामंते सलमंते पवालमंते पत्तमंते पुष्कमंते  
फलमंते वीयमंते अनुपुव्य-सुजाय-रुइल-वट्टभावपरिणए अणेगसाह-प्पसाह-विडिमे अनेगन-  
वाम-सुप्पसारिय-अगेज्झ-धण-विउल-बद्ध खंधे अच्छिइपत्ते अविरलपत्ते अवाईणपत्ते अणई-  
इपत्ते निद्धूय-जरद-पंडुपत्ते नवहरियभिसंत-पत्तमारंधयार-गंभीरदरिसणिजे उवणिगय-नव-  
तरुण-पत्त-पल्लव-कोमलउज्जलचलंतकिसलय-सुकुमालपवाल-सोहियवरंकुरगसिहरे निच्चं कुसु-  
मिए निच्चं माइए निच्चं लवइए निच्चं थवइए निच्चं गुलइए निच्चं गोच्छिए निच्चं जमलिए निच्चं जुवलिए  
निच्चं विणमिए निच्चं पणमिए निच्चं सुविभत्त-पिंडि-मंजरि-वडेंसगधरे निच्चं कुसुमिय-माइय-  
लवइय-धवइय-गुलइय-गोच्छिय-जमलिय-जुवलिय-विणमिय-पणमिय-सुविभत्त-पिंडि-मंजरि-  
वडेंसगधरे पिंडिमं-नीहारिमं सुगंधि सुह-सुरभि-मनहरं च महया गंधद्वणिं मुयंते नानाविह-  
गुच्छगुम्भमंडवगधरग-सुहसेउकेउबहुले अणेगरह-जाण-जुग-सिविय-पविमोयणे सुरम्मे पास-  
दीए दरिसणिजे अभिरुवे पडिरुवे

से णं असोगवरपायवे अन्नेहिं बहूहिं तिलएहिं लउएहिं छत्तोदेहिं सिरीसेहिं सत्तिवण्णेहिं  
दहिवण्णेहिं लोद्धेहिं धवेहिं चंदणेहिं अज्जुणेहिं नीवेहिं कुडएहिं कलंबेहिं फणसेहिं दाडिमेहिं सालेहिं  
तालेहिं तमालेहिं पियएहिं पियंगूहिं पुरोवगेहिं रायरुक्खेहिं दिरुक्खेहिं सच्चओ समंता संपरिकिच्छते  
ते णं तिलया लउया ।छत्तोवा सिरीसा सत्तिवण्णा दहिवण्णा लोद्धा धवा चंदणा अज्जुणा नीवा कुडय  
कलंबा फणसा दाडिमा साला ताला तमाला पियया पियंगू पुरो- वगा रायरुक्खा । नंदिरुक्खा कुस-  
विकुस-विसुद्ध-रुक्खमूला मूलमंतो कंदमंतो जाव ।निच्चं कुसुमिय-मइया-लवइय-धवइय-गुल-  
इय-गोच्छिय-जमलिय-जुलिय-विणमिय-पणमिय-सुविभत्त-पिंडि-मंजरि-वडेंसगधरा पिंडिम-  
नीहारिमं सुगंधि सुह-सुरभि-मनहरं च महया गंधद्वणिं मुयंता नानाविहगुच्छगुम्भमंडवगधरग-



सुहसेउकेउबहुला अणेगरह - जाण - जुग्ग]-सिविय-पविमोयणा सुरम्मा पासादीया दरिसणिज्जा अभिरूवा पडिरूवा ते णं तिलया लउया जाव नंदिरुक्खा अण्णाहिं बहूहि पउमलयाहिं नाणलयाहिं असोगलयाहिं चंपगलयाहिं चूलयाहिं वणलयाहिं वासंतियलयाहिं अइमुतवलयाहिं कुंदलयाहिं सामलयाहिं सव्वो समंता संपरिकिक्खता ताओ णं पउमलयाओ जाव सामलयाओ निच्चं कुसुमियाओ जाव वडेंसगधराओ पासादीयाओ दरिस-णिज्जाओ अभिरूवाओ पडिरूवाओ।४।-४

(५) तस्स णं असोगवरपायवस्स उवरिं बहवे अट्ठ अट्ठ मंगलगा मत्तत्ता तं जहा-सोवत्थिय-सिरिवच्छ - नंदियावत्त - बद्धमाण-भद्दासण-कलस-मच्छ-दप्पणा सव्वरयणामया अच्छा सण्हा सण्हा घट्ठा मट्ठा नीरया निम्पला निप्पंका निक्कंकडच्छाया सण्हा समीरिया सउज्जोया पासादीया दरिसणिज्जा अभिरूवा पडिरूवा तस्स णं असोगवरपायवस्स उवरिं बहवे किण्हचा-मरज्झया नील-चामरज्झया लोहियचामरज्झया हालिहचामरज्झया सुक्किलचामरज्झया अच्छा सण्हा रुपपट्ठा वड्ढंदा जलयामलगांधिया सुरम्मा पासादीया दरिसणिज्जा अभिरूवा पडिरूवा तस्स णं असो-गवरपायवस्स उवरिं बहवे छताइछता पडागाइपडागा घंटाजुयला चामरजुयला उप्पल- हत्यगा पउमहत्यागा कुमुयहत्यागा नलिणहत्यागा सुभगहत्यागा सोगंधियहत्यागा पुंडरीयहत्यागा महापुंड-रीयहत्यागा सयपत्तहत्यागा सहस्सपत्तहत्यागा सव्वरयणामया अच्छा जाव पडिरूवा तस्स णं असोगवरपायवस्स हेट्ठा ईसिं खंध-समल्लीणे एत्थ णं मंहे एकके पुढविस्सिलापट्ठए पत्तत्ते-विकखं-भायाम-उस्सेह-सुप्पमाणे किण्हे अंजण-वाण-कुवल-हलधरकोसेज्जागास-कैस-कज्जलंगी खं-जण- सिंगभेद-रिद्ध-जंबूफल - असणा - सणबंधमणीलुप्पलपत्तनिकर - अयसिकुमुभण्णगासे मरगय-मसार-कलित्त-नयणकीयरासिवण्णे निद्धधणे अट्ठसिरे आयंसय-तलोवमे सुरम्मे ईहामिय-उसभ-तुरग-नर-मगर-विहग-वाल-किन्नर-रु-सरभ-चमर - कुंजर - वणलय - पउमलवभत्ति-चित्ते आइ- णग-रूय-बूर-नवणीयतूलफासे सीहासणसंटेए पासादीए दरिसणिज्जे अभिरूवे पडिरूवे।५।-५

(६) तत्थ णं चंपाए नयरीए कूणिए नामं राया परिवसइ-महयाहिमवंत-महंत-मलय-मंदर-महिंदसारे अछंविमुद्ध-दीहराप-कुल-वंस-सुप्पसूए निरंतरं रायलक्खण-विराड्यंगमंगे बहुजण-बहुमाण-पूइए सव्वगुण-समिद्धे खत्तिए मुइए मुद्धहिसित्ते माउपिउ-सुजाए दयपत्ते सीमंकरे सीमंधरे खेमंकरे खेमंधरे मणुसिंदे जणवयपिया जणवयपाले जणवयपुरोहिए सेउकरे केउकरे नरपवरे पुरिसवरे पुरिससीहे पुरिसवाधे पुरिसासीविसे पुरिसपुंडरीए पुरिसवरगंधरुथी अइहे दित्ते वित्ते विच्छिण्ण-विउल-भवण-सयणासण-जाण-वाहणाइण्णे बहुधणबहुजायरूवरयए आओग-पओग-संपउत्ते विच्छड्डिय-पउर-भत्तपाणे बहुदासी-दास-गो-महिस-गवेलगणभूए पडिपुत्र-जंत-कोस-कोट्टगाराउधाराए बलवं दुब्बलपच्चामित्ते ओहयकंटयं निहयकंटयं मलियकंटयं उद्धियकंटयं अकंटयं ओहयसत्तुं निहयसत्तुं मलियसत्तुं उद्धियसत्तुं निजियसत्तुं पराडयसत्तुं ववगयदुब्बिक्खं मारि-भय-विप्पमुक्कं खेमं सिवं सुभिकखं पसंत-डिंब-डमरं रज्जं पसासेमाणे विहरइ।६।-६

(७) तस्स णं कोणियस्स रण्णे धारिणी नामं देवी होत्था-सुकुमाल-पाणिपाया अहीण-पडिपुत्र-पंचिंदियसरीरा लक्खण-वंजण-गुणोववेया माणुग्माणप्पमाण-पडिपुत्र-सुजाय-सव्वंगसुं-दरंगी ससिसोमाकार-कंत-पिय-दंसणा सुरूवा कायल-परिमिय-पसत्थ-तिवली-वलिय-मज्झा कुंडलुडिहिय-गंडलेहा कोमुइ-रयणियर-विमल-पडिपुत्र-सोम-वयणा सिंगारागार-चारुवेसा संगय-

गय-हसिय-भणिय - विहिय - चिद्विय विलास-सललिय-संलाय-निउण-जुतोवयार-सुला सुंदरयण-  
जघण-वचण-कर-चरणनयणलावणविलासकलिया पासादीया दरिसणिजा अभिरूवा पडिलुवा  
कोणिएण रण्णा भिमसारपुतेणं सद्धिं अनुरत्ता अविरत्ता इट्ठे सह-फरिस-रस-रूव-गंधे पंचविहे  
माणुस्सए कामभोए पच्चणुभवमाणी विहरइ । ७।-७

(८) तस्स कोणियस्स रण्णो एक्के पुरिसे विउल-कय-वित्तिए भगवओ पवित्तिवाउए  
भगवओ तद्देवसियं पवित्तिं निवेदेइ तस्स णं पुरिसस्स बहवे अन्ने पुरिसा दिण्ण-भत्ति-भत्त-वेचणा  
भगवओ पवित्तिवाउया भगवओ तद्देवसियं पवित्तिं निवेदेत्ति । ८।-८

(९) तेणं कालेणं तेणं समएणं कोणिए राया भिमसारपुते बाहिरियाए उवट्ठाणसालाए  
अनेगणनायग-खंडनायग-राईसर-तलवर-माडंविय-कोडुविय-मंति-महामंति - गणग - दोवारिय  
अमच्च-चेड-पीढमइ-नगर निगम-सेड्डि-सेणावइ-सत्थवाइ-दूय-संधिवाल-सद्धिं संपरिवुडे विहरइ  
। ९।-९

(१०) तेणं कालेणं तेणं समएणं समणे भगवं महावीरे आइगरे तित्थगरे सहसंधुद्धे  
पुरिसोत्तमे पुरिससीहे पुरिसवरपुंडरीए पुरिसवरगंधहत्थी अभयदए चक्खुदए मग्गदए सरणदए  
जीवदए दीवो ताणं सरणं गई पइड्ढा धम्मवरचाउरंतचक्कवट्ठी अप्पडिहयवरणाणंदसणधरे वियट्ठ-  
छउमे जिणे जाणए तिण्णे तारए मुत्ते मोयए बुद्धे बोहए सव्वनू सव्वदरिसी सिवमयलमह-  
यमणंतमक्खयमव्वावाहमपुनरावत्तगं सिद्धिगिनामधेज्जं ठाणं संपाविउकामे-भुयमोयग-भिग-नेल-  
कज्जल - पहड्ढभरण - निद्ध - निकुंठव-निचिय-कुंचिय-पयाहिणावत्त-मुद्धसिरए दालिमपुप्फप-  
गास-तवणिज्जरिस - निम्मल - सुणिद्ध-कंसंत-कंसभूमी धण-निचिय-सुबद्ध-लक्खणुन्नय-कूड-  
गारनिभ-पिंडयगसिरए छत्तागरुत्तिमंगदेसे निव्वण-सम-लद्धमइ-चंदद्धसम-निडाले उडुवइपडि-  
पुन्न-सोमवयणे अल्लीणपमाणजुत्तसवणे सुस्सवणे पीण-मंसल-कवोलदेसभाए आणामियचावरु-  
इल-किण्हवभराइ तणु-कसिण-निद्धमुहे अवदालिय-मुंडरीयनयणे कोयासिय-धवल-पत्तलच्छे  
गरुलायतउजु-तुंग - नासे ओयविय - सिल - प्पवाल - विवफल-सण्णिभारहोडे पंडुरससियल-  
दिमलनिम्मलसंख-गोकळीर-फेण-कुंद-दगरयमुणालिया-धवलदंतसेदी अखंडदंते अप्पुडिवदंते  
अविरदंते सुणिद्धदंते सुजायदंते एगदंतसेदी विव अणेगदंते हुयवहणिद्धंत-धोय-तत्त-तवणिज्ज-  
रत्तलतालुजीहे अब-डिय सुविमत्त-चित्तमंसू मंसलसंठिय-पसत्थ-सहूल-विउलहणुए चउरंगुल-  
सुप्पमाण-कंबुवर-सरि-सगीवे वरमहिस-वराह-सीह-सहूल-उसभ-नागवरपडिपुन्नविउलकखंधे  
जुगसत्तिभ-पीण-रइय-पीवर-पउडुसंठिय-सुसिलिद्ध-विसिद्ध-धण-धिर-सुबद्ध-संधि-पुरवर-फलि-  
एह-वट्ठियभुए भुयगीसर-विउलभोग - आयाण - पलिहउच्छूढ - दीहबाहू रत्तलोवइय - मउय-  
मंसल-सुजाय-लक्खणपसत्थ-अच्छिद्दजालपाणी पीवरकोमलवरंगुली आयंब-तंब-तलिण-सुइ-  
रूइल-निद्धणखे चंदपाणिलेहे सूरपाणिलेहे संखपाणिलेहे चक्कपाणिलेहे दिसासोत्थियपाणिलेहे  
चंद - सूर - संख - चक्क-दिसासोत्थियपाणिलेहे कणग - सिलायलुज्जल-पसत्त-समतल-उवचिय-  
विच्छिण्ण-पिहुलवच्छे सिरिवच्छंकिवयच्छे अकरंडुय - कणग - रुयय-निम्मल-सुजाय-निरुवहय-  
देहधारी सण्णयपासे संगवपासे सुंदरपासे सुजायपासे मियमाइय-पीण-रइय-पासे उजुय-सम-  
सहिय-जच्च - तणु - कसिण - निद्ध - आइज्ज-लडह-रमणिज्जरोमराई झस-विहग-सुजाय-पीण-  
कुच्छी झसोयरे सुइकारणे गंगावत्तग-पया-हिणावत्त-तरंगभंगुर-रविकिरणतरुण-बोहिय-अको

सायंतपउम-गंभीर-वियडणाभे साहय-सोणंद-मुसल-दप्पण- निकरियकणगच्छरसरिस-वरवइर-  
वलियमज्जे पमुइयवरतुरग-सीहवर - वट्ठि- यकडी वरतुरग-सुजाय-सुगुज्जदेसे आइण्णहउव्व-  
निरुवलेवे वरवाणतुल्ल-विक्रम विलसियगई गयससण सुजाय - सन्निभोरु सामुग - निमग्ग -  
गूढजाणु एणी-कुलविंद-वत्त-वट्ठाणुपुव्वजंघे संठिय-सुसिलिह-गूढगुप्फे सुप्पइड्डिय-कुम्माचारु-  
चलणे अनुपुव्वसुसंहयंगुलीए उण्णय-तनु-तंव-निख्खणक्खे रतुप्पलपत्त-मउय-सुकुमाल-कोम-  
लतले अट्टसहस्सवरपुरिसलक्खणधरे आगा- सगएणं चक्केणं आगासगएणं छतेणं आगासियाहिं  
चामराहिं आगासफालियामएणं सपायवीढेणं सीहासणेणं धम्मज्झएणं पुरओ पकडिहज्झमाणेणं  
चउइसहिं समणसाहस्सीहिं छत्तीसाए अज्जि- यासाहस्सीहिं सडिं संपरिवुडे पुव्वाणुपुव्वि चरमाणे  
गामाणुगामं दूईज्झमाणे सुहंसुहेणं विहरमाणे चंपाए नयरीए बहिया उवनगरग्गामं उवागए चंपं  
नगरिं पुत्रभदं चेइयं समोसरिउकामे । १०।-१०

(११) तएणं से पवित्ति-वाउए इमीसे कहाए लद्धे समणे हट्ठ-तुड्ड-चित्तमाणंदिए पीइमणे  
परमसोमणस्सिए हरिसवस विसप्पमाण हियए पहाए कयवलिकम्मे कय-कोउय-मंगल-पायच्छित्ते  
सुद्धप्पावेसाइं मंगलाइं वत्थाइं पवर परिहिए अप्पमहाधापरणालंकिय-सरिरे सयाओ गिहाओ  
पडिनिक्खमइ पडिनिक्खिमित्ता चंपाए नयरीए मज्झमज्जेणं जेणेव कोणियस्स रण्णो गिहे जेणेव  
वाहिरिया उवट्ठाणसाला जेणेव कूणिए राया भिभसार-पुत्ते तेणेव उवागच्छइ उवागच्छित्ता  
करयलपरिगहियं सिरसावत्तं मत्थए अंजलिं कट्ठु जएणं विजएणं वट्ठावेइ वट्ठावेत्ता एवं वयासी-  
जस्स णं देवाणुप्पिया दंसणं कंखंति जस्स णं देवाणुप्पिया दंसणं पीहंति जस्स णं देवाणुप्पिया दंसण  
पत्थंति जस्स णं देवाणुप्पिया दंसणं अभि- लसंति जस्स णं देवाणुप्पिया नामगोयस्स वि सवणयाए  
हट्ठ-तुड्ड- [चित्तमाणंदिया पीइमणा परम- सोमणस्सिया हरिसवस-विसप्पमाण] हियया भवंति से णं  
समणे भगवं महावीरे पुव्वाणुपुव्वि चरमाणे गामाणुगामं दूईज्झमाणे चंपाए नयरीए उवनगरग्गामं  
उवागए चंपं नगरिं पुत्रभदं चेइयं समोसरिउकामे तं एयं णं देवाणुप्पियाणं पियट्ठाए पियं निवेदेमि  
पियं भे भवउ । ११।-११

(१२) तए णं से कूणिए राया भिभसारपुत्ते तस्स पवित्ति-वाउयस्स अंतिए एवमइं सोद्धा  
निसम्म हट्ठ-तुड्ड- [चित्तमाणंदिए पीइमणे परमसोमणस्सिए हरिसवस-विसप्पमाणहियए विवसिय-  
वरकमल-नयण-वयणे पयलिय-वरकडग-तुडिय-केऊर-मउड-कुंडल-हार-विरायंतराइयवच्छे पा-  
लंब-पलंबमाण-घोलंतभूसणधरे ससंभमं तुरियं चयलं नरिदे सीहासणाओ अब्बुट्ठेइ अब्बुट्ठेत्ता  
पायपीढाओ पच्छोरुहइ पच्छोरुहित्ता पाउवाओ ओमुयइ ओमुइत्ता एगसाडियं उत्तरासंग कोइ  
कोरेत्ता आचंते चोवखे परमसुइभूए अंजलिमउलियहत्थे तित्थगराभिमुहे सत्तट्ठपयाइं अनुगच्छइ  
अनुगच्छित्ता वामं जाणुं अंचेइ अंचेत्ता दाहिणं जाणुं धरणिगतलंसि साहट्ठु तिक्खुत्तो मुद्धाणं  
धरणिगतलंसि निवेसेइ निवेसेत्ता ईसिं पट्ठुणमइ पट्ठुणमित्ता कडग-तुडिय-यंभियाओ मुयाओ  
पडिसाहरइ पडिसाहरित्ता करयल परिगहियं सिरसावत्तं मत्थए अंजलिं कट्ठु एवं वयासी-

नमोत्थु णं अरहंताणं भगवंताणं आइगराणं तित्थगराणं सहसंबुद्धाणं पुरिसोत्तमाणं पुरिस-  
सीहाणं पुरिसवरपुंडरीयाणं पुरसवरगंधहत्थीणं अभयदयाणं चक्खुदयाणं मग्गदयाणं सरणदयाणं  
जीवदयाणं दीवो ताणं सरणं गई पड्डा धम्मवरचाउरंतचक्कवट्ठीणं अप्पडिहयवरनाणदंसणधराणं  
वियट्ठ- छउमाणं जिणाणं जाययाणं तिन्नाणं तारयाणं मुत्ताणं मोयगाणं बुद्धाणं बोहयाणं सव्वनूणं

सव्वदरिसीणं सिवमयलमरुयमणंतमक्खयमव्वाबाहमपुणरावत्तगं सिद्धिगइनामधेज्जं ठाणं संप-  
ताणं नमोत्थु णं समणस्स भगवओ महावीरस्स आदिगरस्स तित्थगरस्स [सहसंबुद्धस्स पुरि-  
सोत्तमस्स पुरिससीहस्स पुरिसवरपुंडरीयस्स पुरिसवरगंधहत्थियस्स स अमयदयस्स चक्खुदयस्स  
मग्गदयस्स सरणदयस्स जीवदयस्स दीवो ताणं सरणं गई पइद्वा धम्मवरचाउरंतचक्कवट्ठिस्स  
अप्पडिहयवरनाणदंसणधरस्स विचट्ठउमस्स जिणस्स जाणयस्स तिण्णस्स तारयस्स पुत्तस्स  
मोयगस्स बुद्धस्स बोहयस्स सब्बनुस्स सव्वदरिसिस्स सिवमयलमरुयमणंतमक्खयमव्वाबाह-  
मपुणरावत्तगं सिद्धिगइनामधेज्जं ठाणं] संपाविउकामस्स ममं धम्मायरियस्स धम्मोपदेसगस्स वंदामि  
णं भगवंतं तत्थगयंइहगए पासइ मे भगवं तत्थगए इहगयं ति कट्ठ वंदइ नमंसइ वंदित्तानमंसित्ता  
सीहासणवरगए पुरत्थाभिमुही निसीयइ निसीइत्ता तस्स पवित्ति-वाउयस्स अडुत्तरं सयसहस्सं  
पीइदाणं दलयइ दलइत्ता सक्कारेइ सम्माणेइ सक्कारेत्ता सम्माणेत्ता एवं वयासी-जया णं  
देवाणुप्पिया समणे भगवं महावीरे इहमागच्छेज्जा इह समोसरिज्जा इहेव चंपाए नयरीए बहिया  
पुत्रभट्टे चेइए अहापडिरुवं ओग्गहं ओगिण्हित्ता संजमेणं तवसा अप्पाणं भावेमाणे विहरेज्जा तया णं  
मम एयमट्ठं निवेदिज्जासि ति कट्ठ विसज्जिए १२।-१२

(१३) तए णं समणे भगवं महावीरे कल्लं पाउप्पभायाए रयणीए फुल्लुप्पल-कमल-कोम-  
लुम्मिलियंमि अहपंडुरे पहाए रत्तासोगप्पगास-किंसुय सयमुह-गुंजद्ध-रागसरिसे कमलागरसंडबो-  
हए उड्डिमि सूरे सहस्सरस्सिमि दिणयरे तेयसा जलंते जेणेव चंपानयरी जेणेव पुणभट्टे चेइए तेणेव  
उवागच्छइ उवागच्छित्ता अहापडिरुवं ओग्गहं ओगिण्हित्ता संजमेणं तवसा अप्पाणं भावेमाणे  
विहरइ १३।-१३

(१४) तेणं कालेणं तेणं समएणं समणस्स भगवओ महावीरस्स अंतेवासी बहवे समणा  
भगवंतो-अप्पेगइया उग्गपव्वइया भोगपव्वइया राइण्ण-नाय-कोरव्व-खत्तियपव्वइया भडा जोहा  
सेणावई पसत्थारो सेट्ठी इत्था अप्पणे य बहवे एवमाइणो उत्तमजाइ-कुल-रुव-विणय-विण्णाण-  
यण्ण-त्तावण्ण-विक्रम-पहाण-सोभण-कंतिजुत्ता बहुधण-धन्न-निचय-परियाल-फिडिया नरव-  
इगुणाइरेगा इच्छियभोगा सुहसंपललिया किपागफलोवमं च मुणियविसयसोक्खं जलबुब्बुयसमाणं  
कुसग्ग-जलबिंदुचंचलं जीवियं य नाऊण अद्धवमिणं रयपिव पडग्गलग्गं संविधुणित्ताणं चइत्ता  
हिरण्णं चिद्धा सुवण्णं चिद्धा धणं एवं-धण्णं बलं वाहणं कोसं कोट्टागरं रज्जं रट्ठं पुरं अंतेउरं चिद्धा  
विउलधण - कणग - रयण - मणि - मोत्तिय-संख-सिलप्पवाल-रत्तरयणमाइयं संत-सार-सावतेज्जं  
विच्छइइत्ता विगोवइत्ता दाणं च दाइयाणं परिभायइत्ता मुंडा भवित्ता अगाराओ अणगारियं  
पव्वइया-अप्पेगइया अद्धमासपरियाया अप्पेगइया मासपरियाया अप्पेगइया दुमासपरियाया  
अप्पेगइया तिमासपरियाया जाव अप्पेगइया एक्कारसमासपरियाया अप्पेगइया वासपरियाया  
अप्पेगइया दुवासपरिया अप्पेगइया तिवासपरियाया अप्पेगइया अणेगवासपरियाया-संजमेणं  
तवसा अप्पाणं भावेमाणा विहरंति १४।-१४

(१५) तेणं कालेणं तेणं समएणं समणस्स भगवओ महावीरस्स अंतेवासी बहवे निग्गंधा  
भगवंतो-अप्पेगिया आभिणिबोहियनाणी [अप्पेगिया सुयनाणी अप्पेगइया ओहिनाणी अप्पेगइया  
मणपज्जवनाणी अप्पेगइया] केवलनाणी अप्पेगइया मणबलिया अप्पेगइया वयबलिया अप्पेगइया  
कायबलिया अप्पेगइया मणेणं सावाणुगहसमत्था अप्पेगइया वएणं सावाणुगहसमत्था अप्पेगइया

काएणं सावाणुगहसमत्था अप्पेगइया खेलोसहिपत्ता अप्पेगइया जल्लोसहिपत्ता अप्पेगइया विप्पो-  
सहिपत्ता अप्पेगइया आमोसहिपत्ता अप्पेगइया सच्चोसहिपत्ता अप्पेगइया कोट्टुबुद्धी अप्पेगइया  
वीयबुद्धी अप्पेगइया पडबुद्धी अप्पेगइया सप्पियासवा अप्पेगइया अक्खीणमहाणसिया अप्पेगइया  
उज्जुमई अप्पेगइया विउलमई अप्पेगइया विउव्विणिड्ढिपत्ता अप्पेगइया चारणा अप्पेगइया विज्जा-  
हरा अप्पेगइया आगासाइवाई अप्पेगइया कणगावलिं तवोकम्मं पडिवण्णा अप्पेगइया एणावलिं  
तवोकम्मं पडिवण्णा अप्पेगइया खुड्ढागं सीहनिक्कीलियं तवोकम्मं पडिवण्णा अप्पेगइया महालयं  
सीहनिक्कीलियं तवोकम्मं पडिवण्णा अप्पेगइया तवोकम्मं पडिवण्णा अप्पेगइया महाभद्रपडिं  
तवोकम्मं पडिवण्णा अप्पेगइया सच्चओभद्रपडिं तवोकम्मं पडिवण्णा अप्पेगइया आदंबिल-  
वद्धमामं तवोकम्मं पडिवण्णा अप्पेगइया मासियं भिक्खुपडिं पडिवण्णा जाव अप्पेगइया सत्त-  
मासियं भिक्खुपडिं पडिवण्णा अप्पेगइया पढमसत्तराईदियं भिक्खुपडिं पडिवण्णा अप्पेगइया  
वीयसत्तराईदियं भिक्खुपडिं पडिवण्णा अप्पेगइया तच्चसत्तराईदियं भिक्खुपडिं पडिवण्णा  
अप्पेगइया राईदियं भिक्खुपडिं पडिवण्णा अप्पेगइया एगराईयं भिक्खुपडिं पडिवण्णा अप्पे-  
गइया सत्तसत्तमियं भिक्खुपडिं पडिवण्णा अप्पेगइया अट्ठअट्ठमियं भिक्खुपडिं पडिवण्णा  
अप्पेगइया नयणवमियं भिक्खुपडिं पडिवण्णा अप्पेगइया दसदसमियं भिक्खुपडिं पडिवण्णा  
अप्पेगइया खुट्ठियं मोयपडिं पडिवण्णा अप्पेगइया महल्लियं मोयपडिं पडिवण्णा अप्पेगइया  
जवमज्झं चंदपडिं पडिवण्णा अप्पेगइया बइरमज्झं चंदपडिं पडिवण्णा-संजमेणं तवरा अण्णाणं  
भावेमाणा विहरंति। १५।-१५

(१६) तेणं कालेणं तेणं समएणं समणस्स भगवओ महावीरस्स अंतवासी बहवे थेरा  
भगवंतो-जाइसंपत्रा कुलसंपत्रा बलसंपत्रा रुवसंपत्रा विनयसंपत्रा नाणसंपत्रा दंसणसंपत्रा  
चरितसंपत्रा लज्जासंपत्रा लाघवसंपत्रा ओवंसी तेवंसी वच्चंसी जसंसी जियकोहा जियमाणा  
जियमाया जियलोभा जिईदिया जियणिहा जियपरीसहा जीवियास-मरणभय-विष्पमुक्का वयप्प-  
हाणा गुणप्पहाणा करणप्पहाणा चरणप्पहाणा निग्गहप्पहाणा निच्छयप्पहाणा अज्जवप्पहाणा  
मद्दवप्प- हाणा लाघवप्पहाणा खंतिप्पहाणा मुत्तिप्पहाणा विज्जप्पहाणा मंतप्पहाणा वेवप्पहाणा  
बंमप्पहाणा नयप्पहाणा नियमप्पहामा सच्चप्पहाणा सोयप्पहाणा चारुवण्णा लज्जा तवस्सी जिईदिया  
सोही अणियाणा अप्पोसुया अबहिस्सेता अप्पडिलेता सुसामण्णरवा दंता-इणमेव निग्गंधं पावयणं  
पुरओकाउं विहरंति तेसिं णं भगवंताणं आवावाया वि विदिता भवंति परवाया वि विदिता भवंति  
आयावायं जमइत्ता नलवणमिव मत्तमातेणा अच्छिहपसिणवागरणा रयणकरंडगसमाणा कुत्ति-  
याणभूया परवाइपमद्दणा दुवालसंगिणो समत्तगणिपिडगधरा सच्चक्खरसण्णिवाइणो सच्चमा-  
साणुगामिणो अजिणा जिणसंकासा जिणा इव अवितहं वागरमाणा संजमेणं तवसा अण्णाणं  
भावेमाणा विहरंति। १६।-१६

(१७) तेणं कालेणं तेणं समएणं समणस्स भगवओ महावीरस्स अंतवासी बहवे अणगारा  
भगवंतो इरियासमिया भासासमिया एसणासमिया आयाण-भंड-मत्त-निक्खेवणासमिया उच्चार-  
पासवण-खेल-सिंघाण-जल्ल-पारिड्ढावणियासमिया मणगुत्ता वयगुत्ता कायगुत्ता गुत्ता गुत्तिंदिया  
गुत्तबंभयारी अममा अकिंयणा निरुवलेवा कंसपाईवा मुक्कतोया संखो इव निरंजणा जीवो विव  
अप्पडिहवगई जच्चकणं पिय जायरवा आदरिसफलगा इव पागभावा कुम्भो इव गुत्तिंदिया

पुक्खरपत्तं व निरुयलेवा गगणमिव निराहंभणा अनिलो इव निरालया चंदो इव सोमलेसा सूरौ इव दित्ततेया सागरो इव गंभीरा विहग इव सव्वओ विप्पमुक्का मंदरो इव अप्पकंपा सारपसलिलं व सुद्धहियया खग्विसणं व एगजाया भाण्डपक्खी व अप्पमत्ता कुंजरो इव सौंडीरा वसभो इव जा-  
वत्थामा सीहो इव दुद्धरिसा वसुंधरा इव सव्वफासविसहा सुहुयहुयासणो इव तेयसा जलंता नत्थि णं  
तेसिं भगवंताणं कत्थइ पडिबंधे, से य पडिबंधे चउव्विहे भवइ तं जहा-दव्वओ खेतओ कालओ  
भावओ दव्वओ-सचित्ताचित्तमीसिएसु दव्वेसु खेतओ-गामे वा नयरे वा रण्णे वा खेत्ते वा खले वा  
धरे वा अंगणे वा कालओ-समए वा आवलियाए वा [आणापाणुए वा धोवे वा लवे वा मुहुते वा  
अहोस्ते वा पक्खे वा मासे वा] अयने वा अनयरे वा दीहकालसंजोगे भावओ-कोहे वा माणे वा मा-  
याए वा लोहे वा भए वा हासे वा एवं तेसिं न भवइ तेणं भगवंतो वासावासवज्जं अट्ठ गिन्हेमंतियाणि  
मासाणि गामे एगराइया नयरे पंचराइया वासीचंदणसमाणाकप्पा समलेट्ठकंचणा समसुहदुक्खा  
इहलोगपरलोगअप्पडिबद्धा संसारपापरागी कम्मणिग्घायणट्ठाए अब्भुट्ठिया विहरंति । १७।-१७

(१८) तेसिं णं भगवंताणं एएणं विहारिणं विहरमाणानं इमे एयारूवे सत्थितर-वहिरए  
तवोवहाणे होत्था तं जहा-अत्थितरए वि छव्विहे बाहिरए वि छव्विहे । १८।-१८

(१९) से किं तं बाहिरए बाहिरए छव्विहे तं जहा-अणसणे ओमोदरिया भिक्खायरिया  
रसपरिद्याए कायकिलेसे पडिसंलीणया

से किं तं अनसणे, अनसणे दुविहे पत्रत्ते तं जहा-इत्तरिए य आवकहिए य, से किं तं इत्तरिए  
इत्तरिए अनेगविहे पत्रत्ते तं जहा-चउत्थमत्ते छट्ठमत्ते अट्ठमत्ते दसममत्ते बारसमत्ते चउदसमत्ते  
सोलसमत्ते अद्धमासिए मत्ते मासिए मत्ते दोमासिए मत्ते तेमासिए मत्ते चउमासिए मत्ते पंचमासिए  
मत्ते छप्पासिए मत्ते से तं इत्तरिए, से किं तं आवकहिए आवकहिए दुविहे पत्रत्ते तं जहा-  
पाओवगमणे य भत्तपच्चक्खाणे य से किं तं पाओवगमणे पाओवगमणे दुविहे पत्रत्ते तं जहा-  
वाघाइमे य निव्वाघाइमे य नियमा अप्पडिकम्मे से तं पाओवगमणे से किंतं भत्तपच्चक्खाणे  
भत्तपच्चक्खाणे दुविहे पत्रत्ते तं जहा-वाघाइमे य निव्वाघाइमे व नियमा सपडिकम्मे से तं  
भत्तपच्चक्खाणे से तं आवकहिए से तं अनसणे

से किं तं ओमोदरियाओ ओमोदरियाओ दुविहा पत्रत्ताओ तं जहा-दव्वोमोदरिया य  
भावोमोदरिया य से किं तं दव्वोमोदरिया दव्वोमोदरिया दुविहा पत्रत्ता तं जहा-उवगरणदव्वोमो-  
दरिया य भत्तपाणदव्वोमोदरिया य से किं तं उवगरणदव्वोमोदरिया उवगरणदव्वोमोदरिया तिविहा  
पत्रत्ता तं जहा-एगे वत्थे एगे पाए चियत्तोवकरणसाइज्जणया से तं उवगरणदव्वोमोदरिया, से किं तं  
भत्तपाणदव्वोमोदरिया भत्तपाणदव्वोमोदरिया अणैगविहा पत्रत्ता तं जहा-अट्ठ कुक्कुडअंडगप्प-  
माणमेत्ते कवले आहारमाहारेमाणे अप्पाहारे दुवालस कुक्कुडअंडगप्पमाणमेत्ते कवले आहार-  
माहारेमाणे अवड्ढोमोदरिए सोलस कुक्कुडअंडगप्पमाणमेत्ते कवले आहारमाहारेमाणे दुभाग-  
पत्तोमोदरिए चउवीसं कुक्कुडअंडगप्पमाणमेत्ते कवले आहारमाहारेमाणे पत्तोमोदरिए एककतीसं  
कुक्कुडअंडगप्पमाणमेत्ते कवले आहारमाहारेमाणे किंचूणोमोदरिए बत्तीसं कुक्कुडअंडगप्प-  
माणमेत्ते कवले आहारमाहारेमाणे पमाणपत्ते एत्तो एगेणं वि घासेणं ऊणयं आहारमाहारेमाणे  
समणे निगंथे नो पकामरसभोइ ति वत्तव्वं सिया से तं भत्तपाणदव्वोमोदरिया से तं दव्वोमोदरिया,  
से किं तं भावोमोदरिया भावोमोदरिया अनेगविहा पत्रत्ता तं जहा-अप्पकोहे अप्पमाणे अप्पमाए

अप्पलोहे अप्पसहे अप्पझंझे से तं भावोमोदरिया से तं ओपोदरिया

से किं तं भिक्खायरिया भिक्खायरिया अनेगविहा पन्नत्ता तं जहा-दब्बाभिग्गहचरए खेत्ताभिग्गहचरए कालभिग्गहचरए भावाभिग्गहचरए उक्खित्तचरए निक्खित्तचरए उक्खित्तनिक्खित्तचरए निक्खित्तउक्खित्तचरए वट्ठिअमाणचरए साहरिअमाणचरए उवणीयचरए अवणीयचरए उवणीयअवणीयचरए अवणीयउवणीयचरए संसङ्गचरए असंसङ्गचरए तज्जायसंसङ्गचरए अण्णायचरए मोणचरए दिट्ठलाभिह अदिट्ठलाभिह पुट्ठलाभिह अपुट्ठलाभिह भिक्खलाभिह अभिक्खलाभिह अन्नगिलायए ओवणिहिह परिमियपिंडवाइए सुद्धेसणिह संखादत्तिह से तं भिक्खायरिया

से किं तं रसपरिद्याए रसपरिद्याए अनेगविहे पन्नत्ते तं जहा-निव्विइए पणीयरसपरिद्याए आयंखिलए आयामसित्थभोई अरसाहारे विरसाहारे अंताहारे पंताहारे लूहाहारे से तं रसपरिद्याए

से किं तं कायकिलेसे कायकिलेसे अनेगविहे पन्नत्ते तं जहा-ठाणद्धिइए उक्कुडुयासणिह पडिपट्ठाई वीरासणिह नेसज्जिए आयावए अयाउडए अकंडुयए अणिट्ठहए सव्वागयपरिकम्मविभूसविष्पमुक्के से तं कायकिलेसे

से किं तं पडिसंलीणया पडिसंलीणया चउव्विहा पन्नत्ता तं जहा-इंदियपडिसंलीणया कसाय-पडिसंलीणया जोगपडिसंलीणया विवत्तसयणासणसेवणया से किं तं इंदियपडिसंलीणया इंदियपडिसंलीणया पंचविहा पन्नत्ता तं जहा- सोइंदियविसयप्पयारनिरोहो वा सोइंदियविसयपत्तेसु अत्थेसु रागदोसनिग्गहो वा चक्खिंदियविसयप्पयारनिरोहो वा चक्खिंदियविसयपत्तेसु अत्थेसु रागदोसनिग्गहो वा धाणिंदियविसयप्पयारनिरोहो वा धाणिंदियविसयपत्तेसु अत्थेसु रागदोसनिग्गहो वा जिब्भिंदियविसयप्पयारनिरोहो वा जिब्भिंदियविसयपत्तेसु अत्थेसु रागदोसनिग्गहो वा फासिंदियविसयप्पयारनिरोहो वा फासिंदियविसयपत्तेसु अत्थेसु रागदोसनिग्गहो वा से तं इंदियपडिसंलीणया, से किं तं कसायपडिसंलीणया कसायपडिसंलीणया चउव्विहा पन्नत्ता तं जहा-कोहस्सुदयनिरोहो वा उदयपत्तस्स वा कोहस्स विफलीकरणं [माणस्सुदयनिरोहो वा उदयपत्तस्स वा माणस्स विफलीकरणं मायाउदयनिरोहो वा उदयपत्ताए वा मायाए विफलीकरणं] लोहस्सुदयनिरोहो वा उदयपत्तस्स वा लोहस्स विफलीकरणं से तं कसायपडिसंलीणया से किं तं जोगपडिसंलीणया जोग-पडिसंलीणया तिविहा पन्नत्ता तं जहा-मणजोगपडिसंलीणया वड्जोगपडिसंलीणया कायजोगपडिसंलीणया, से किं तं मणजोगपडिसंलीणया मणजोगपडिसंलीणया-अकुसलमननिरोहो वा कुसलमनउदीरणं वा से तं मणजोगपडिसंलीणया से कं तं वड्जोगपडिसंलीणया वड्जोगपडिसंलीणया-अकुसलवड्जनिरोहो वा कुसलवड्जउदीरणं वा से वड्जोगपडिसंलीणया से किं तं कायजोगपडिसंलीणया कायजोगपडिसंलीणया-जण्णं सुसमाहियपाणिपाए कुम्भो इव गुत्तिंदिए सव्वयायपडिसंलीणे चिट्ठइ से तं कायजोगपडिसंलीणया से तं जोगपडिसंलीणया, से किं तं विवित्तसयणासणसेवणया विवित्तसयणासणसेवणया-जण्णं आरामेसु उज्जाणेषु देवकुलेसु सहासु पवासु पणिगिहेसु पणियसालासु इत्थी-पसु-पंडगसंसतविहियासु वसहीसु फासुएसणिज्जं पीढ-फलगसेज्जासंधारणं उवसंपज्जिताणं विहरइ से तं विवित्तसयणासणसेवणया से तं पडिसंलीणया से तं बाहिए तवे।११।-१९

(२०) से किं तं अर्द्धितरए तवे अर्द्धितरए तवे छव्विहे पन्नत्ते तं जहा-पायच्छितं विनओ

वेयावच्चं सज्जाओ ज्ञामं विउस्सगो

से किं तं पायच्छित्ते पायच्छित्ते दसविहे पन्नत्ते तं जहा-आलोयणारिहे पडिक्कमणारिहे तदुभयारिहे विवेगारिहे विउस्सगारिहे तवारिहे छेदारिहे मूलारिहे अणवडुप्पारिहे पारंचियारिहे से तं पायच्छित्ते

से किं तं विनए नए सत्तविहे पन्नत्ते तं जहा-नाणविनए दंसणविनए चरितविनए मणविनए वडविनए कायविनए लोकोवयारविनए से किं तं नाणविणए नाणविणए पंचविहे पन्नत्ते तं जहा-आभिणिबोहियनाणविणए सुयणाणविणए ओहिनाणविणए मणपञ्चवनाणविणए केवलनाणविणए से तं नाणविणए, से किं तं दंसणविणए दंसणविणए दुविहे पन्नत्ते तं जहा-सुस्सूणाविणए य अनद्यासायणाविणए य से किं तं सुस्सूणाविणए सुस्सूणाविणए अणेगविहे पन्नत्ते तं जहा-अव्युड्ढाणेइ वा आसणाभिगहेइ वा आसणप्पयाणंति वा सक्कारेइ वा सम्माणेइ वा किङ्कमेइ वा अंजलिप्पगहेइ वा एतस्स अभिगच्छणया ठियस्स पञ्चुवासणया गच्छंतस्स पडिसंसाहणया से तं सुस्सूणाविणए

से किं तं अनद्यासायणाविणए अनद्यासायणाविणए पणयालीसविहे पन्नत्ते तं जहा-अरहंताणं अणद्यासायणा अरहंतपन्नत्तस्सधम्मस्सअणद्यासायणा आयरियाणंअणद्यासायणा एवं उवज्झायाणं थेराणं कुलस्स गणस्स संघस्स किरियाणं संभोगस्स आभिणिबोहियनाणस्स सुयनाणस्स ओहिनाणस्स मणपञ्चवनाणस्स केवलनाणस्स एएसिं चेव भत्ति-बहुमाणेणं एएसिं चेव वण्णसंजलणया से तं अनद्यासायणाविणए से तं दंसणविणए

से किं तं चरितविनए चरितविणए पंचविहे पन्नत्ते तं जहा-सामाइयचरितविणए छेदोवट्ठा-वणियचरितविणए परिहारविसुद्धिचरितविणए सुहुमसंपरायचरितविणए अहक्खायचरितविणए से तं चरितविणए

से किं तं मनविणए मनविणए दुविहे पन्नत्ते तं जहा-पसत्थमनविणए अपसत्थमनविणए से किं तं अपसत्थमनविणए अपसत्थमनविणए जे य मणे सावज्जे सकिरिए सकक्कसे कडुए नडुए फरुसे अण्हयकरे छेयकरे भेयकरे परितावणकरे उद्वयणकरे भूओवघाइए तहप्पगारं मणो नो पहारेज्जा से तं अपसत्थमनविणए से किं तं पसत्थमनविणए पसत्थमनविणए [जे य मणे असावज्जे अकिरिए अकक्कसेअकडुए अणिडुए अफरुसे अण्हयकरे अछेयकरे अभेयकरे अपरितावणकरे अनुद्वयणकरे अभूओवघाइए तहप्पगारं मणो पहारेज्जा से तं पसत्थमणविणए से तं मणविणए से किं तं वडविणए वडविणए दुविहे पन्नत्ते तं जहा-पसत्थवडविणए अपसत्थवडविणए से किं तं अपसत्थवडविणए अपसत्थवडविणए जा य वडं सावज्जा सकिरिया सकक्कसा कडुया निट्टरा फरुसा अण्हयकरी छेयकरी भेयकरी परितावणकरी उद्वयणकरी भूओवघाइया तहप्पगारं वडं नो पहारेज्जा से तं अपसत्थवडविणए से किं तं पसत्थवडविणए पसत्थवडविणए जा य वडं असावज्जा अकिरिया अकक्कसा अकडुया अणिट्टरा अफरुसा अण्हयकरी अछेयकरी भेयकरी अपरितावणकरी अनुद्वयणकरी अभूओवघाइया तहप्पगारं वडं पहारेज्जा से तं पसत्थवडविणए से तं वडविणे से किं तं कायविणए कायविणए दुविहे पन्नत्ते तं जहा-पसत्थकायविणए अपसत्थकायविणए से किं तं अपसत्थकाय-विणए अपसत्थकायविणए सत्तविहे पन्नत्ते तं जहा-अणाउत्तं गमणे अणाउत्तं ठाणे अणाउत्तं निसीदणे अणाउत्तं तुयट्ठणे अणाउत्तं उल्लंघणे अणाउत्तं पल्लंघणे अणाउत्तं सव्वि-



दियक्कायजोग- जुंजणया से तं अपसत्थकायविणए से किं तं पसत्थकायविणए पसत्थकायविणए [सत्तविहे पत्रत्ते तं जहा-आउत्तं गमणे आउत्तं टाणे आउत्तं निसीदणे आउत्तं तुयट्टणे आउत्तं उल्लंघणे आउत्तं पल्लंघणे आउत्तं सत्विदियक्कायजोगजुंजणया] से तं पसत्थकायविणए

से तं कावविणए से किं तं लोगोवयारविणए लोगोवयारविणए सत्तविहे पत्रत्ते तं जहा-अब्बासवत्तिचं परच्छंदाणुवत्तिचं कज्जहेउं कयपडिकिरिया अत्तगवेसणया देसकालण्णया सव्वत्थेसु अण्डिलोमया से तं लो-गोवयारविणए से तं विणए

से किं तं वेयावच्चे वेयावच्चे दसविहे पत्रत्ते तं जहा-आयरियवेयावच्चे उवज्झायवेयावच्चे सेहवेयावच्चे गिलाणवेयावच्चे तवस्सिवेयावच्चे थेरवेयावच्चे साहम्मियवेयावच्चे कुलवेयावच्चे गणवेयावच्चे संघवेयावच्चे से तं वेयावच्चे

से किं तं सज्झाए सज्झाए पंचविहे पत्रत्ते तं जहा-वायणा पडिपुच्छणा परियट्टणा अनुपेहा धम्मकहा से तं सज्झाए

से किं तं ज्ञाणे ज्ञाणे चउच्चिहे पत्रत्ते तं जहा-अट्टेज्ञाणे रुद्धेज्ञाणे धम्मेज्ञाणे सुक्केज्ञाणे अट्टे ज्ञाणे चउच्चिहे पत्रत्ते तं जहा-अमणुण्ण-संपओग-संपउत्ते तस्स विष्पओगसतिसमण्णागए यावि भवइ मणुण्ण-संपओग-संपउत्ते तस्स अविष्पओग-सतिसमण्णागए यावि भवइ आर्यक-संपओग-संपउत्ते तस्स विष्पओग-सतिसमण्णागए यावि भवइ परिजुसिय-कामभोग-संपओग-संपउत्ते तस्स अविष्पओग-सतिसमण्णागए यावि भवइ अट्टस्स णं ज्ञाणस्स चत्तारि लक्खणा पत्रत्ता तं जहा-कंदणया सोयणया तिप्पणया विलवणया रुद्धे ज्ञाणे चउच्चिहे पत्रत्ते तं जहा-हिंसाणुबंधी मोसाणु-बंधी तेयाणुबंधी सारक्खणाणुबंधी रुद्धस्स णं ज्ञाणस्स चत्तारि लक्खणा पत्रत्ता तं जहा-ओसण्ण-दोसे बहुदोसे अन्नाणदोसे आमरणंतदोसे धम्मे ज्ञाणे चउच्चिहे चउप्पडोयारे पत्रत्ते तं जहा-आणाविजए अवायविजए विवागविजए संठाणविजए धम्मस्स णं ज्ञाणस्स चत्तारि लक्खणा पत्रत्ता तं जहा-आणारुई निसग्गरुई उवएसरुई सुतरुई धम्मस्स णं ज्ञाणस्स चत्तारि आलंबणा पत्रत्ता तं जहा-वायणा पुच्छणा परियट्टणा धम्मकहा धम्मस्स णं ज्ञाणस्स चत्तारि अनुपेहाओ पत्रत्ताओ तं जहा-अणिच्चाणुपेहा असराणुपेहा एगत्ताणुपेहा संसाराणुपेहा सुक्के ज्ञाणे चउच्चिहे चउप्प-डोयारे पत्रत्ते तं जहा-पुहतयिक्केसविचारी एगत्तवियक्केअविचारी सुहुमकिरिएअण्डिवाई समुच्छिण्णकिरिएअणियट्टी सुक्कस्स णं ज्ञाणस्स चत्तारि लक्खणा पत्रत्ता तं जहा-विवेगे विउस्सगे अव्वहे असम्भोहे सुक्कस्स णं ज्ञाणस्स चत्तारि आलंबणा पत्रत्ता तं जहा-खंती मुत्ती अज्जवे मदवे सुक्कस्स णं ज्ञाणस्स चत्तारि अनुपेहाओ पत्रत्ताओ तं जहा-अवायाणुपेहा असुभाणुपेहा अनंत-वत्तियाणुपेहा विपरिणामाणुपेहा से तं ज्ञाणे

से किं तं विउस्सगे विउससगे दुविहे पत्रत्ते तं जहा-दव्वविउस्सगे य भावविउस्सगे य से किं तं दव्वविउस्सगे दव्वविउस्सगे चउच्चिहे पत्रत्ते तं जहा-सरीरविउस्सगे गणविउस्सगे उवहि विउस्सगे भत्तपाण विउस्सगे से किं तं भाव विउस्सगे भावविउस्सगे तिविहे पत्रत्ते तं जहा-कसायविउस्सगे संसारविउस्सगे कम्मविउस्सगे से किं तं कसायविउस्सगे कसायविउस्सगे चउच्चिहे पन्नते तं जहा-कोहकसायविउस्सगे मानकसायविउस्सगे मायाकसायविउस्सगे लोहकसायविउस्सगे से तं कसायविउस्सगे से किं तं संसारविउस्सगे संसारविउस्सगे चउच्चिहे पन्नते तं जहा-नेरइय-संसारविउस्सगे तिरियसंसारविउस्सगे मणुयसंसारविउस्सगे देवसंसार-

विउस्सग्गे से तं संसारविउस्सग्गे से किं तं कम्मविउस्सग्गे कम्म- विउस्सग्गे अट्ठविहे पन्नत्ते तं जहा-  
नाणावरणिज्जकम्मविउस्सग्गे शरिसणावरणिज्जकम्मविउस्सग्गे- वेयणीयकम्मविउस्सग्गे मोहणीय-  
कम्मविउस्सग्गे आउयकम्मविउस्सग्गे गोयकम्मविउस्सग्गे अंतरायकम्मविउस्सग्गे से तं कम्मवि-  
उस्सग्गे से तं भावविउस्सग्गे से तं अब्भितरए तवे।२०।-२०

(२१) तेणं कालेणं तेणं समएणं समणस्स भगवओ महावीरस्स बहवे अणगारा भगवंतो-  
अप्येगइया आचारधरा [अप्येगइया सूयगडधरा अप्येगइया ठाणधरा अप्येगइया सम्मायधरा अप्ये-  
गइया विवाहपन्नत्तिधरा अप्येगइया नायाधम्मकहाधरा अप्येगइया उवासगदसाधरा अप्येगइया  
अंतगडदसाधरा अप्येगइया अनुत्तरोववाइयदसाधरा अप्येगइया पण्हावागरणदसाधरा] अप्येगइया  
विवागसुयधरा अप्येगइया वायंति अप्येगइया पडिपुच्छंति अप्येगइया परिइति अप्येगइया अनुप्ये-  
हंति अप्येगइया अक्खेवणीओ विक्खेवणीओ संवेयणीओ निव्वेयणीओ चउव्विहाओ कहाओ  
कहंति अप्येगइया उड्डंजाणू अहोसिरा ज्ञाणकोट्टोवगया-संजमेणं तवसा अप्पाणं भावेमाणा  
विहरंति

संसारभउव्विग्गा जम्पण-जर-मरण-करण-गंमीर-दुक्ख-पक्खुभिय-पउर-सलिलं सोजगं-  
विओग-वीधि-चिंता-पसंग-पसरिय-वह-बंध-महल्ल-विउल-क्खोल-कलण-विलविय-त्तोभकलक-  
लेंत-बोलबहुलं अवमाण-फेण-तिव्वहिंसण-पुलंपुलप्पभूय-रोमवेयण-परिभव-विणिवाय-फरु-  
सधरिसणा-समावडिय-कट्ठिणकम्मपत्थर-तरंग-रंगंत-निच्चांमच्चुभय-कोयपइं कसाय-पायाल-  
संकुलं भवसयसहस्स-कलुसजल-संचयं पइभवं अपरिभियमहिच्छ-कलुसमइवाउ-वेगउद्धम्ममाण-  
दगरययंधकार-वरफेण-पउर-आसापिवास-धवलं मोहमहावत्त-भोगभममाण- गुप्पमाणुच्छलंत-  
पच्चोणियंतपाणिय-पमायचंडबहुदुइसावय-समाहयुद्धयमाण-पब्भार-घोरकंदि-यमहारव-रवंत-  
भेरवरवं अन्नाणभमतमच्छ-परिहत्थ-अणिहुतिंदियमहामगर-तुरिय-चरिय-खो-खुब्भमाण-नच्चंत-  
चयल-चंचल-चलंत-धुमंत-जल-समूहं अरइ-मय विसायसोग-मिच्छत-सेलसंकडं अणाइसं-  
ताण-कम्मबंधणकिलेसचिक्खल्ल-सुदुत्तार अमर-नर-तिरिय-निरयगइ-गमण-कुडिलपरियत्त-विउ-  
लवेलं चउरंतमहंतमणवयणं रुंदं संसारसागरं भीमदरिसणिज्जं तरंति धिइ-धणिय-निप्पक्खेणं  
तुरियचवलं संवर-वेरण-तुंग-कूवय-सुसंपउत्तेणं नाण-सिय-विमलमूसिएणं सम्मत-विसुद्धलद्ध-  
निज्जामएणं धीरा गहिय-निज्जरण-जयण-उवओग-नाणदंसणविसुद्धवयभंड-मरियसारा जिणवर-  
वयणोवदिट्ठमगेण अकुडिलेणं सिद्धि-महापइणाभिमुहा समणवरसत्थवाहा सुसुइ-सुसुंभास-  
सुपण्ह-सासा गामे-गामे एगरायं नगरे-नगरे पंचरायं दूइजंता जिईदिया निब्बया गयभया  
सचित्ताचित्तमीसएसु दव्वेसु विरागयं गया संजया विरता मुत्ता लहुया निरवक्खा साहू निहुया  
चरंति धम्मं।२१।-२१

(२२) तेणं कालेणं तेणं समएणं समणस्स भगवओ महावीरस्स बहवे असुरकुमारा देवा  
अंतियं पाउद्धमवित्था-काल-महानीलसरिस-नीलगुलिय-गवल-अयसिकुसुमप्पगासा विवसिय-  
सयदत्तमिय पत्तल-निम्मल-ईसीसियरत्तंतं नयणा गरुत्तायत-उज्जु-तुंगणासा ओयविय-सिल-प्प-  
याल-बिंबफलसण्णिभाहरोट्टा पंडुर-ससिसयल-विमल-निम्मल-संख-गोखीर-फेण-दगरय-  
मुणालिया-धवलदंतसेदीहुयवह-निद्धंत-धोय-तत्त-सवणिज्ज-रत्ततलतालु-जीहा अंजण-धण-  
कसिण-रुयग-रमणिज्ज-निद्धकेसा वामेगकुंडलधरा अइचंदणाणुलितगता ईसीसिलिंध-पप्फप्प-

गासाई असंकलिष्टाई सुहुमाई वत्याई पवरपरिहिया वयं च पढमं समइक्कंता विइयं च असंपत्ता भदे जोव्णे वट्टमाणा तलभंगय-तुडिय-पवरभूसण-निम्मल-मणि-रयण-मंडिय-भुया दसमुद्दा-मंडियगहत्थाचूलभाणि-चिंधगवा सुरूवा महिडिइया महजुइया महब्बला महायसा महासोक्खा महानुभागा हारविराइयवच्छा कडग-तुडिय-यंभियमुया अंगय-कुंडल-मट्ट-गंड-कण्णपीढधारी विचित्तहत्थाभरणा विचित्तमाला-मउलि-मउडा कल्लाणग-पवरवत्थपरिहिया कल्लाणगपवरमल्ला-णुलेवणा भासुरबोदी पलंबवणमालधरा दिव्वेणवण्णेणं दिव्वेणंगंधेणं दिव्वेणरूवेणं दिव्वेणंफासेणं दिव्वेणंसंधाएणं दिव्वेणंसंठाणेणं दिव्वाएइइदीए दिव्वाएजुईए दिव्वाए पभाए दिव्वाएअथाए दिव्वाए अच्चीए दिव्वेणं तेएणं दिव्वाए लेसाए दस दिसाओ उओवेमाणा पभासेमाणा समणस्स भगवओ महावीरस्स अंतियं आगम्मागम्म रत्ता समणं भगवं महावीरं तिक्खुत्तो आयाहिण-पयाहिणं करंति करेत्ता वंदंति नमंसंति वंदित्ता नमंसित्ता नच्चासण्णे नाइदूरे सुस्सूसमाणा नमंसमाणा अभि-मुहा विणएणं पंजलिउडा पजुवासंति । २२।-२२

(२३) तेणं कालेणं तेणं समएणं समणस्स भगवओ महावीरस्स बहवे असुरिंदवज्जिया भवणवासी देवा अंतियं पाउब्भवित्था नागपइणो सुवण्णा विज्जू अग्गीया दीवा उदही दिसाकुमारा य पवणथमिया य भवणवासी नागफडा-गरुल-वइर-पुत्रकलस-सीह-हयवर-गयंक-मयरंकवर-मउड-वट्टमाण-निजुत्त-विचित्त-चिंधगवा सुरूवा महिडिइया जाव पजुवासंति । २३।-२३

(२४) तेणं कालेणं तेणं समएणं समणस्स भगवओ महावीरस्स बहवे वाणमंतरा देवा अंतियं पाउब्भवित्था-पिसायभूया य जक्ख-रक्खस-किन्नर-किंपुरिस-भुयग-पइणो य महाकाया गंधव्य-निकायगणा निउणगंधव्वगीयइणो अणवण्णिय-पणवण्णिय-इसिवादिय-भूयवादिय-कंदिय - महाकंदिया य कुहंड-पययदेवा चंचल-चवल-चित्त-कीलण-दवप्पिया गंभीर-हसिय-भणिय-पिय-गीय-नच्चणई यणमालामेल-मउड-कुंडल-सच्छंदविउव्वियाहरण-चारुविभूसणधरा सव्वोउय-सुरभि-कुसुम-सुरइयपलंब-सोभंत-कंत-वियसंत-चित्तवणमाल-रइय-वच्छा कामगमा कामरूढ-धारी नाणाविहवण्णराग-धरवत्थ-चित्तचिळय-नियंसणा विविहदेसीणेवच्छ-गहियवेसा पमुइय-कंदप्प-कलह-केली-कोलाहलप्पिया हासबोलबहुला अणेगमणि-रयण-विविह-निजुत्त-चित्त-चिंध-गवा सुरूवा महिडिइया जाव पजुवासंति । २४।-२४

(२५) तेणं कालेणं तेणं समएणं समणस्स भगवओ महावीरस्स बहवे जोइसिया देवा अंतियं पाउब्भवित्था-विहस्सती चंदसूरसुक्कसणिच्छरा राहू धूमकेतुबुहा य अंगारका य तत्ततवणिज्ज-कणगवण्णा जे य गहा जोइसंभि चारं चरंति केऊ य गइरइया अट्टावीसेतिविहा य नक्खत्तदेवगणा नाणासंठाणसंठियाओ य पंचवण्णाओ ताराओ ठिपलेसा चारिणो य अविस्साममंडलगई पतेयं नामंक-पागडिय-चिंधमउडा महिडिइया जाव पजुवासंति । २५।-२५

(२६) तेणं कालेणं तेणं समएणं समणस्स भगवओ महावीरस्स वेमाणीया देवा अंतियं पाउब्भवित्था-सोहम्मीसाणस-सणंकुमार - माहिंद - वंभ - लंगत-महासुक्क-सहस्साराणय पाणया-रण-अच्चुयवई पहिड्डा देवा जिणदंसणुस्सुयागमण-जणियहासा पालग-पुप्फग-सोमणस-सिरिवच्छ-नंदियावत्त-कामगम-पीडगम-मनोगम-विमल-सव्वओभद-नामधेज्जेहिं विमाणेहिं ओइण्णा वंदण-कामा जिणार्णं मिग-महिंस-वराह-छगल-ददुर-हय-गयवइ-भुयग-खग्ग-उसभंक-विडिम-पागडिय-चिंधमउडा पसिदिल-वरमउडतिरीडधारी कुंडलुओवियाणणा मउड-दित्त-सिरया रत्ताभा पउम-

पम्हगोरा सेया सुभयण्णगंधफासा उत्तमवेउच्चिणो विविहवत्थगंधमल्लधारी महिडिदया जाय पञ्जु-  
वासंति ।२६।-२८

(२७) तए णं चंपाए नयरीए सिंहाडग-तिग-चउक्क-चच्चर-चउम्मुह-महापह-पहेसु महया  
जणसहेइ वा जणयूहेइ वा जणबोलेइ वा जणकलकलेइ वा जणुम्मीइ वा जणु- क्कलियाइ वा  
जणसण्णिवाएइ वा बहुजणी अण्णमण्णस्स एवमाइक्खइ एवं भासइ एवं पन्नवेइ एवं परूवेइ-एवं  
खलु देवाणुप्पिया समणे भगवं महावीरे आइगरे तित्थगरे सहसंबुद्धे पुरिसोत्तमे जाव संपाविउकामे  
पुच्चाणुपुत्थिं चरमाणे गामाणुगामं दूइज्जमाणे इहमागए इह संपते इह समोसडे इहेव चंपाए नयरीए  
बहिया पुत्रभदे चेइए अहापडिरुवं ओगगहं ओगिण्हिता संजमेणं तवसा अप्पाणं भावेमाणे विहरइ तं  
महप्फलं खलु भो देवाणुप्पिया तहारूवाणं अरहंताणं भगवंताणं नामगोयस्स वि सवणयाए किमंग  
पुण अभिगमण-चंदण-नमंसण-पडिपुच्छण-पञ्जुवासणयाए एगस्स वि आरियस्स धम्मियस्स सुवय-  
णस्स सवणयाए किमंग पुण विउलस्स अट्ठस्स गहणयाए तं गच्छामो णं देवाणुप्पिया समणं भगवं  
महावीरं वंदामो नमंसामो सक्कारेमो सम्माणेमो कल्लणं मंगलं देवयं चेइयं पञ्जुवासामो

एयं णे पेच्चभवे इहभवे य हियाए सुहाए खमाए निस्सेयसाए आणुगामियताए भविस्सइत्ति  
कट्ठु बहवे उग्गा उग्गपुत्ता भोगा भोगपुत्ता एवं दुपडोयारेणं-राइण्णा खतिया माहणा भडा जोहा  
पसत्थारो मल्लइ लेच्छइ लेच्छइपुत्ता अन्ने य बहवे राईसर-तलवर-माईविय-कोडुंबिय-इम्म-सेड्ढि-  
सेणावइ-सत्थवाहप्पभित्तयो अप्पेगइया वंदणवत्तिं अप्पेगइया पूयणवत्तिं अप्पेगइया सक्कार-  
वत्तिं अप्पेगइया सम्माणवत्तिं अप्पेगइया दंसणवत्तिं अप्पेगइया कोऊहलवत्तिं अप्पेगइया  
अस्सुयाइ सुणेस्सामो सुचाइ निस्संक्रियाइ करिस्सामो अप्पेगइया मुंडे भविता अगाराओ अणगारियं  
पव्वइस्सामो अप्पेगइया पंचाणुव्वइयं सत्तसिक्खावइयं दुवालसविहं गिहिधम्मं पडिवज्जिस्सामो  
अप्पेगइया जिणभत्तिराणेणं अप्पेगइया जीयमेयंति कट्ठु ण्हाया कयबलिकम्मा कय-कोउय-मंगल-  
पायच्छित्ता सिरसा कंठे मालकडा आविद्धमणि-सुवण्णा कप्पिय-हारद्धहार-तिसर-पालंब-पलंब-  
माण-कडिमुत्त-सुकयसोहाभरणा पवरत्थपरिहिया चंदणोलितगायसरीरा अप्पेगइया हयगया  
अप्पेगइया गयगया अप्पेगइया रहगया अप्पेगइया सिबियागया अप्पेगइया संदमाणि- यागया  
अप्पेगइया पायविहार-चारेणं पुरिसवागुरा-परिक्खित्ता महया उक्किट्ठसीहणाय-बोल-कलकल-  
रवेणं पक्खुभियमहासमुद्गरवभूयं पिव करेमाणा चंपाए नयरीए मज्झंमज्झेणं निग्गच्छंति निग्ग-  
च्छित्ता जेणेव पुत्रभदे चेइए तेणेव उवागच्छंति उवागच्छित्ता समणस्स भगवओ महावीरस्स  
अदूरसामंते छत्तादीए तित्थगराईसेसे पासंति पासित्ता जाणवाहणाइ ठवेति ठवेत्ता जाणवाहणेहिंतो  
पद्योरुहंति पद्योरुहिता जेणेव समणे भगवं महावीरे तेणेव उवागच्छंति उवागच्छित्ता समणं भगवं  
महावीरं तिक्खुत्तो आयाहिण-पयाहिणं करंति करेत्ता वंदंति नमंसंति वंदित्ता नंसित्ता नद्यासण्णे  
नाइदूरे सुस्सूसमाणा नमंसमाणा अभिमुहा विणएणं पंजलिउडा पञ्जुवासंति ।२७।-२७

(२८) तए णं से पवित्ति-वाउए इमीसे कहाए लद्धे समणे हट्ठुडु-चित्तमाणंदिए पीइमणे  
परमसोमणस्सिए हरिसवसविसप्पमाणं हियाए ण्हाए [कयबलिकम्मे कय-कोउय-मंगल-पायच्छित्ते  
सुद्धप्पावेसाइ मंगलाइ वत्थाइ पवरपरिहिए] अप्पमहग्धाभरणालंकियसरीरे सवाओ गिहाओ  
पडिनिक्खमइ पडिनिक्खमित्ता चंपं नयरी मज्झंमज्झेणं जेणेव बाहिरिया [उवड्डाणसाला जेणेव  
कूणिए राया भिमसारपुत्ते तेणेव उवागच्छइ उवागच्छित्ता करयलपरिग्गहियं सिरसावत्तं मत्थए

अंजलिं कट्टु जएणं विजएणं चट्ठावेइ वट्ठावेत्ता एवं वयासी-जस्स णं देवाणुप्पिया दंसणं कंखंति जस्स णं देवाणुप्पिया दंसणं पीहंति जस्स णं देवाणुप्पिया दंसणं पत्थंति जस्स णं देवाणुप्पिया दंसणं अभिलसंति जस्स णं देवाणुप्पिया वि सवणयाए हट्ठतुट्ठ-चित्तमाणंदिया पीइमणा परमसोमणस्सि-या हरिसवसविसप्पमाणहियया भवंति से णं समणे भगवं महावीरे पुब्बाणुपुब्बि चरमाणे गामाणु-गामं दूइअमाणे चंपं नगरिं पुत्रभट्ठं चेइयं समोसढे तं एयं णं देवाणुप्पियाणं पियट्ठयाए पियं निवेदेमि पियं मे भवउ

तए णं से कूणिए राया भिभसारपुत्ते तस्स पवित्ति-वाउयस्स अंतिए एयमट्ठं सोद्या नित्तम्मं हट्ठतुट्ठ-चित्तमाणंदिए पीइमणे परमसोमणस्सिए हरिसवस-विसप्पमाणहियए वियसिय-वरकमल-नयण-चयणे पयलिय-वरकडग-तुडिय-कैऊर-मउडकुंडल-हार-विरायंतरइयवच्छे पालंब-पलंब-माण-धोलंतभूसणधरे ससंभमं तुरियं चवलं नरिदे सीहासणाओ अब्भुट्ठेइ अब्भुट्ठेत्ता पायपीढाओ पद्योरुहइ पद्योरुहत्ता पाउयाओ ओमुयइ ओमुइत्ता एगसाडियं उत्तरासंगं करेइ करेत्ता आयंते चोक्खे परमसुइमूए अंजलि-मउलियहत्थे तित्थगराभिमुहे सत्तट्ठपयाइ अनुगच्छइ अनुगच्छित्ता वामं जाणुं अंचेइ अंचेत्ता दाहिणं जाणुं धरणितलंसि साहट्ठ तिक्खुत्तो मुट्ठाणं धरणितलंसि निवेसेइ निवेसेत्ता ईसिं पच्चुण्णमइ पच्चुण्णमिच्छा कडग-तुडिय-यंभियाओ भुयाओ पडिसाहरइ पडिसाहरत्ता करयल-परिण्हियं सिरसावत्तं मत्थए अंजलि कट्टु एवं वयासी-नमोत्थुणं अरहंताणं भगवंताणं आइगराणं तित्थगराणं सहसंबुट्ठाणं पुरिसोत्तमाणं पुरिससीहाणं पुरिसवर- पुंडरीयाणं पुरिसवर-गंधहत्थीणं अभयदयाणं चक्खुदयाणं मग्गदयाणं सरणदयाणं जीवदयाणं दीवो ताणं सरणं गई पइट्ठा धम्मवरचाउरंतचक्कवट्ठिणं अप्पडिहयवरनाणदंसणधराणं वियट्ठउमाणं जिणाणं जाव-याणं तिन्नाणं तारयाणं मुत्ताणं भोगयाणं बुट्ठाणं बोहयाणं सब्बन्तूणं सब्बदरिसीणं सिवमयल-मरुयमणंतमक्खयमव्वाबाहमपुणरावत्तां सिद्धिगइनामधेज्जं ठाणंसंपत्ताणं नमोत्थु णं समणस्स भगवओ महावीरस्स आदिगरस्स तित्थगरस्स सहसंबुट्ठस्स पुरिसोत्तमस्स पुरिससीहस्स पुरिसवर-पुंडरीयस्स पुरिसवरगंधहत्थियस्स अभयदयस्स चक्खुदयस्स मग्गदयस्स सरणदयस्स जीवदयस्स दीवो ताणं सरणं गई पइट्ठा धम्मवरचाउरंतचक्कवट्ठिस्स अप्पडिहयवरनाणदंसणधरस्स वियट्ठ-छउमस्स जिणस्स जाणयस्स तिण्णस्स तारयस्स मुत्तस्स भोगयस्स बुट्ठस्स बोहयस्स सब्बन्तुस्स सब्बदरिसिस्स सिवमयलमरुयमणंतमक्खयमव्वाबाहमपुरावत्तां सिद्धिगइनामधेज्जं ठाणं संपावि-उक्रामस्स मम धम्मायरियस्स धम्मोवदेसगस्स वंदामि णं भगवंतं तत्थगयं इहगए पासइ मे भगवं तत्थगए इहगयं ति कट्टु वंदइ नमंसइ वंदित्ता नमंसित्ता सीहासणवरणए पुरत्थाभिमुहे। निसीयइ निसीइत्ता तस्स पवित्ति-वाउयस्स अउत्तेरस-सयसहसाइ पीइदाणं दलयइ दलइत्ता सक्कारेइ सम्माणेइ सक्कारेत्ता सम्माणेत्ता पडिविसज्जेइ। २८।-२८

(२९) तए णं से कूणिए राया भिभसारपुत्ते बलवाउयं आमंतेइ आमंतेत्ता एवं वयासी-खिप्पामेव भो देवाणुप्पिया आभिसेक्कं हत्थिरयणं पडिकप्पेहिं हय-गय-रह-पवरजोह-कलियं च चाउरंगिणिं सेणं सण्णाहेहि सुमद्दपमुहाणं य देवीणं दाहिरियाए उवट्ठाणसालाए पाडियक्क-पाडियक्काइ जत्ताभिमुहाइ जुत्ताइ जाणाइ उवट्ठवेहि चंपं नयरिं सत्थितर-व्याहिरियं आसित्त-सम्पज्जिओवलित्तंसिंघडग-तिय-चउक्क-चच्चर-चउप्पुह-महापह-पहेसु आसित्त-सित्त-सुइ-सम्पड्ड-रत्थंतरावण-वीहियं मंचाइमंचकलियं नानाविहरागऊसियज्झए-पडागाइपडाग मडिय लाउल्लो-

इयम-हियं गोसीस-सरसरतचंदणं दहर-दिण्णपंचगुलितलं उवचियवंदणकलसं वंदणघड-सुकय-  
 तोरण-पडिदुवारदेसभायं आसत्तोसत्त-विउल-वइ-वण्णारिय-मल्लदामकलावं पंचवण्ण-सरससुर-  
 मिमुक्क-पुप्फपुंजोववारकलियं कालगुरु-पवरकुंदुरुक्क-तुरक्क-धूव-मघमघेत्त-गंधुसुयाभिरामं  
 सुगंधवरगंधांघियं गंधवट्ठिभूयं करेहिं य कारवेहिं य करेत्ता य कारवेत्ता य एयमाणत्तियं  
 पच्चप्पिणाहि निज्जाहेस्सामि समणं भगवं महावीरं अभिवंदए ॥२९॥-२९

(३०) तए णं से बलवाउए कूणिएणं रण्णा एवं वुत्ते समाणे हट्ठतुड-विउतमाणंदिए पीडमणे  
 परमसोमणस्सिए हरिसवसविसप्पमाणं हियए करयलपरिणहियं सिरसावत्तं मत्थए अंजलिं कट्ठ  
 एवं सामि ति आणाए विणएणं वयणं पडिसुणेइ पडिसुणेत्ता हत्थिवाउयं आमंतेइ आमंतेत्ता एवं  
 वयासी-खिप्पामेव भो देवाणुप्पिया कूणियस्स रण्णो भिंभसारपुत्तस्स आभिसेक्कं हत्थिरयणं  
 पडिकप्पेहि हय-गय-रह-पवरजोहकलियं चाउरंगिणिं सेणं सण्णेहिं सण्णाहेत्ता एयमाणत्तियं  
 पच्चप्पिणाहि

तए णं से हत्थिवाउए बलवाउयस्स एयमट्ठं सोच्चा आणाए विणएणं वयणं पडिसुणेइ  
 पडिसुणेत्ता डेयावरिय-उवएस-मइ-कप्पणा-विकप्पेहिं पुणिउणेहिं उज्जलनेवत्थि-हव्व-परिवच्छियं  
 सुसज्जं धम्मिय सण्णद्ध-बद्धकवइयउप्पीलिय-कच्छवच्छ-गेवेज्जवद्धगल-वरभूसणविरायत्तं अहिय-  
 तेयजुत्तं सललियवरकण्णपूरविराइयं पलंबओचूल-महुयरकयंधयारं चित्तपरिच्छेयपच्छयं पहरणा-  
 वरण-भरिय-जुद्धसज्जं सच्छत्तं सज्जयं सघटं पंचामेलय-परिमंडियाभिरामं ओसारिय-जमल-जुय-  
 लघटं विज्जुपिणद्धं व कालमेहं उप्पाइयपच्चयं व चंक्रमत्तं मत्तं गुलगुलत्तं मण-पवण-जइणवेगं भीमं  
 संगामिया-ओज्झइ आभिसेक्कं हत्थिरयणं पडिकप्पेइ पडिकप्पेत्ता हय-गय-रह-पवरजो-हकलियं  
 चाउरंगिणिं सेणं सण्णाहेइ सण्णेहेत्ता जेणेव बलवाउए तेणेव उवागच्छइ उवागच्छित्ता एयमाण-  
 त्तिव पच्चप्पिणइ

तए णं से बलवाउए जाणसालियं सद्दावेइ सद्दावेत्ता एवं वयासी-खिप्पामेव भो देवाणुप्पिया  
 सुभदापमुहाणं देवीणं बाहिरियाए उवट्ठणसालाए पाडियक्कपाडि-यक्काइ जत्ताभिमुहाइ जुत्ताइ  
 जाणाइ उवट्ठवेहि उवट्ठवेत्ता एयमाणत्तियं पच्चप्पिणाहि तए णं से जाणसालिए बलवाउयस्स एयमट्ठं  
 आणाए विणएणं वयणं पडिसुणेइ पडिसुणेत्ता जेणेव जाणसाला तेणेव उवागच्छइ उवागच्छित्ता  
 जाणाइ पट्टवेक्खेइ पट्टवेक्खेत्ता जाणाइ संपमज्जेइ संपमज्जेत्ता जाणाइ संवट्ठेइ संवट्ठेत्ता जाणाइ  
 नीणेइ नीणेत्ता जाणाणं दूसे पवीणेइ पवीणेत्ता जाणाइ समलंकरेइ समलंकरेत्ता जाणाइ वरभंडग-  
 मंडियाइ करेइ करेत्ता जेणेव वाहणसाला तेणेव उवागच्छइ उवागच्छित्ता वाहणसालं अनुपविसइ  
 अनुपविसित्ता वाहणाइ पट्टवेक्खेइ पट्टवेक्खेत्ता वाहणाइ संपमज्जेइ संपमज्जेत्ता वाहणाइ नीणेइ  
 नीणेत्ता वाहणाइ अप्फालेइ अप्फालेत्ता दूसे पवीणेइ पवीणेत्ता वाहणाइ समलंकरेइ समलंकरेत्ता  
 वाहणाइ वरभंडग-मंडियाइ करेइ करेत्ता वाहणाइ जाणाइ जोएइ जोएत्ता पओय-लट्ठिं पओय-धए  
 य समं आडहइ आडहिता वट्ठमगं गाहेइ गाहेत्ता जेणेव बलवाउए तेणेव उवागच्छइ उवागच्छित्ता  
 बलवाउयस्स एयमाणत्तियं पच्चप्पिणइ तए णं से बलवाउए नयरगुत्तियं आमंतेइ आमंतेत्ता एवं  
 वयासी-खिप्पामेव भो देवाणुप्पियाए चंपं नयरिं सच्चित्त-बाहिरियं आसित्त-सम्मज्जिओवलित्तं जाव  
 कारवेत्ता य एयमाणत्तियं पच्चप्पिणाहि तए णं से नयरगुत्तिए बलवाउयस्स एयमट्ठं आणाए विणएणं  
 वयणं पडिसुणेइ पडिसुणेत्ता चंपं नयरिं सच्चित्त-बाहिरियं आसित्त-सम्मज्जिओवलित्तं जाव

कारवेत्ता य जेणेव बलवाउए तेणेव उ- वागच्छइ उवागच्छिता एयमाणतियं पच्चप्पिणइ

तए णं से बलवाउए कौणियस्स रण्णो भिभसार-पुत्तस्स आभिसेक्कं हत्थिरयणं पडिकप्पयं पासइ हय-गय-[रह-पवरजोह-कलियं चाउरंगिणी सेणं] सण्णाहियं पासइ सुभद्दपमुहाण य देवीणं पडिजाणाइ उवद्धवियाइ पासइ चंपं नयरिं सत्थिभतर-बाहिरियं जाव गंधवट्ठिभूयं कयं पासइ पासित्ता हट्ठतुट्ठ-चित्तमाणंदिए पीडमणे [परमसोमणस्सिए हरिसवस-विसप्पमाण] हियए जेणेव कूणिए राया भिभसारपुत्ते तेणेव उवागच्छइ उवागच्छिता करयल-[परिण्हियं सिरसावत्तं मत्थए अंजलिं कट्ठ जएणं विजएणं वद्धावेइ वेद्धावेत्ता] एवं वयासी-कप्पिए णं देवाणुप्पियाणं आभिसेक्के हत्थिरयणे हय-गय-रह-पवरजोहकलिया य चाउरंगिणी सेणा सण्णाहिया सुभद्दपमुहाण य देवीणं बाहिरियाए उवद्धाणसालाए पाडियक्क-पाडियक्काइ जत्ताभिमुहाइं जुत्ताइं जाणाइं उवद्धावियाइं चंपानयरी सत्थिभतर-बाहिरिया आसित्त-सम्पज्जिओवलिता जाव गंधवट्ठिभूया कया तं निजंतु णं देवाणुप्पिया समणं भगवं महावीरं अमिदं दया। ३०।-३०

(३१) तए णं से कूणिए राया भिभसारपुत्ते बलवाउयस्स अंतिए एयमट्ठं तोछा निसम्मं हट्ठतुट्ठ-चित्तमाणंदिए पीडमणे परमसोमणस्सिए हरिसवस-विसप्पमाण] हियए जेणेव अट्ठणसाला तेणेव उवागच्छइ उवागच्छिता अट्ठणसालं अनुपविसइ अनुपविसित्ता अनेगवायाम-जोग-वागण-वामट्ठण-मल्लजुद्धकरणेहिं संते परिस्संते सयपाग-सहस्रपागेहिं सुगंधतेल्लमाईहिं पीणणिजेहिं दप्पणिजेहिं मयणिजेहिं विहणिजेहिं सत्थिदियगायपल्हायणिजेहिं अट्ठिमणेहिं अट्ठिमिगे समणे तेल्लचम्मंसि-पडिपत्र-पाणि-पाय-सुउमाल-कोमल-तलेहिं पुरिसेहिं छेएहिं दक्खेहिं पत्तडेहिं कुसलेहिं मेहावीहिं निउणसिप्पोवगएहिं अट्ठिमण-परिमट्ठणुव्वलण-करण-गुणणिम्माएहिं अट्ठिसुहाए मंस-सुहाए तयासुहाए रोमसुहाए-चउव्विहाए संबाहणाए संबाहिए समणे अवगय-खेय-परिस्समे अट्ठण-सालाओ पडिनिक्खमइ पडिनिक्खमिता जेणेव मज्झणघरे तेणेव उवागच्छइ उवागच्छिता मज्झणघरं अनुपविसइ अनुपविसित्ता समत्तजालाउल्लभिरामे विचित्त-मणि-रयण-कुट्टिमत्तले रम-णिजे ण्हाणमंडं वंसि नाणामणि-रयण-प्रतिचित्तंसि ण्हाणपीढंसि सुहणिसण्णे सुहोदएहिं गंधोदए-हिंपुप्पोदएहिं सुद्धोदएहिं पुणो-पुणो कल्लाणग-पवर-मज्झणविहीए मज्जिए तत्थ कोउयसएहिं बहु-विहेहिं कल्लाणगपवरमज्झणावसाणे पम्हल-सुकुमाल-गंध-कासाइ-लूहियंगे सरस-सुरहि-गोसीस-चंदणाणुलित्तगत्ते अहय-सुपहग्ध-दूसरयण-सुसंवुए सुइमाला-वण्णग-विलेवणे य आविद्धमणि-सुवण्णे कप्पियहारद्धहार-तिसरय-पालंव-पलंवमाण-कडिसुत्ता-सुकयसोभे पिणद्ध-गेवेज्जग-अंगु-लिज्जग-त्तलियंगय-त्तलियकयाभरणे वरकडग-तुडिय-थंभियमुए अरिय-रुवसत्तिरीए मुडिय-पिंगलंगुलीए कुंडलउज्जोवियाणणे मउडदित्तसिरए हारोत्थय-सुकय-रइयवच्छे पालंव-पलंवमाण-पड-सुकयउत्तरिजे नानामणिकणग-रयण-विमल-महरिह-निउणोवियमिसिमि-संत-विरइय-सुसि-लिट्ठ-विसिट्ठ-लट्ठ-आविद्ध-वीरवलए किं बहुणा कप्परुक्खए चेव अलंकि-ययिभूसिए नरवई सको-रेंटमल्लदामेणं छतेणं धरिज्जमाणेणं चउवामरवालवीइयंगे-मंगल-जयसद्ध-कयालए मज्झणघराओ पडिनिक्खमइ पडिनिक्खमिता अणेगणनायग-दंडनायग-राईसर-तलवर-माडं विय-कोडुं विय-इत्थ-सेट्ठि-सेणावइ-सत्थवाह-दूय-संधिवालसत्थिं संपरिवुडे धवलमहामेहणिगए इव गहगण-दिप्पंत-रिक्ख-तारागणण मज्जे सत्थिच्च पिअदंसणे नरवई जेणेव बाहिरिया उवद्धाणसाला जेणेव आभिसेक्के हत्थिरयणे तेणेव उवागच्छइ उवागच्छिता अंजणगिरिकूडसण्णिभं गयवइं नरवईदुरुद्धे

तए णं तस्स कूणियस्स रण्णो भिभसारपुत्तस्स आभिसेक्कं हत्थिरयणं दुरूढस्स समाणस्स तप्पढमयाए इमे अट्ठ मंगलया पुरओ अहाणुपुव्वीए संपट्ठिया तं जहा-सोवत्थिय-सिरिवच्छ-नंदियावत्त-वद्धमाणा-पद्दासण-कलस-मच्छ-दप्पणया तयाणंतरं च णं पुत्रकलसभिगारं दिव्वा य छत्तपडागा सचामरा दंसण-रइय-आलोय-दरिसणिआ वाउद्धय-दिजयवेजयंती य ऊसिया गगण-तलमणुलिहंती पुरओ अहाणुपुव्वीए संपट्ठिया तयाणंतरं च णं वेरुलिय-भिंसंत-विमलदंडं पलंब-कोरंटमल्लदामोवसोमियं चंदमंडलणिभं समूसियं विमलंआयवत्तं पचरं सीहासणं वरपणिरय-णपादपीढं सपाउयाजोयसमाउत्तं बहुकिंकर-कम्मकर-पुरिस-पायत्तपरिक्खित्तं पुरओ अहाणु-पुव्वीए संपट्ठियं तयाणंतरं च णं बहवे लट्ठिग्गहा कुंतग्गहा चामरग्गहा पासग्गहा चादग्गहा पोत्थयग्गहा फलगग्गहा पीदग्गहा वीणग्गहा कूवग्गहा हडप्पग्गहा पुरओ अहाणुपुव्वीए संपट्ठिया तयाणंतरं च णं बहवे दंडिणो मुंडिणो सिंहडिणो जडिणो पिंछिणो हासकरा डमरकरा दवकारा जाडुकरा कंदप्पिया कोक्कुइया किडुकरा य वायंता य गायंता य नच्चंता य हसंता य भासंता य सासंता य सार्वेता य रक्खंता य आलोयं च करेमाणा जयजयसदं पउंजमाणा पुरओ अहाणुपुव्वीए संपट्ठिया

असिलट्टिकुंतचावे चामरपासे य फलगपोत्थे य	
वीणा कूयग्गहे तत्तो हडप्पग्गहे	पद्य
दंडी मुंडिसिंहडी पिंछी जडिणो य हासिकिड्डा य	
दवकार चडुकारा कंदप्पिय-कुक्कुइ गायए	पद्य
गायंता वायंता नच्चंता तए हसंतहासेता	
सार्वेत्ता रावेत्ता आलोयजयं पउंजंता	पद्य

तयाणंतरं च णं जच्चाणं तरमल्लिहायणाणं थासग-अहिलाण-चामर-गंड परिमंडियकडीणं किंकरवत्तरुणपरिग्गहियाणं अडुसयं वरतुरगाणं पुरओ अहाणुपुव्वीए संपट्ठियं तयाणंतरं च णं ईसीदंताणं ईसीमत्ताणं ईसीतुंगाणं ईसीउच्छंगविसाल-धवलदंताणं कंचणकोसी-पविट्ठदंताणं कंचणमणियरयणभूसीयाणं वरपुरिसारोहगसंपउत्ताणं अडुसयं गयाणं पुरओ अहाणुपुव्वीए संप-ट्ठियं तयाणंतरं च णं सच्छत्ताणं सज्झयाणं सघंटाणं सपडागाणं सतोरणवराणं सणंदि घोसाणं सखिखिणीजाल-परिक्खित्ताणं हेमवय-चित्त-तिणिस-कणग-निजुत्त-दारुयाणं कालायससुकय-णेमि-जंतकम्पाणं सुसिलिडुवत्तमंडलधुराणं आइण्णवरतुरगसुसंपउत्ताणं कुसलनरच्छेयसारहिसु-संपग्गहियाणं बत्तीसतोणपरिमंडियाणं संककडवडेंसगाणं सचावसरपहरणावारणभरिय-जुद्धस-ज्जाणं अडुसयं रहाणं पुरओ अहाणुपुव्वीए संपट्ठियं तयाणंतरं च णं असि-सत्ति-कुंत-तोमर-सूल-लउल-भिडिमाल-धणुपाणिसज्ज पायत्ताणीयं पुरओ अहाणुपुव्वीए संपट्ठियं

तए णं से कूणिए राया हारोत्थय-सुकय-रइयवच्छे कुंडलउओवियाणणे मउडदित्सिए नरसीहे नरवई नरिदे नरवसहे मणुयरायवसभकप्पे अब्भहिंयं रायतेयलच्छीए दिप्पमाणे हत्थक्खंय-वरगए सकोरंटमल्लदामेणं छत्तेणं धरिज्जमाणेणं सेयवरचामराहिं उद्धुव्वमाणीहिं-उद्धुव्वमाणीहिं वेसमणे विव नरवई अमरवइसण्णिभाए इड्ढीए पहियकिती हय-गय-रहपवरोजहकलियाए चाउरंगिणीए सेणाए समणुगम्भ-माणमग्गे जेणेव पुत्रमहे चेइए तेणेव पहारेत्थ गमणाए तए णं तस्स कूणियस्स रण्णो भिभसारपुत्तस्स पुरओ महं आसा आसधरा उमओ पासिं नागा नागधरा पिड्डओ



रहसंगेच्छि तए णं से कूणिए राया भिभसारपुत्ते अब्भुगवधिगारे पग्गहियतालियंटे ऊसवियसे-  
यच्छत्ते पवीइयवालवीयणीए सव्विइदीए सव्वजुतीए सव्ववलेणं सव्वसमुदएणं सव्वादरेणं  
सव्वविभूईए सव्वविभूताए सव्वसंभमेणं सव्वपुप्फगंधमल्ललंकारेणं सव्वतुडिय-सहसण्णिणाएणं  
महया इइदीए महया जुईए महया वलेणं महया समुदएणं महया वरतुडिय-जमगसमग-प्पवाइएणं  
संख-पणव-पडह-भेरि-झल्लरि-खरमुहि-हुडुक्क-मुरय-मुइंग-दुंदुहि-निग्गोसणाइयरवेणं चंपाएनय-  
रीए मज्झमज्झेणं निग्गच्छइ ॥३१॥३१

(३२) तए णं तस्स कूणियस्स रण्णो चंपाए नयरीए मज्झमज्झेणं निग्गच्छमाणस्स बहवे  
अत्यत्थिया कामत्थिया भोगत्थिया लाभत्थिया किब्बिसिया कारोडिया कारवाहिया संखिया  
चक्किया नंगलिया मुहमंगलिया वद्धमाणा पूसमाणवा खंडियगणा ताहिं इडाहिं कंताहिं पियाहिं  
मणुण्णाहिं पणामाहिं मणाभिरामाहिं हिययगमणिज्जाहिं वाग्गूहिं जय-विजयमंगलसएहिं अणवरयं  
अभिर्नंदता य अभित्थुणंता य एवं वयासी-जय-जय नंदा जय-जय भद्दा भद्दं ते अजियं जिणाहि  
जियं पालयाहिं जियमज्झे वसाहि इंदो इव देवाणं चमरो इव असुराणं धरणो इव नागाणं चंदो इव  
ताराणं मरहो इव मणुयाणं बहूइं वासाइं बहूइं वाससयाइं बहूइं वाससहस्साइं बहूइं वाससयसहस्साइं  
अणहसमगो हट्ठतुट्ठो परमाउं पासयाहि इड्डजणसंपरिवुडो चंपाए नयरीए अण्णेसिं च बहूणइं  
गामागर-नयर-खेड-कब्बड-दोणमुह-मंडव-पट्टण-आसम-निगम-संवाह-सणिवेसाणं आहवेद्यं पो-  
रेवद्यं सामितं भट्ठितं महत्तरगतं आणा-ईसर-सेणावद्यं कारेमाणे पालेमाणे महवाहय-नट्ट-गीय-  
वाइय-तंती-तलतालतुडिय-घण-मुइंगपट्टुप्पवाइयरवेणं विउलाइं भोगभोगाइं भुंजमाणे विहराहि  
त्ति कट्टुजय-जय सद्दं पंजंति

तए णं से कूणिए राया भिभसारपुत्ते नयणमालासहस्सेहिं पेच्छिज्जमाणे-पेच्छिज्जमाणे  
हियमालासहस्सेहिं अभिणंदिज्जमाणे-अभिणंदिज्जमाणे मनोरहमा- लासहस्सेहिं विच्छिप्पमाणे-  
विच्छिप्पमाणे वयणमालासहस्सेहिं अभियुच्चमाणे-अभियुच्चमाणे कंतिसोहग्गुणेहिं पत्थिज्जमाणे-  
पत्थिज्जमाणे बहूणं नरनारिसहस्साणं दाहिणहत्थेणं अंजलिमाला- सहस्साइं पडिच्छमाणे-पडिच्छ-  
माणे मंजुमंजुणा घोसेणं आपडिपुच्छमाणे-आपडिपुच्छमाणे भवणपतिसहस्साइं समइच्छमाणे-  
समइच्छामे चंपाए नयरीए मज्झमज्झेणं निग्गच्छइ निग्गच्छिता जेणेव पुत्रभदे चेइए तेणेव  
उवागच्छइ उवागच्छिता समणस्स भगवओ महावीरस्स अदूरासामंते छत्ताईए तित्थयराइसेसे पासइ  
पासित्ता आभिसेक्कं हत्थियणं ठवेइ ठवेत्ता आभिसेक्काओ हत्थियणाओ पच्चोरुहइ पच्चो-  
रुहित्ता अवहट्ठ पंच रायकउहाइ तं जहा-खगं छतं उप्पेसं वाहणाओ वालवीयणं जेणेव समणे  
भगवं महावीरे तेणेव उवागच्छइ उवागच्छिता समणं भगवं महावीरं पंचविहेणं अभिगमेण अभि-  
गच्छइ [तं जहा-सचित्ताणं दव्वाणं विउसरणयाए अचित्ताणं दव्वाणं अविओसरणयाए एगसाडिय-  
उत्तरासंगकरणेणं चक्खुप्फासे अंजलिपग्गहेणं मणसो एगत्तिभाव-करणेणं] समणं भगवं महावीरं  
तिक्खुत्तो आयाहिण-पयाहिणं करेइ करेत्ता वंदइ नमंसइ वंदित्ता नमंसित्ता तिविहाए पज्जुवासणाए  
पज्जुवासइ [तं जहा-काइयाए वाइयाए माणसियाए काइयाए-ताव संकुइयगहत्थपाए सुसूसमाणे  
नमंसमाणे अभिमुहे विणएणं पंजलिउडे पज्जुवासइ वाइयाए-जं जं भगवं वागोइ एवमेयं भंते  
तहमेयं भंते अवितहमेयं भंते संदिद्धमेयं भंते इच्छियमेयं भंते पडिच्छियमेयं भंते इच्छियपडिच्छियेयं  
भंते से जहेवं तुब्बे वदह अपडिक्कलमाण पज्जुवासइ माणसियाए-महयासंवेगं जणइत्ता तिव्वधम्मा-  
णुरागरत्ते पज्जुवासइ ॥३२॥३२

सूत-३३

गोकुल, विम-382069

(३३) तए णं ताओ सुमदप्पमुहाओ देवीओ अंतोअंतेउरसि ण्हायाओ [कयबलिकम्माओ कय-कोय-मंगल]-पायच्छिताओ सव्वालंकारविभूसियाओ बहूहिं खुज्जाहिं चिलाईहिं वामणीहिं वड्डीहिं बव्वरीहिं पउसियाहिं जोणियाहिं पल्लवियाहिं ईसिणियाहिं थारुणियाहिं लासियाहिं लउसियाहिं सिंहलीहिं दमिलीहिं आरवीहिं पुलिदिहिं पक्कणीहिं बहलीहिं मरुंडिहिं सबरीहिं पारसीहिं नाणादेसीहिं विदेसपरिमंडियाहिं इंगिय-चिंतिय-पत्थिय-विवाणियाहिं सदेसनेवत्थ-गहियवेसाहिं चेडियाचक्कवालवरिसधर-कंचुइज्ज-महत्तरवंदपरिक्खिताओ अंतेउराओ निग्ग-च्छंति निग्गच्छिता जेणेव पाडियक्कजाणाइं तेणेव उवागच्छंति उवागच्छिता पाडियक्क-पाडि-यक्काइं जत्ताभिमुहाइं जुताइं जाणाइं दुरुहंति दुरुहत्ता नियगपरियालसद्धिं संपरिवुडाओ चंपाए नयरीए भज्झमज्झेणं निग्गच्छंति निग्गच्छिता जेणेव पुत्रमदे चेइए तेणेव उवागच्छंति उवागच्छिता समणस्स भगवओ महावीरस्स अदूरसामंते छत्तादीए तित्थयरारुदेसेसे पासंति पासित्ता पाडियक्क-पाडियक्काइं जाणाइं ठवेत्ति ठवेत्ता जाणेहिं तो पच्चोरुहंति पच्चोरुहत्ता बहूहिं खुज्जाहिं जाव चेडि-याचक्कवाल-वरिसधर-कंचुइज्ज-महत्तरवंदपरिक्खिताओ जेणेव समणे भगवं महावीरे तेणेव उवागच्छंति उवागच्छिता समणं भगवं महावीरे पंचविहेणं अभिगमेणं अभिगच्छंति [तं जहा-सचि-त्ताणं दव्वाणं विओसरणयाए अचित्ताणं दव्वाणं अविओसरणयाए विणओणयाए गायलट्ठीए चक्कफासे अंजलिपग्गहेणं मणसो एगत्तिभावकरणेणं] समणं भगवं महावीरं तिकखुत्तो आया-हिण-पयाहिणं करेत्ति करेत्ता वंदंति नमंसंति वंदित्ता नमंसित्ता कूणियरायं पुरओ कट्ठु ठिइयाओ चेव सपरिवाराओ अभिमुहाओ विणएणं पंजलिकडाओ पजुचासंति ॥३३॥-३३

(३४) तए णं समणे भगवं महावीरे कूणियस्स रण्णो भिंसारपुत्तस्स सुभदापमुहाण य देवीणं तीसे च महतिमहालियाए इसिपरिसाए मुनिपरिसाए जइपरिसाए देवपरिसाए अणेगसयाए अणेगसयवंदाए अणेगसयवंदपरियालाए ओहबले अइबले महव्वले अपरिमिय-बल-वीरिय-तेय-माहप्प-कंतिजुत्ते सारय-नवत्थणिय-महुरगंभीर-कौंचनिग्घोस-दुंदुभिस्सरे उरे वित्थडाए कंठे वट्ठि-याए सिरे समाइण्णाए अगरलाए अमम्मणाए सुव्वत्तक्खर-सण्णिवाइयाए पुत्ररत्ताए सव्वभासाणु-गमिणीए सरस्सईए जोयणनीहारिणा सरेणं अद्धमागहाए भासाए भासइ-अरिहा धम्मं परिकहेइ तेसिं सव्वेसिं आरियमणारियाणं अगिलाए धम्मं आइक्खइ सावि य णं अद्धमाहगा भासा तेसिं सव्वेसिं आरियमणारियाणं अप्पणो सभासाए परिणामेणं परिणमइ तं जहा-अत्थि लोए अत्थि अलोए अत्थि जीवा अत्थि अजीवा अत्थि बंधे अत्थि भोक्खे अत्थि पुत्ते अत्थि पावे अत्थि आसवे अत्थि संवरे अत्थि वेयणा अत्थि निज्जरा अत्थि अरहंता अत्थि चक्कवट्ठी अत्थि बलदेवा अत्थि वासुदेवा अत्थि नरगा अत्थि नेरइया अत्थि तिरिक्खजोणिया अत्थि तिरिक्खजोणिणीओ अत्थि माया अत्थि पिया अत्थि रिसओ अत्थि देवा अत्थि देवलोया अत्थि सिद्धा अत्थि सिद्धी अत्थि परिनिव्वाणे अत्थि परिनिव्वया अत्थि पाणाइवाए [मुसावाए अदत्तादाने मेहुणे] परिग्गहे अत्थि कोहे [माने माया] लोमे अत्थि पेजे [दोसे कलहे अब्भक्खाणे पेसुन्ने परपरिवाए अरइरइ मायामोसे] मिच्छादंसणसल्ले अत्थि पाणाइवायवेरमणे [मुसावायवेरमणे अदत्तादानवेरमणे मेहुणवेरमणे] परिग्गहवेरमणे [अत्थि कोहविवेगे मानविवेगे मायाविवेगे लोभविवेगे पेज्जविवेगे दोसविवेगे कलह-विवेगे अब्भक्खाणविवेगे पेसुन्नविवेगे परपरिवायविवेगे अरतिरतिविवेगे मायामोसविवेगे] मिच्छादं-सणसल्लविवेगे सव्वं अत्थि भावं अत्थि ति वयइ सव्वं नत्थि भावं नत्थि ति वयइ सुचिण्णा कम्मा सुचिण्णफला भवन्ति दुचिण्णा कम्मा दुचिण्णफला भवन्ति फुसइ पुत्रपावे पच्चायंति जीवा

सफलेकल्लाणपावए

धम्ममाइक्खइ-इणमेव निगंगे पावयणे सच्चे अनुतरे केवलए संसुद्धे पडिपुत्रे नेयाउए सल्लगतेणं सिद्धिमग्गे मुत्तिमग्गे निज्जाणमग्गे निव्वाणमग्गे अयितहमविसंधि सव्वदुक्खप्पहीण-मग्गे इत्थंठिया जीवा सिज्जंति वुज्जंति मुच्चंति परिनिव्वायं सव्वदुक्खाणमंतं करेति एगच्चा पुण एगे भयंतारो पुव्वकम्मावसेसेणं अन्नयरेसु देवलोएसु देवत्ताए उववत्तारो भवंति-महइडिएसु महज्जु-इएसु महब्बलेसु महावसेसु महासोक्खेसु महाणुभागेसु दूरंगइएसु चिरइडिएसु ते णं तत्तय देवा भवंति महिइडिया [महज्जुइया महब्बला महावसा महासोक्खा महाणुभागा दूरंगइया] चिरइडिया हार- विरा-इयवच्छा [कडग - तुडिय - धंभियभुया अंगय-कुंडल-मट्ठगंड-कण्णपीढधारी विचित्तहत्थाभरणा विचित्तमात्ता-भउत्ति-भउडा कल्लाणगपवरवत्थपरिहिया कल्लाणगपवरमल्लणुलेवणा भासुरबोदी पलंबणमालधरा दिव्वेणं वण्णेणं दिव्वेणं गंधेणं दिव्वेणं रूवेणं दिव्वेणं फासेणं दिव्वेणं संधाएणं दिव्वे-णं संठाणेणं दिव्वाएइड्डीए दिव्वाएजुईए दिव्वाएपभाए दिव्वाएछायाए दिव्वाएअच्चीए दिव्वेणं-तेएणं दिव्वाएलेसाए दस दिसाओ उज्जीवेमाणा] पभासेमाणा कप्पोवगा गतिकल्लाणा आगमेसिभद्दा [पासाईया दरिसणिज्जा अभिरूवा] पडिरूवा

तमाइक्खइ-एवं खलु चउहिं ठाणेहिं जीवा नेरइयत्ताए कम्मं पकरेति-पकरेता नेरइएसु उववज्जंति तं जहा-महारंभयाए महापरिग्गहयाए पंधिंदियवहेणं कुणिमाहारेणं [एवं खलु चउहिं ठाणेहिं जीवा तिरिक्खजोणियत्ताए कम्मं पकरेति पकरेता तिरिक्खजोणिएसु उववज्जंति तं जहा]-माइल्लयाए अलियवयणेणं उक्कंचणयाए वंचणयाए एवं खलु चउहिं ठाणेहिं जीवा मणुस्सत्ताए कम्मं पकरेति पकरेता मणुस्सेसु उववज्जंति तं जहा]-पगइभइयाए पगइविणीययाए साणुक्कोस-याए अमच्छरिययाए [एवं खलु चउहिं ठाणेहिं जीवा देवत्ताए कम्मं पकरेति पकरेता देवेसु उव-वज्जंति तं जहा]-सरगसंजमेणं संजमासंजमेणं अकामनिज्जराए बालवतवोकम्मेणं तमाइक्खइ ॥३४-१॥ ३४-१

- (३५) जह नरगा गम्पंती जे नरगा जा य वेयणा नरए  
सारीरमाणसाइं दुक्खाइं तिरिक्खजोणीए ॥११॥-१
- (३६) माणुस्सं च अणिच्चं वाहिं-जहा-भरण-वेयणा-पउरं  
देवे य देवलोए देविइिं देवसोक्खाइं ॥२१॥-२
- (३७) नरगं तिरिक्खजोणिं माणुसभावं च देवलोगं च  
सिद्धे य सिद्धवसहिं चज्जीवणियं परिकहेइ ॥३१॥-३
- (३८) जह जीवा वज्जंती मुच्चंती जह य संकिलिस्संति  
जह दुक्खाणं अंतं करेति केई अपडिवद्धा ॥४१॥-४
- (३९) अट्ठा अट्ठियचित्ता जह जीवा दुक्खसागरमुवेति  
जह वेरणमुवगया कम्मसमुग्गं विहाडेंति ॥५१॥-५

(४०) जह रागेणं कडाणं कम्माणं पावगो फलविवागो जह य परिहीणकम्मा सिद्धा सिद्धा-लयमुवेति तमेव धम्मं दुविहं आइक्खइ तं जहा-अगारधम्मं अणगारधम्मं च अणगारधम्मो ताव-इह खलु सव्वओ सव्वत्ताए मुंडे भविता अगाराओ अणगारियं पव्वइयस्स सव्वाओ पाणाइवायाओ वेरमणं मुसावाय-अदत्तादान-मेहुण-परिग्गह राईभोयणाओ वेरमण अयमाउसो अणगारसामाइए धम्मे पत्रते एयस्स धम्मस्स सिक्खाए उवट्ठिए निगंगे वा निगंगंधी वा विहरमाणे आणाए आराहए भवति अगारधम्मं दुयालसविहं आइक्खइ तं जहा-पंच अनुव्वयाइं तिण्णि गुणव्वयाइं चत्तारि

सिक्खावयाई पंच अनुव्वयाई तं जहा-थूलाओपाणाइवायाओवेरमणं थूलाओमुसावायाओ वेरमणं थूलाओअदिन्नादाणाओवेरमणं सद्धारसंतोसे इच्छापरिमाणे तिण्णि गुणव्वयाई तं जहा-दिसिक्खयं उवभोगपरिभोगपरिमाणं अनत्थदंडवेरमणं चत्तारि सिक्खावयाई तं जहा-सामाइयं देसावयासियं पोसहोववासे अतिहिसंविमाणे अपच्छिमा मारणंतिया संलेहणाइसणाराहणा अयमाउसो अगार-सामाए धम्मं पत्रत्ते एयस्स घम्मस्स सिक्खाए उवट्ठिए समणोवासए वा समणो वासिया वा विहरमाणे आणाए आरहए भवइ । ३४।-३४

(४१) तए णं सा महत्तियमहालिया मणूसपरिसा समणस्स भगवओ महावीरस्स अंतिए धम्मं सोच्चा निमस्स हइतुट्ठ-[चित्तमाणंदिया पीइमणा परमसोमणस्सिया हरिसवसविसप्पमाण] हियया उट्ठाए उट्ठेइ उट्ठेत्ता समणं भगवं महावीरं तिक्खुत्तो आयाहिण-पयाहिणं कोइ करेत्ता वंदइ नमंसइ वंदित्ता नमंसित्ता अत्थेगइया मुंडे भविता अगाराओ अणगारियं पव्वइया अत्थेगइया पंचाणुव्वइयं सतसिक्खावइयं दुवालसविहं गिहिधम्मं पडिक्खणा अवसेसा णं परिसा समणं भगवं महावीरं वंदइ नमंसइ वंदित्ता नमंसित्ता एवं वयासी-सुअक्खाए ते भंते निग्गंथे पावयणे [सुपन्नत्ते ते भंते निग्गंथे पावयणे सुभासिए ते भंते निग्गंथे पावयणे सुविणीए ते भंते निग्गंथे पावयणे सुभाविए ते भंते निग्गंथे पावयणे] अनुत्तरे ते भंते निग्गंथे पावयणे धम्मं णं आइक्खमाणा उवसमं आइक्खह उवसमं आइक्खमाणा विवेगं आइक्खह विवेगं आइक्खमाणा वेरमणं आइक्खह वेरमणं आइक्खमाणा अकरणं पावाणं कम्माणं आइक्खह नत्थि णं अण्णे केइ समणे वा माहणे वा जे एरिसं धम्ममाइक्खित्तए किमंग पुण एत्तो उत्तरत्तरं एवं वदित्ता जामेव दिसं पाउब्भूया तामेव दिसं पडिगया । ३५।-३५

(४२) तए णं से कूणिए राया भिभसारपुत्ते भगवओ महावीरस्स अंतिए धम्मं सोच्चा निस्सम्म हइतुट्ठ-[चित्तमाणंदिए पीइमणे परमसोमणस्सिए हरिसवसविसप्पमाण] हरियए उट्ठाए उट्ठेइ उट्ठेत्ता समणं भगवं महावीरं तिक्खुत्तो आयाहिण-पयाहिणं कोइ करेत्ता वंदइ नमंसइ वंदित्ता नमंसित्ता एवं वयासी सुयक्खाए ते भंते निग्गंथे पावयणे [सुपन्नत्ते ते भंते निग्गंथे पावयणे सुमासिए ते भंते निग्गंथे पावयणे सुविणीए ते भंते निग्गंथे पावयणे सुभाविए ते भंते निग्गंथे पावयणे अनुत्तरे ते भंते निग्गंथे पावयणे धम्मं णं आइक्खमाणा उवसमं आइक्खह उवसमं आइक्खमाणा विवेगं आइक्खह विवेगं आइक्खमाणा वेरमणं आइक्खह वेरमणं आइक्खमाणा अकरणं पावाणं कम्माणं आइक्खह नत्थि णं अण्णे केइ समणे वा माहणे वा जे एरिसं धम्ममाइक्खित्तए] किमंग पुण एत्तो उत्तरत्तरं एवं वदित्ता जामेव दिसं पाउब्भूए तामेव दिसं पडिगए । ३६।-३६

(४३) तए णं ताओ सुभद्दापमुहाओ देवीओ समणस्स भगवओ महावीरस्स अंतिए धम्मं सोच्चा निस्सम्म हइतुट्ठ-[चित्तमाणंदियाओ पीइमणाओ परमसोमणस्सियाओ हरिसवस-विसप्पमाण] हिययाओ उट्ठाए उट्ठेत्ति उट्ठेत्ता समणं भगवं महावीरं तिक्खुत्तो आयाहिण-पयाहिणं करेत्ति करेत्ता वंदेत्ति नमंसेत्ति वंदित्ता नमंसित्ता एवं वयासी-सुयक्खाए ते भंते निग्गंथे पावयणे [सुपन्नत्ते ते भंते निग्गंथे पावयणे सुभासिए ते भंते निग्गंथे पावयणे सुविणीए ते भंते निग्गंथे पावयणे सुभाविए ते भंते निग्गंथे पावयणे अनुत्तरे ते भंते निग्गंथे पावयणे धम्मं णं आइक्खमाणा उवसमं आइक्खह उवसमं आइक्खमाणा विवेगं आइक्खह विवेगं आइक्खमाणा वेरमणं आइक्खह वेरमणं आइक्खमाणा अकरणं पावाणं कम्माणं आइक्खह नत्थि णं अण्णे केइ समणे वा माहणे वा जे एरिसं धम्ममाइक्खित्तए] किमंग पुण एत्तो उत्तरत्तरं एवं वदित्ता जामेव दिसं पाउब्भूयाओ तामेव दिसं पडिगयाओ । ३७।-३७

(४४) तेणं कालेणं तेणं समएणं समणस्स भगवओ महावीरस्स जेड्डे अंतेवासी इंदमूर्ई नाम अणगारे गोयमे गोतेणं सत्तुस्सेहे समचउरंसंठाणसंठिए वइररिसहनारायसंघयणे कणग-पुलग-निघस-पम्ह-गोरे उण्णतवे दित्ततवे तत्ततवे महातवे ओराले घोरे घोरगुणे घोरतवस्सी घोरबंमचो-रवासी अचूढसरीरे संखित्तविउलतेयलेस्से समणस्स भगवओ महावीरस्स अदूरसामंते उड्डंजाणू अहोसिरे ज्ञाणकोडोगवए संजमेणं तवसा अप्पाणं भावेमाणे विहरइ तए णं से भगवं गोयमे जायसइडे जायसंसए जायकोऊहल्ले उप्पणसइडे उप्पणसंसए उप्पणकोऊहल्ले संजायसइडे संजायसंसए संजायकोऊहल्ले समुप्पणसइडे समुप्पणसंसए समुप्पणकोऊहल्ले उट्ठाए उड्डेइ उट्ठेता जेणेव समणे भगवं महावीरे तेणेव उवागच्छइ उवागच्छित्ता समणं भगवं महावीरं तिक्खुत्तो आयाहिण-यवाहिणं करोइ करेता बंधइ नमंसइ वंदित्ता नमंसित्ता नच्चासण्णे नाइदूरे सुस्सुसमाणे नमंसमाणे अभिमुहे विणएणं पंजलिउडे पज्जुवासमाणे एवं वयासी- जीवे णं भंते असंजए अविरए अप्पडिहयपच्चक्खायपावक्कमे सकिरिए असंवुडे एणंतदंडे एणंतबाले पावक्कमं अण्हाइ हंता अण्हाइ

जीवे णं भंते असंजए [अविरए अप्पडिहयपच्चक्खायपावक्कमे सकिरिए असंवुडे एणंतदंडे एणंतबाले] एणंतसुत्ते मोहणिज्जं पावक्कमं अण्हाइ हंता अण्हाइ जीवे णं भंते मोहणिज्जं कम्मं वेदेमाणे किं मोहणिज्जं कम्मं बंधइ वेयणिज्जं कम्मं बंधइ गोयमा मोहणिज्जं पि कम्मं बंधइ वेयणिज्जं पि कम्मं बंधइ नन्नत्थ चरिममोहणिज्जं कम्मं वेदेमाणे वेयणिज्जं कम्मं बंधइ नो मोहणिज्जं कम्मं बंधइ, जीवे णं भंते असंजए [अविरए अप्पडिहय- पच्चक्खायपावक्कमे सकिरिए असंवुडे एणंतदंडे एणंतबाले] एणंतसुत्ते उस्सण्णं तसपाणधाई कालमासे कालं किच्चा नेरइएसु उववज्जइ हंता उववज्जइ

जीवे णं भंते असंजए अविरए अप्पडिहयपच्च- क्खायपावक्कमे इओ चुए पेच्चदेवे सिया गोयमा अत्थेगइया देवे सिया अत्थेगइया नो देवे सिया से केण्डे भंते एवं वुच्चइ-अत्थेगइया देवे सिया अत्थेगइया नो देवे सिया गोयमा जे इमे जीवा गामागर-नयर-निगम-रायहाणि-खेड-कब्बड-दोणमुह-मडंब-पट्टणासम-संवाह-सण्णिवेसेसु अकामतण्हाए अकामसुहाए अकामवंभवेरवासणं अकामअण्हाणग-सोयायव-दंसमसग-सेय-जल्ल-मल-पंक-परितावेणं अप्पतरो वा भुज्जतरो वा कालं अप्पाणं परिकिलेसंति परिकिलेसित्ता कालमासे कालं किच्चा अन्नयरेसु वाणमंतरेसु देव-लोएसु देवत्ताए उवयत्तारो भवन्ति तहिं तेसिं गई तहिं तेसिं ठिई तहिं तेसिं उववाए पत्रते तेसिं णं भंते देवाणं केवइयं कालं ठिई पत्रत्ता गोयमा दसवाससहस्साइं ठिई पत्रत्ता अत्थि णं भंते तेसिं देवाणं इड्-ढीइ वा जुईइ वा जसेइ वा बलेइ वा वीरिएइ वा पुरिसक्कारपरक्कमेइ वा हंता अत्थि ते णं भंते देवा परलोगस्स आराहगा नो इण्डे समडे

से जे इमे गामागर-[नयर-निगम-रायहाणि-खेड-कब्बड-दोणमुह-मडंब-पट्टणासम-संवाह]-सण्णिवेसेसु मणुया भवन्ति ते जहा-अंडुबद्धगा नियलबद्धगा हडिबद्धगा चारगबद्धगा हत्थिण्णगा पाय्छिण्णगा कण्णछिण्णगा नक्कछिण्णगा ओड्डछिण्णगा जिब्भछिण्णगा सीसछिण्णगा मुख-छिण्णगा मज्झछिण्णगा वइकच्छिण्णगा हियउप्पाडियगा नयनुप्पाडियगा दसणुप्पाडियगा वस-णुप्पाडियगा तंदुलछिण्णगा कागणिमंसक्खावियगा ओलंबियगा लंबियगा धंसियगा घोलियगा फालियगा पीलियगा सूलाइयगा सूलभिण्णगा खारवत्तिपा वज्जवत्तिपा सीहपुच्छियगा दवणि-दड्ढगा पंकोसण्णगा पंके खुत्तगा वल्लमयगा वसट्टमयगा नियाणमयगा अंतोसल्लमयगा गिरि-

पडियगा तरुपडियगा मरुपडियगा गिरिपक्खंदोलगा तरुपक्खंदोलगा मरुपक्खंदोलगा जलपवेसी जलणपवेसी विसभक्खियगा सत्थोवाडियगा वेहाणसिया गेदुपट्टगा कंतारमयगा दुब्भिक्खमयगा असंकिलिदुपरिणामा ते कालमासे कालं किच्चा अण्णयरेसु वाणमंतरेसु देवलोएसु देवत्ताए उववत्तारो भवंति तहिं तेसिं गई तहिं तेसिं ठिई तहिं तेसिं उववाए पन्नते तेसिं णं भंते देवाणं केवड्यं कालं ठिई पन्नत्ता गोयमा चारसवासहस्साइं ठिई पन्नत्ता अत्थि णं भंते तेसिं देवाणं इड्ढीइ वा जुईइ वा जसेइ वा बलेइ वा वीरिएइ वा पुरिसक्कारपरक्कमेइ वा हंता अत्थि ते णं भंते देवा परलोगस्स आराहगा नो इण्ठे समट्ठे

से जे इमे गामागर-[नयर-निगम-रायहाणि-खेड-कब्बड-दोणमुह-मडंब-पट्टणासम-संबाह]-सण्णिवेसेसु मणुया भवंति तं जहा-पगइभट्टगा पगइउवसंता पगइपतणुकोहमाणमायालोहा मिउ-मद्वसंपत्रा अल्लिणा विणीया अम्मापिउसुसूसगा अम्मापिऊणं अणइक्कमणिज्जवयणा अप्पिच्छा अप्पारंभा अप्पपरिग्गहा अप्पेणंआरंभेणं अप्पेणंसमारंभेणं अप्पेणंआरंभसमारंभेणं वित्ति कप्पे-माणा बहूइं वासाइं आउयं पालेति पालित्ता कालमासे कालं किच्चा अण्णयरेसु वाणमंतरेसु [देवलोएसु देवत्ताए उववत्तारो भवंति तहिं तेसिं गई तहिं तेसिं ठिई तहिं तेसिं उववाए पन्नते तेसिं णं भंते देवाणं केवड्यं कालं ठिई पन्नत्ता गोयमा चउहसवाससहस्साइं ठिई पन्नत्ता अत्थि णं भंते तेसिं देवाणं इड्ढीइ वा जुईइ वा जसेइ वा बलेइ वा वीरिएइ वा पुरिसक्कारपरक्कमेइ वा हंता अत्थि ते णं भंते देवा परलोगस्स आराहगा नो इण्ठे समट्ठे] से जाओ इमाओ गामागर-[नयर-निगम-रायहाणि-खेड-कब्बड-दोणमुह-मडंब-पट्टणासम-संबाह]-सण्णिवेसेसु इत्थियाओ भवंति तं जहा-अंतो-अंतोउरि-याओ गयपइयाओ मयपइयाओ बालविहयाओ छड्डिवड्डियाओ माइरक्खियाओ पिय-रक्खियाओ मायरक्खियाओ पइरक्खियाओ कुलधररक्खियाओ ससुरकुलरक्खियाओ परूढणह-केस-क्कखरोमाओ ववगयपुप्फगंधमल्लालंकाराओ अण्हाणग-सेय-जल्ल-मल्ल-पंक-परितावियाओ ववगय-खीर-दहि-नवणीय-सप्पि-तेल्ल-गुल-लोण-महु-मज्ज-मंस-परिचत्तकयाहाराओ अप्पिच्छाओ अप्पारंभाओ अप्पपरिग्गहाओ अप्पेणंआरंभेणं अप्पेणंसमारंभेणं अप्पेणंआरंभसमारंभेणं वित्ति कप्पे-माणीओ अकामबभचेरवासणं तामेव पइसेज्जं नाइक्कमंति ताओ णं इत्थियोओ एयारूवेणं विहारोणं विहरमाणीओ बहूइं वासाइं [आउयं पालेति पालित्ता कालमासे कालं किच्चा अण्णयरेसु वाणमंतरेसु देवलोएसु देवत्ताए उववत्तारो भवंति तहिं तेसिं गई तहिं तेसिं ठिई तहिं तेसिं उववाए पन्नते तेसिं णं भंते देवाणं केवड्यं कालं ठिई पन्नत्ता गोयमा चउसड्डियाससहस्साइं ठिई पन्नत्ता अत्थि णं भंते तेसिं देवाणं इड्ढीइ वा जुईइ वा जसेइ वा बलेइ वा वीरिएइ वा पुरिसक्कारपरक्कमेइ वा हंता अत्थि ते णं भंते देवा परलोगस्स आराहगा नो इण्ठे समट्ठे]

से जे इमे गामागर-[नयर-निगम-रायहाणि-खेड-कब्बड-दोणमुह-मडंब-पट्टणासम-संबाह]-सण्णिवेसेसु मणुया भवंति तं जहा-दगबिड्या दगतइया दगसत्तमा दगएक्कारसमा गोयम-गोव्वड्य-गिहिधम्म-धम्मचित्तग-अवि-रुद्ध-विरुद्ध-बुड्डसावगण्यभित्तयो तेसिं णं मणुयाणं नो कप्पंति इमाओ नव रसविगईओ आहारेत्तए तं जहा-खीरं दहिं नवनीयं सप्पि तेल्लं फाणियं महुं मज्जं मंसं नन्नत्थ एक्काए सरिसवविगईए ते णं मणुया अप्पिच्छा [अप्पारंभा अप्पपरिग्गहा अप्पेणं-आरंभेणं अप्पेणंसमारंभेणं अप्पेणंआरंभसमारंभेणं वित्ति कप्पेमाणा बहूइं वासाइं आउयं पालेति पालित्ता कालमासे कालं किच्चा अण्णयरेसु वाणमंतरेसु देवलोएसु देवत्ताए उववत्तारो भवंति तहिं

तेसिं गई तहिं तेसिं ठिई तहिं तेसि उववाए पन्नते तेसि णं भंते देवाणं केवइयं कालं ठिई पन्नता गोयमा चउरासीइवाससहस्साइं ठिई पन्नता अत्थि णं भंते तेसिं देवाणं इइढीइ वा जुईइ वा जसेइ वा बलेइ वा वीरिएइ वा पुरिस्सारपरक्कमेइ वा हंता अत्थि ते णं भंते देवा परलोगस्स आराहगा नो इण्ढे समट्ठे]

से जे इमे गंगाकूला वाणपत्था तावसा भवन्ति तं जहा-होत्तिया पोत्तिया कोत्तिया जण्णई सइढई थालई हुंबउड्डा दंतुकखलिया उम्भज्जगा सम्भज्जगा निमज्जगा संपक्खाला दक्खिणकूलगा उत्तर-कूलगा संखधमगा कूलधमगा मिगलुद्धगा हत्थितावसा उइडंगा दिसापोक़िखणो वाकवासिणो विल-वासिणो जलवासिणो रुक्खमूलिया अंबुभक्खिणो वाउभक्खिणो सेवालभक्खिणो मूलाहारा कंदाहारा तयाहारा पत्ताहारा पुप्फाहारा फलाहारा बीचाहारा परिसडिय-कंद-मूल-तय-पत्त-पुप्फ-फलाहारा जलभिसेयकट्ठिणगाया आयावणाहि पंचगितावेहिं इंगालसोल्लियं कंदुसोल्लियं कट्ठसोल्लियं पिव अप्पाणं करेमाणा बहूई वासाइं परियागं पाउणंति पाउणित्ता कालमासे कालं किच्चा उक्को-सेणं जोइसिएसु देवेसु देवताए उववत्तारो भवन्ति [तहिं तेसिं गई तहिं तेसिं ठिई तहिं तेसिं उववाए पन्नते तेसिं णं भंते देवाणं केवइयं कालं ठिई पन्नता गोयमा पत्तिओवमं वाससयसहस्समब्भहियं ठिई पन्नता अत्थि णं भंते तेसिं देवाणं इइढीइ वा जुईइ वा जसेइ वा बलेइ वीरिएइ वा पुरिसक्कार-परक्कमेइ वा हंता अत्थि ते णं भंते देवा परलोगस्स आराहगा नो इण्ढे समट्ठे] से जे इमे गामागर- [नयर-निगम-रायहाणि-खेड-कब्बड-दोणमुह-मडंब-पट्टणासम-संबाह]-सण्णिवेसेसु पव्वइया समणा भवन्ति तं जहा-कंदप्पिया कुक्कुइया मोहरिया गीयरइप्पिया नद्धणसीला ते णं एएणं विहा-रेणं विहरमाणा यहूई वासाइं सामण्ण परियागं पाउणंति पाउणित्ता तस्स ठाणस्स अणालोइय-पडिक्कंता कालमासे कालं किच्चा उक्कोसेणं सोहम्मे कप्पे कंदप्पिएसु देवेसु देवताए उववत्तारो भवन्ति [तहिं तेसिं गई तहिं तेसिं ठिई तेसिं उववाए पन्नते तेसिं णं भंते देवाणं केवइयं कालं ठिई पन्नता गोयमा पत्तिओवमं वाससयसहस्समब्भहियं ठिई पन्नता अत्थि णं भंते तेसिं देवाणं इइढीइ वा जुईइ वा जसेइ वा बलेइ वा वीरिएइ वा पुरिसक्कारपरक्कमेइ वा हंता अत्थि ते णं भंते देवा परलोगस्स आराहगा नो इण्ढे समट्ठे] से जे इमे गामागर- [नयर-निगम-रायहाणि-खेड-कब्बड-दोणमुह-मडंब-पट्टणासम-संबाह]-सण्णिवेसेसु परिव्याया भवन्ति तं जहा-संखा जोगी काविला भिउच्चा हंसा परमहंसा बहुउदगा कुलिव्या कण्हपरिव्याया तत्थ खलु इमे अट्ठ माहणपरिव्याया भवन्ति [तं जहा]- [३८-१]-३८-१

(४५) कंडू य करकंटे य अंबडे य परासरे

कम्हे दीवाचाणे चेव देवाणुत्ते य नारए

॥६॥-१

(४६) तत्थ खलु इमे अट्ठ खरिय-परिव्याया भवन्ति तं जहा [३८-२]

(४७) सीलई मसिंहारे नगाई भगाई ति य

विदेहे राया रामे लेत्ति य

॥७॥-२

(४८) ते णं परिव्याया रिउवेद-यजुर्वेद-सामवेद-अहव्यणवेद-इतिहासपंचमाणं नियंतुछ-ड्डाणं संगोवंगाणं सरहस्साणं चउण्हं वेदाणं सारगा पारगा धारगा सडंगवी सट्ठितंतविसारया संखाणे सिक्खकप्पे वागरणे छंदे निरुत्ते जोइसामवणे अन्नेसु य बहूसु बंभणएसु य सत्थेसु सुपरिणिद्धिया यावि होत्था ते णं परिव्याया दाणधम्मं च सोयधम्मं च तित्थाभिसेयं च आधवेमाणा पन्नवेमाणा

परुवेमाण विहरंति जं णं अहं किं चिं असुई भवइ तं णं उदएणं य मड्डियाए य पक्खालियं समानं सुई भवइ एवं खलु अहे चोक्खा चोक्खायारा सुई सुइसमायारा भवित्ता अभिसेयजलपूयप्पाणो अविघ्गेणं सग्गं गमिस्सामो तेसिं णं परिव्वायाणं नो कप्पइ अगडं तलायं वा नई वा वाविं वा पुक्खरिणिं वा दीहियं वा गुंजालियं वा सरं वा सागरं वा ओगाहित्तए नन्नत्थ अद्धाणगमणेणं तेसिं णं परिव्वायाणं नो कप्पइ सगडं वा [रहं वा जाणं वा जुणं वा गिल्लिं वा थिल्लिं वा पवहणं वा सीयं वा] संदमाणियं वा दुरुहिता णं गच्छित्तए तेसिं णं परिव्वायाणं नो कप्पइ आसं वा हत्थिं वा उट्ठं वा गोणं वा महिसं वा खरं वा दुरुहिता णं गमित्तए नन्नत्थ बलाभिओगेणं तेसिं णं परिव्वायाणं नो कप्पइ नडपेच्छा इ वा [नट्टपेच्छा इ वा जल्लपेच्छा इ वा मल्लपेच्छा इ वा मुट्ठिपेच्छा इ वा बेलंगपेच्छा इ वा-पवगपेच्छा इ वा कहगपेच्छा इ वा लूसग पेच्छा इ वा आइक्खग पेच्छा इ वा लंखपेच्छा इ वा मंख-पेच्छा इ वा तूणइल्लपेच्छा इ वा तुंबवीणिपेच्छा इ वा मुयगपेच्छा इ वा] मागहपेच्छा इ वा पेच्छित्तए

तेसिं परिव्वायाणं नो कप्पइ हरियाणं लेसणया वा घट्टणया वा यंभणया वा लूसणया वा उप्पाडणया वा करित्तए तेसिं परिव्वायाणं नो कप्पइ इत्थिकहा इ वा भत्तकहा इ वा रायकहा इ वा देसकहा इ वा चोरकहा इ वा जणवयकहा इ वा अनत्थदंड करित्तए तेसिं णं परिव्वायाणं नो कप्पइ अयपायाणि वा तंबपायाणि वा तउयपायाणि वा सीसगपायाणि वा रययजायरूव-काय-वेडंतिय-वट्टलोह-कंसलोह-हारपुडय-रीतिया-मणि-संख-दंत-चम्म-चेल-सेल-पायाणि वा अण्णयराइं वा तहप्पगाराइं महद्धणमोलाइं धारित्तए नन्नत्थ आलाउपाएण वा दारुपएण वा मड्डियापाएण वा तेसिं णं परिव्वायाणं नो कप्पइ अयंबंधणाणि वा [तंब-बंधणाणि वा तउयबंधणाणि वा सीसगबंधणाणि वा रयय-जायरूव-काय-वेडंतिय-वट्टलोह-कंसलोह-हारपुडय-रीतिया-मणि-संख-दंत-चम्म-चेल-सेल-बंधणाणि वा अण्णयराइं वा तहप्पगाराइं] महद्धणमोलाइं धारित्तए तेसिं णं परिव्वायाणं नो कप्पइ नाणाविहवण्णारागस्ताइं बत्थाइं धारित्तए नन्नत्थ एगाए पाउरत्ताए तेसिं णं परिव्वायाणं नो कप्पइ हारं वा अद्धहारं वा एगावलिं वा मुत्तावलिं वा कणगावलिं वा रयणालिं वा मुरविं वा कंठमुरणिं वा पालंबं वा तिसरयं वा कडिसुत्तं वा दसमुदिआणंतगं वा कडयाणि वा तुडियाणि वा अंगयाणि वा केऊराणि वा कुंडलाणि वा मउडं वा चूलामणि वा पिणिद्धत्ताए नन्नत्थ एगेणं तंबिएणं पवित्तएणं

तेसिं णं परिव्वायाणं नो कप्पइ गंधिम-वेढिम-परिम-संघाइमे चउव्विहे मल्ले धारित्तए नन्नत्थ एगेणं कण्णपूरेणं तेसिं णं परिव्वायाणं नो कप्पइ अगलुएणं वा चंदणेण वा कुंकुमेणं वा गायं अणुलिंपित्तए नन्नत्थ एकूआए गंगामड्डियाए, तेसिं णं परिव्वायाणं कप्पइ मागहए पत्थए जलस्स पडिगाहित्तए से विय वहमाणए नो चेव णं अवहमाणए से विय थिमिओदए नो चेव णं कइमोदए से विय बहुप्पसण्णे नो चेव णं अबहुप्पसण्णे से विय परिपूए नो चेव णं अपरिपूए से विय दिन्ने नो चेव णं अदिन्ने से विय पिबित्तए नो चेव णं हत्थ-पाय-चरु-चमस-पक्खलाण्डाए सिणाइत्ताए वा, तेसिं णं परिव्वायाणं कप्पइ मागहए अद्धादए जलस्स पडिगाहित्तए से विय वहमाणए [नो चेव णं अवहमाणए से विय थिमिओदए नो चेव णं कइमोदए से विय बहुप्पसण्णे नो चेव णं अबहुप्पसण्णे से विय परिपूए नो चेव णं अपरिपूए से विय दिण्णे] नो चेव णं अदिन्ने से विय हत्थ-पाय-चरु-चमस-पक्खालण्डाए नो चेव णं पिबित्तए सिणाइत्ताए वा

तेसिं णं परिव्वायाणं कप्पइ मागहए आदए जलस्स पडिगाहित्तए से विय वहमाणए [नो



चेव णं अवहमाणे से वि य थिमिओदए नो चेव णं कहमोदए से वि य बहुप्पसण्णे नो चेव णं अवहप्पसण्णे से वि य परिपूए नो चेव णं अपरिपूए से वि य दिण्णे। नो चेव णं अदिने से वि य सिणाइत्तए नो चेव णं हत्थ-पाय-चरु-चमस-पक्खालणट्ठाए पिबित्तए वा, ते णं परिव्वायगा एयास्सवेणं विहारेणं विहरमाणा बहूइं वासाइं परिआयं पाउणंति पाउणिता कालमासे कालं किच्चा उक्कोसेणं बंभलोए कप्पे देवत्ताए उववत्तारो भवन्ति तहिं तेसिं गई [तहिं तेसिं ठिई तेसिं उववाए पत्रत्ते तेसिं णं भंते देवाणं केवइयं कालं ठिई पत्रत्ता गोयमा दससागरोवमाइं ठिई पत्रत्ता अत्थि णं भंते तेसिं देवाणं इइदीइ वा जुईइ वा जसेइ वा बसेइ वा वीरिएइ वा पुरिसक्कारपरक्कमेइ वा हंता अत्थि ते णं भंते देवा परलोणस्स आराहगा नो इणट्ठे समट्ठे। सेसं तं चेव । ३८।३८

(४९) तेणं कालेणं तेणं समएणं अम्मडस्स परिव्वायगस्स सत्त अंतेवासिसया गिक्कालस-मयंसि जेद्धामूलमासंमि गंगाए महानइए उभओकूलेणं कंमिल्लपुराओ नयराओ पुरिमतालं नयरं संपड्डिया विहारए तए णं तेसिं परिव्वायगणं तीसे अगामियाए छिण्णावायाए दीहमद्धाए अडवीए कंचि देसंतरमणुपत्ताणं से पुव्वग्गहिए उदए अनुपुव्वेणं परिभुंजमाणे झीणे, तए णं ते परिव्वाया झीणोदगा समाणा तण्हाए पारब्भमाणा-पारब्भमाणा उदगदातारमपस्समाणा अण्णमण्णं सद्दा-वंति सद्दावेत्ता एवं वयासी-एवं खलु देवाणुप्पिया अहं इमीसे अगामियाए [छिण्णावायाए दीह-मद्धाए] अडवीए कंचि देसंतरमणुपत्ताणं से पुव्वग्गहिए उदए [अनुपुव्वेणं परिभुंजमाणे] झीणे तं सेयं खलु देवाणुप्पिया अहं इमीसे अगामियाए [छिण्णावायाए दीहमद्धाए] अडवीए उदगदातारस्स सव्वओ समंता मण्ण-गवेसणं करित्तए ति कट्ठ अण्णमण्णस्स अंतिए एयमट्ठं पडिसुणेंति पडिसुणेत्ता तीसे अगामियाए [छिण्णावायाए दीहमद्धाए] अडवीए उदगदातारस्स सव्वओ समंता मण्ण-गवेसणं करेति करेत्ता उदगदातारमलभमाणा दोच्चंपि अण्णमण्णं सद्दावेति सद्दावेत्ता एवं वयासी-इहण्णं देवाणुप्पिया उदगदातारो नत्थि तं नो खलु कप्पइ अहं अदिनं गिण्हित्तए अदिनं साइज्जित्तए तं मा णं अहं इयाणि आवइकालं पि अदिनं गिण्हामो अदिनं साइज्जामो मा णं अहं तवलीवे भविस्सइ तं सेयं खलु अहं देवाणुप्पिया तिदंडए य कुंडियाओ य कंचिणियाओ य करोडिय-।ओ य भिसियाओ य छण्णालए य अंकुसए य केसरियाओ य पवित्तए य गणेत्तियाओ य छत्तए य वाहणाओ य धाउरत्ताओ य एगंते एडित्ता गंगं महानइ ओगाहेत्ता वालुयासंधारए संथरित्ता संलेहणा-झूसियाणं भत्त-पाण-पडियाइक्खियाणं पाओवगयाणं कालं अणकंखमाणे विहरित्तए ति कट्ठ अण्णमण्णस्स अंतिए एयमट्ठं पडिसुणेंति पडिसुणेत्ता तिदंडए य [कुंडियाओ य कंचिण-याओ य करोडियाओ य भिसियाओ य छण्णालए य अंकुसए य केसरियाओ य पवित्तए य गणेत्तियाओ य छत्तए य वाहणाओ य धाउरत्ताओ य] एगंते एडंति एडत्ता गंगं महानइ ओगाहेत्ति ओगाहेत्ता वालुयासंधारए संथरंति संथारित्ता वालुयासंधारयं दुरुहंति दुरिहत्ता पुरत्थाभिमुहा संपलियं कनिसण्णा करयल-[परिगहियं सिरसावत्तं मत्थाए अंजलिं कट्ठ] एवं वयासी-

नमोत्थु णं आहंताणं जाव सिद्धिगइनामधेयं ठाणं संपत्ताणं नमोत्थु णं समणस्स भगवओ महावीरस्स जाव संपाविउकामस्स नमोत्थु णं अम्मडस्स परिव्वायगस्स अहं धम्मायरियस्स धम्मो-वदेसगस्स पुक्खि णं अहंहेहिं अम्मडस्स परिव्वायगस्स अंतिए थूलए पाणाइवाए पच्चक्खाए जाव-झीवाए मुसावाए अदिनादाणे पच्चक्खाए जावझीवाए सव्वे मेहुणे पच्चक्खाए जावझीवाए थूलए परिगहे पच्चक्खाए जावझीवाए इयाणि अहं समणस्स भगवओ महावीरस्स अंतिए सव्वं

पाणाइवायं पच्चक्खामो जावज्जीवाए [सव्वं मुसावायं पच्चक्खामो जावज्जीवाए सव्वं अदिन्नादानं पच्चक्खामो जावज्जीवाए सव्वं मेहुणं पच्चक्खामो जावज्जीवाए] सव्वं परिगहं पच्चक्खामो जावज्जीवाए सव्वं कोहं [मानं मायं लोहं पेज्जं दोसं कलहं अब्भक्खामं पेसुन्नं परपरिवायं अरइरइं मायामोसं] मिच्छादंसणसल्लं अकरणिज्जं जोगं पच्चक्खामो जावज्जीवाए सव्वं असणं पाणं खाइमं साइमं चउव्विहं पि आहारं पच्चक्खामो जावज्जीवाए जं पि य इमं सरीरं इट्ठं कंतं पियं मणुणं मणाणं पेज्जं वेसासियं संमयं बहुमयं अणुमयं भंडकरंडगसमाणं मा णं सीयं मा णं उण्हं मा णं खुहा मा णं पिवासा मा णं वाला मा णं चोरा मा णं दंसा मा णं मसगा मा णं वाइयपित्तिय-सिंभिय-सण्णिवाइय विविहा रोगायंका परीसहोवसागा फुसंतु ति कट्टु एयंपि णं चरिमेहिं ऊसासनीसासेहिं बोसिरामि ति कट्टु संलेहणा-झूसिया भत्तपाणपडियाइक्खिया पाओवगया कालं अणवकंखमाणा विहरंति तए णं ते परिव्वाया बहूइं भत्ताइं अणसणाए छेदेति छेदिता आलोइय-पडिक्कंता समाहिपत्ता कालमासे कालं किच्चा बंभलोए कप्पे देवत्ताए उववण्णा [तहिं तेसिं गइं तहिं तेसिं ठिइं तहिं तेसिं उववाए पन्नत्ते तेसिं णं भंते देवाणं केवइयं कालं ठिइं पन्नत्ता गोयमा दससागरोवमाइं ठिइं पन्नत्ता अत्थि णं भंते तेसिं देवाणं इड्डीइ वा जुईइ वा जसेइ वा बलेइ वा वीरिएइ वा पुरिसक्कारपरक्कमेइ वा हंता अत्थि ते णं भंते देवा परलोगस्स आराहगा] हंता अत्थि सेसंतं चेव। ३९।-३७

(५०) बहुजणे णं भंते अण्णमण्णस्स एवमाइक्खइ एवं भासइ एवं पन्नवेइ एवं परूवेइ-एवं खलु अम्मडे परिव्वायए कं पिळपुरे नयरे घरसए आहारमाहरेइ घरसए वसहिं उवेइ से कहमेयं भंते एवं खलु गोयमा जं णं से बहुजणे अण्णमण्णस्स एवमाइक्खइ [एवं भासइ एवं पन्नवेइ] एवं परूवेइ-एवं खलु अम्मडे परिव्वायए कं पिळपुरे [नयरे घरसए आहारमाहरेइ] घरसए वसहिं उवेइ सद्ये णं एसमट्ठे अहंपि णं गोयमा एवमाइक्खामि [एवं भासामि एवं पन्नवेमि] एवं परूवेमि एवं खलु अम्मडे परिव्वायए [कं पिळपुरे नयरे घरसए आहारमाहरेइ घरसए] वसहिं उवेइ से केणट्ठेणं भंते एवं बुच्चइ-अम्मडे परिव्वायए [कं पिळपुरे नयरे घरसए आहारमाहरेइ घरसए] वसहिं उवेइ गोयमा अम्मडस्स णं परिव्वायगस्स [पगइभइयाए पगइउवसंतयाए पगइपत्तणुकोहमाणमायालोहयाए मिउमद्वंसपन्न-याए अलीणयाए] वीणीययाए छट्ठंछट्ठेणं अनिक्खित्तेणं तवोकम्मेणं उड्ढं वाहाओ पगिज्झिय-पगिज्झिय सूरामिमुहस्स आयावणभूमीए आयावेमाणस्स सुभेणं परिणामेणं पसत्थेहिं अज्झवसा-णेहिं लेसाहिं विसुज्झमाणीहिं अण्णया कयाइ तदावरणिज्जाणं कम्माणं खओवसमेणं ईहापूह-मग्गण-गवेसणं करेमाणस्स वीरियलद्धीए वेउव्वियलद्धीए ओहिनाणलद्धी समुप्पणा तए णं से अम्मडे परिव्वायए तीए वीरियलद्धीए वेउव्वियलद्धीए ओहिनाणलद्धीए समुप्पणाए जणविम्हा-वणहेउं कं पिळपुरे नयरे घरसए [आहारमाहरेइ घरसए] वसहिं उवेइ से तेणट्ठेणं गोयमा एवं बुच्चइ-अम्मडे परिव्वायए कं पिळपुरे नयरे घरसए [आहारमाहरेइ घरसए] वसहिं उवेइ

पहू णं भंते अम्मडे परिव्वायए देवाणुप्पियाणं अंतियं मुंडे भवित्ता अगाराओ अण्णारियं पव्वइत्तए नो इणट्ठे समट्ठे गोयमा अम्मडे णं परिव्वायए समणोवासाए अभिगयजीवाजीवे [उवल्ल-पुत्रपावे आसव-संवर-निज्जर-किरियाहिगरण-बंध-मोक्खकुसले असहेज्जेदेवासुरणाग-सुवण्णज-क्ख रक्खस-किज्जर-किंपुरिस-गरुल-गंधव्व-महोरागाइएहिं निग्गंथाओ पावयणाओ अणइक्क-मणिज्जे इणमो निग्गंथे पावयणे निस्संकिए निक्कंक्खिए निव्वित्तिगिच्छे लद्धट्ठे गहियट्ठे पुच्छियट्ठे अभिगयट्ठे विणिच्छियट्ठे अट्ठिंमिजपेमाणुसगरत्ते अयमाउसो निग्गंथे पावयणे अट्ठे अयं परमट्ठे सेसे

अण्ठे चउइस-अडमुद्दिइपुत्रमासिणीसु पडिपुत्रं पोसहं अनुपालेमाणे समये निगंधे फासुएसणि-  
ज्जेणं असण-याण-खाइम-साइमेणं दत्थ-पडिगहं-कंदल-पायपुच्छेणं ओसहमेसज्जेणं पाडिहा-  
रिएणं पीढफलगसेज्जा-संधारएणं पडिलाभेमाणे सीलव्यय-गुण-वेरमण-पच्चकखाण-पोसहोववा-  
सेहिं अहा-परिगहिएहिं तवोकम्मेहिं) अस्याणं भावेमाणे विहरइ अम्मडस्स णं परिव्यायगस्स थूलए  
पामाइवाए पच्चकखाए जावज्जीवाए [मुसावाए अदिन्नादाणे पच्चकखाए जावज्जीवाए सव्वे मेहुणे  
पच्चकखाए जावज्जीवाए थूलए परिगहे पच्चकखाए जावज्जीवाए] अम्मडस्स णं परिव्यायगस्स नो  
कप्पइ अक्खसोयप्प-माणेत्तेपि जलं सयराहं उत्तरितए नन्त्थ अद्धाणगमणेणं अम्मडस्स णं  
परिव्यायगस्स नो कप्पइ सगडं वा [रहं वा जाणं वा जुगं वा गिल्लिं वा थिल्लिं वा पवहणं वा सीयं वा  
संदमाणियं वा दुरुहिताणं गच्छितए

अम्मडस्स णं परिव्यायगस्स नो कप्पइ आसं वा हत्थि वा उट्ठं वा गोणं वा महिसं वा खरं  
दुरुहिताणं गमितए नन्त्थ वत्ताभोगेणं अम्मडस्स णं परिव्यायगस्स नो कप्पइ नडपेच्छाइ वा  
नट्टगपेच्छाइ वा जलपेच्छाइ वा मल्लपेच्छाइ वा मुट्ठियेपेच्छाइ वा वेलंगपेच्छाइ वा पवगपेच्छाइ वा  
कहगपेच्छाइ वा लासगपेच्छाइ वा आइक्खगपेच्छाइ वा लंछपेच्छाइ वा मंछपेच्छाइ वा तूणइल्ल-  
पेच्छाइ वा तुंबवीणियपेच्छाइ वा भुयगपेच्छाइ वा मागहपेच्छाइ वा पेच्छितए अम्मडस्स णं  
परिव्यायगस्स नो कप्पइ हरियाणं लेसणया वा घटट्ठणया वा थंभणया वा नूसणया वा उप्पाडणया  
वा करितए अम्मडस्स णं परिव्यायगस्स नो कप्पइ इत्थिकहाइ वा भत्तकहाइ वा राथकहाइ वा  
देसकहाइ वा चोरकहाइ वा जणवचकहाइ वा अनत्थदंडं करितए अम्मडस्स णं परिव्यायगस्स नो  
कप्पइ अयपायाणि वा तंबपायाणि वा तउयपायाणि वा सीसगपायाणि वा रयय-जायरूव-काय-  
वेडंतिय-वट्ठलोह-कंसलोह-हारपुडय-रीतिया-मणि-संख-दंत-चम्म-चेल-सल-पायाणि वा अण्णय-  
राइ वा तहप्पगाराइ मद्धण-मोलाइ धारितए नन्त्थ अलाउपाएण वा दारुपाएण वा मट्ठिपाएण वा

अम्मडस्स णं परिव्यायगस्स नो कप्पइ अवबंधणाणि वा तंबबंधणाणि वा तउयबंधणाणि  
वा सीसगबंधणाणि वा रयय-जायरूव-काय-वेडंतिय-वट्ठलोह-कंसलोह-हारपुडय-रीतिया मणि-  
संख-दंत-चम्म-चेल-सेल-बंधणाणि वा अण्णयराइ वा तहप्पगाराइ महद्धणमोलाइ धारितए अम्म-  
डस्स णं परिव्यायगस्स नो कप्पइ नत्ताविहवण्णरागरत्ताइ यत्थाइ धारितए नन्त्थ एगाए धाउर-  
त्ताए अम्मडस्स णं परिव्यायगस्स नो कप्पइ हारं वा अद्धहारं वा एगावलिं वा मुत्तावलिं वा कण-  
गावलिं वा रयणावलिं वा मुरविं वा कंठमुरविं वा पालंबं वा तिसरयं वा कडिसुत्तं वा दसमुद्दि-  
आणंतगं वा कडयाणि वा तुडियाणि वा अंगयाणि वा केऊराणि वा कुंडलाणि वा मउडं वा चूलामणिं  
वा पिण्हित्तए नण्णत्थ एगेणं तंबिएणं पवित्तएणं अम्मडस्स णं परिव्यायगस्स नो कप्पइ गंथिम-  
वेडिम-पूरिम-संधाइमे चउव्विहे मल्ले धारितए नन्त्थ एगेणं कण्णपूरेणं अम्मडस्स णं परिव्यायगस्स  
नो कप्पइ अगलुएण वा चंदणेणं वा कुंकुमेणं वा गायं अणुत्तिपित्तए] नन्त्थ एक्काए गंगामट्ठियाए  
अम्मडस्स णं परिव्यायगस्स नो कप्पइ आहाकम्मिए वा उदेसिए वा मीसजाएइ वा अज्झोयरएइ वा  
पूइकम्मेइ वा कीयगडेइ वा पामिच्चेइ वा अणिसिद्धेइ वा अभिहडेइ वा ठवियएइ वा रइयएइ वा  
कंतारमत्तेइ वा दुब्भिकखमत्तेइ वा गिलाणभत्तेइ वा वहलिययाभत्तेइ वा पाहुणगभत्तेइ वा भोत्तए वा  
पायए वा अम्मडस्स णं परिव्यायगस्स नो कप्पइ मूलभोयणेइ वा [कंदभोयणेइ वा फलभोयणेइ वा  
हरियभोयणेइ वा] वीयभोयणेइ वा भोत्तए वा पायए वा अम्मडस्स णं परिव्यायगस्स चउव्विहे

सूत-५०

गोधरा, मे-382009

अणद्धादंडे पच्चक्खाए जावजीवाए तं जहा-अवज्झाणायारेए पमायायारेए हिंसप्याणे पायकम्पो-  
वएसे अम्पडस्स कप्पइ मागहए अद्धादए जलस्स पडिग्गाहितए से वि य वहमाणे नो चेव णं  
अवहमाणए [से वि य थिमिओदए नो चेव णं कट्ठमोदए से वि य बहुप्पसन्ने नो चेव णं अबहुप्पसन्ने]  
से वि य परिपूए नो चेव णं अपरिपूए से वि य सावज्जे ति काउं नो चेव णं अणवज्जे से वि य जीवा ति  
काउं नो चेव णं अजीवा से वि य दिन्ने नो चेव णं अदिन्ने से वि य हत्थ-पाय-चरु-चमस-पक्खा-  
लाणड्डयाए पिबित्तए वा नो चेव णं सिणाइत्तए अम्पडस्स कप्पइ मागहए आडए जलस्स पडिग्गा-  
हितए से वि य वहमाणए [नो चेव णं अवहमाणे से वि य थिमिओदए नो चेव णं कट्ठमोदए से वि य  
बहुप्पसण्णे नो चेव णं अबहुप्पसण्णे से वि य परिपूए नो चेव णं अपरिपूए से वि य सावज्जे ति काउं  
नो चेव णं अणवज्जे से वि य जीवा ति काउं नो चेव णं अजीवा से वि य दिन्ने] नो चेव णं अदिन्ने से वि  
य सिणाइत्तए नो चेव णं हत्थ-पाय-चरु-चमस-पक्खालाणड्डयाए पिबित्तए वा

अम्पडस्स नो कप्पइ अण्णउत्थिए वा अण्णउत्थियदेवयाणि वा अण्णउत्थियपरिग्गहि-  
याणि वा चेइयाइं वंदित्तए वा नमंसित्तए वा पूइत्तए वा सक्कारित्तए वा सम्माणित्तए वा कल्लानं  
मंगलं देवयं चेइयं विणएणं पञ्चवासित्तए वा नन्नत्थ अरहंतेहिं वा अम्पडे णं भंते परिव्वायए  
कालमासे कालं किच्चा कहिं गच्छिंहिति कहिं उववज्झिंहिति गोयमा अम्पडे णं परिव्वायए उच्चावएहिं  
सीलव्वय-गुण-येरमण-पच्चक्खाण-पोसहोववासेहिं अप्पाणं भावेमाणे बहूइं वासाइं समणोवासय-  
परिवाय पाउणिहिति पाउणिता मासियाएसंलेहणाए अप्पाणं झूसित्ता सङ्गिं भत्ताइं अणसणाए  
छेदित्ता आलोइय-पडिक्कंते समाहिपत्ते कालमासे कालं किच्चा बंभलोए कप्पे देवत्ताए उववज्झि-  
हिति तत्थ णं अत्येगइयाणं देवाणं दससागरोयमाइं ठिई पन्नत्ता तत्थ णं अम्पडस्स वि देवस्स  
दससारोवमाइं ठिई से णं भंते अम्पडे देवे ततो देवलोगाओ आउक्खएणं भवक्खएणं ठिइक्खएणं  
अनंतरं चयं चइत्ता कहिं गच्छिंहिति कहिं उववज्झिंहिति गोयमा महाविदेहे वासे जाइं कुलाइं भवंति  
अइद्दाइं दिताइं वित्ताइं वित्थिण्ण-विउल-भवण-सयणासण-जाण-वाहणाइं बहुधण-जायरूव-  
रययाइं आओग-पओग-संपउत्ताइं विच्छुद्धिय-पउर-भत्तपाणाइं बहुदासी-दास-गो-महिंस-गवेल-  
गप्पभूयाइं बहुजणस्स अपरिभूयाइं तहप्पगारेसु कुलेसु पुत्तत्ताए पच्चायाहिति तए णं तस्स दारगस्स  
गव्वत्थस्स चेव समाणस्स अम्मापिईणं धम्मे दढा पइण्णा भविस्सइ से णं तत्थ नवण्हं मासाणं  
बहुपडिपुत्ताणं अद्धमाण राइंदियाणं वीइक्कंताणं सुकुमालपाणिपाए [अहीणपडिपुत्त-पंचिदिय-  
सरीरे लक्खण-वज्जण-गुणोववेह माणुम्माण-प्पमाण-पडिपुत्त-सुजाय-सव्वंगमुंदरंगे] ससिसोमाकारे  
कंते पियदंसणे सुरूवे दाराए पयाहिति

तए णं तस्स दारगस्स अम्मापियरो पढमे दिवसे ठिइवडियं काहिति तइयदिवसे चंदसूर-  
दंसणिवं काहिति छट्ठे दिवसे जागरियं काहिति एककारसमे दिवसे वीइक्कंते निव्वत्ते असुइजाय-  
कम्मकरणे संपत्ते बारसाहे अम्मापियरो इमं एयारूवं गोणं गुणनिष्फन्नं नामधेज्जं काहिति-जम्हा णं  
अहं इमंसि दारगंसि गव्वत्थसि चेव समाणंसि धम्मे दढापइण्णा तं होउ णं अहं दारए दढपइण्णे  
नामेणं तएणं तस्स दारगस्स अम्मापियरो नामधेज्जं करेहिंति दढपइण्णत्ति तं दढपइण्णं दारगं  
अम्मापियरो साइरेगइवासजायगं जाभित्ता सोभणंसि तिहि-करण-नक्खत्त-मुकुत्तंसि कलायरियस्स  
उवणेहिंति तए णं से कलायरिए तं दढपइण्णं दारगं लेहाइयाओ गणियप्पहाणाओ सउणरु-  
यपज्जवसाणाओ बावत्तरिं कलाओ सुत्तओ य अत्थओ य करणओ य सेहाविहिति सिक्खाविहिति

तं जहा-लेहं गणियं रूवं नहं गीयं वाइयं सरगयं पुक्खरगयं समतालं जूयं जणवायं पासगं अट्ठावयं  
पोरेकव्वं दगमट्ठियं अन्नविहिं पाणविहिं वत्थविहिं विलेवणविहिं सयणविहिं अज्जं पहेलियं मागहियं  
गहं गीइयं सिलोयं हिरण्णजुत्तिं सुवण्णजुत्तिं गंधजुत्तिं चुण्णजुत्तिं आभरणविहिं तरुणीपडिकम्पं  
इत्थिलक्खणं पुरिसलक्खणं हयलक्खणं गयलक्खणं गोणलक्खणं कुक्कुडलक्खणं छत्तलक्खणं  
दंडलक्खणं असिलक्खणं मणिलक्खणं काकणिलक्खणं वत्थुविज्जं खंधावारमाणं नगरमाणं बूहं  
पडिवूहं चारं पडिचारं चक्कचूहं गरुलवूहं सगडवूहं जुद्धं निजुद्धं जुद्धाइजुद्धं मुट्ठिजुद्धं वाहुजुद्धं  
लयाजुद्धं ईसत्थं छरुप्पवादं धणुवेदं हिरण्णपागं सुवण्णपागं वट्टखेडुं सुत्तखेडुं नालियाखेडुं पत्तखेडुं  
कडगच्छेज्जं सज्जीवं निज्जीवं सउणरुयं-इति सेहावित्ता सिक्खावेत्ता अम्मापिईणं उवणेहिति तए णं  
तस्स दढपइण्णस्स दारगस्स अम्मापियरो तं कलापरियं विउलेणं असण-पाण-खाइम-साइमेणं  
वत्थगंधमल्लालंकारेणं य सक्कारेहिंतो सम्माणेहिंतो सक्कारित्ता सम्माणेत्ता विउलं जीवियारिहं  
पीइदाणं दलइस्सति दलइत्ता पडिविसज्जेहिंति तए णं से दढपइण्णे दारए बावत्तरिकलापंडिए नवंग-  
सुत्तपडिबोहिए अट्ठारसदेसी-भासाविसारए गीयरइं गंधव्वनट्टकुसले हयजोही गयजोही रहजोही  
बाहुजोही बाहुप्पमदी वियालचारी साहसिए अलंभोगसमत्थे यावि भविस्सइ तए णं तं दढपइण्णं  
दारगं अम्मापियरो बावत्तरिकलापंडियं [नवंगसुत्तपडिबोहियं अट्ठार-सदेवी-भासाविसारयं गीयरइ  
गंधव्वनट्टकुसलं हयजोहिं गयजोहिं रहजोहिं बाहुजोहिं बाहुप्पमदिं वियालचारिं साहसियं] अलंभो-  
गसमत्थं च वियाणित्ता विउलेहिं अन्नभोगेहिं पाणभोगेहिं लेणभोगेहिं वत्थभोगेहिं सयणभोगेहिं  
कामभोगेहिं उवणिमंतैहिंति

तए णं से दढपइण्णे दारए तेहिं विउलेहिं अन्नभोगेहिं [पाणभोगेहिं लेणभोगेहिं वत्थभोगेहिं]  
सयणभोगेहिं कामभोगेहिं नो सज्जिहिंति नो रज्जिहिंति नो गिज्जिहिंति नो मुज्जिहिंति नो अज्जो-  
ववज्जिहिंति से जहानामए उपप्लेइ वा पउमेइ वा कुमुएइ वा नलिणेइ वा सुभगेइ वा सुगंधिएइ वा  
पोंडरीएइ वा महापोंडरीएइ वा सयपत्तेइ वा सहस्सपत्तेइ वा पंके जा जले संवुइडे नोवलिप्पइ  
पंकरएणं नोवलिप्पइ जलरएणं एवामेव दढपइण्णे वि दारए कामेहिं जाए भोगेहिं संवुइडे नोव-  
लिप्पिहिंति कामरएणं नोवलिप्पिहिंति भोगरएणं नोवलिप्पिहिंति भित्त-नाइ-नियग-सचण-संबंधि-  
परिजणेणं से णं तहारूवाणं थेराणं अतिए केवलं बोहिं युज्जिहिंति युज्जित्ता अगाराओ अणगारियं  
पव्वइहिंति से णं भविस्सइ अणगारे भगवंते इरियासमिए [भासासमिए एसणासमिए आयाण-मंड-  
मत्त-निकखेवणासमिए उच्चार-पासवण-खेल-सिंधाण-जल्ल-पारिद्धावणिग-समिए मणगुत्ते काव-  
गुत्ते गुत्ते गुत्तिदिए] गुत्तबंभयारी तस्स णं भगवओ एएणं विहारेणं विहरमाणस्स अनंते अनुत्तरे  
निव्वाधाए निरावरणे कसिणे पडिपुत्तेण्णे केवलयरनाणदंसणे समुप्पज्जिहिंति तए णं से दढपइण्णे  
केवली बहूइं वासाइं केवलि-परियागं पाउणिहिंति पाउणित्ता मासियाए संलेहणाए अप्पाणं झूसित्ता  
सट्ठिं भत्ताइं अणसणाए छेदित्ता जस्सट्ठाए कीरइ नगमावे मुंडभावे अण्हाणाए अदंतवणए केसलोए  
बंभघेरवासे अछत्तगं अणोवाहणं भूमिसेज्जा फलहसेज्जा कट्ठसेज्जा परघरपवेसो लद्धावलत्तं परेहिं  
हीलणाओ निंदणाओ खिसणाओ गरहणाओ तज्जाणाओ तालणाओ परिभवणाओ पव्वहणाओ  
उच्चावया गामकंडगा द्वावीसं परीसहोवसग्गा अहियासिज्जंति तमट्ठमाराहिता चरिमेहिं उस्सास-  
विस्सासेहिं सिज्जिहिंति मुट्ठिहिंति परिनिव्वाहिंति सब्बदुक्खाणमंतं करेहिंति ।४०।-४०

(५१) सेजे इमे गामागर [नयर-निगम-रायहाणि-खेड-कव्वड-दोणपुह-मडव-पट्ठणासम-

संवाह]-सण्णिवेसेसु पव्वइया समणा भवन्ति तं जहा-आयरियपडिणीया उवज्झायपडिणीया तदुम-यपडिणीया कुलपडिणीया गणपडिणीया आयरिय-उवज्झायणं अयसकारणा अवण्णकारणा अकित्तिकारणा बहूहि असम्भावुम्भावणाहिं मिच्छताभिणिवेसेहिं य अप्पाणं च परं च तदुभयं च वुग्गाहेमाणा वुप्पाएमाणा विहरिता बहूइं वासाइं सामण्ण-परियागं पाउणंति पाउणिता तस्स ठाणस्स अणालोइयपडिक्कंता कालमासे कालं किच्चा उक्कोसेणं लंतए कप्पे देवकिब्बिसिएसु देवकिब्बिसियत्ताए उववत्तारो भवन्ति [तहिं तेसिं गई तहिं तेसिं ठिई तहिं तेसिं उववाए पन्नत्ते तेसिं णं भंते देवाणं केवइयं कालं ठिई पन्नत्ता गोयमा तेरसागरोवमाइं ठिई पन्नत्ता अत्थि णं भंते तेसिं देवाणं इइढीइ वा जुईइ वा जसेइ वा बलेइ वा वीरिएइ वा पुरिसक्कारपरक्कमेइ वा हंता अत्थि तेणं भंते देवा परलोगस्स आराहगा नो इण्ठे समठ्ठे] सेज्जे इमे सण्णि-पंचिंदिय-तिरिक्खजोगिया पन्नत्तया भवन्ति तं जहा-जलयरा थलचरा खहयरा तेसिं णं अत्थेगइयाणं सुभेणं परिणामेणं पसत्थेहिं अज्झ-वसाणेहिं तेस्साहिं विसुज्जमाणीहिं तयावरणिज्जाणं कम्माणं खओवसमेणं ईहापूह-मग्गण-गवेसणं करेमाणाणं सण्णीपुव्वजाइ-सरणे समुप्पज्जई

तए णं ते समुप्पणजाइ-सरणा समाणा सयमेव पंचाणुव्वयाइं पडिवज्जंति पडिवज्जिता बहूहिं सीलव्वय-गुण-वेरमण-पच्चक्खाण-पोसहोव-वासेहिं अप्पाणं भावेमाणा बहूइं वासाइं आउयं पालेति पालेत्ता भन्तं पच्चक्खंति पच्चक्खित्ता बहूइं भत्ताइं अणसणाए छेदंति छेदेत्ता आलोइय-पडिक्कंता समाहिपत्ता कालमासे कालं किच्चा उक्कोसेणं सहस्सारे कप्पे देवत्ताए उववत्तारो भवन्ति [तहिं तेसिं गई तहिं तेसिं ठिई तहिं तेसिं उववाए पन्नत्ते तेसिं णं भंते देवाणं केवइयं कालं ठिई पन्नत्ता गोयमा अट्टारस्स सागरोवमाइं ठिई पन्नत्ता अत्थि णं भंते तेसिं देवाणं इइढीइ वा जुईइ वा जसेइ वा बलेइ वा वीरिएइ वा पुरिसक्कारपरक्कमेइ वा हंता अत्थि ते णं भंते देवा परलोगस्स आराहगा हंता अत्थि] से जे इमे गामागर-[नयर-निगम-रायहाणि-खेड-कव्वड-दोणमुह-मडंब-पट्टणासम-संवाह]-सण्णिवेसु आजीवया भवन्ति तं जहा-दुघरंतरिया तिघरंतरिया सत्तघरंतरिया उप्पलवेटिया घरसमुदाणिया विज्जुयंतरिया उट्टियासमणा ते णं एया-रूवेणं विहारेणं विहरमाणा बहूइं वासाइं परियायं पाउणंति पाउणिता कालमासे कालं किच्चा उक्कोसेणं अट्टए कप्पे देवत्ताए उववत्तारो भवन्ति [तहिं तेसिं गई तहिं तेसिं ठिई तहिं तेसिं उववाए पन्नत्ते तेसिं णं भंते देवाणं केवइयं कालं ठिई पन्नत्ता गोयमा वावीसं सागरोवमाइं ठिई पन्नत्ता अत्थि णं भंते तेसिं देवाणं इइढीइ वा जुईइ वा जसेइ वा बलेइ वा वीरिएइ वा पुरिसक्कारपरक्कमे इ वा हंता अत्थि ते णं भंते देवा परलोगस्स आराहगा नो इण्ठे समठ्ठे]

सेज्जे इमे गामागर-[नयर-निगम-रायहाणि-खेड-कव्वड-दोणमुह-मडंब-पट्टणासम-संवाह]-सण्णिवेसेसु पव्वइया समणा भवन्ति तं जहा-अत्तुक्कोसिया परपरिवाइया भूइकम्मिया मुज्जो-मुज्जो कोउयकारणा ते णं एयारूवेणं विहारेणं विहरमाणा बहूइं वासाइं सामण्णपरियागं पाउणंति पाउणिता तस्स ठाणस्स अणालोइयपडिक्कंता कालपासे कालं किच्चा उक्कोसेणं अट्टए कप्पे आभिओगिएसु देवेसु देवत्ताए उववत्तारो भवन्ति [तहिं तेसिं गई तहिं तेसिं ठिई तहिं तेसिं उववाए पन्नत्ते तेसिं णं भंते देवाणं केवइयं कालं ठिई पन्नत्ता गोयमा वावीसं सागरोवमाइं ठिई पन्नत्ता अत्थि णं भंते तेसिं देवाणं इइढीइ वा जुईइ वा जसेइ वा बलेइ वा वीरिएइ वा पुरिसक्कारपरक्कमे इ वा हंता अत्थि ते णं भंते देवा परलोगस्स आराहगा नो इण्ठे समठ्ठे] सेज्जे इमे गामागर-[नयर-निगम-राय-

हाणि-खेड-कब्बड-दोणमुह-मंडव-पट्टणा सम-संबाह]-सण्णिवेसु निण्हगा भवन्ति तं जहा-बहुरया जीवपएसिया अड्वत्तिया सामुच्छेइया दोकिरिया तेरासिया अबद्धिया इच्छेते सत्त पवयणनिण्हगा केवलं चरियालिंग-सामण्णा मिच्छदिट्ठी बहूहिं असब्भावुब्भावणाहिं मिच्छत्ताभिणिवेसेहिं य अष्माणं च परं च तदुभयं च दुग्गाहेमाणा वुष्पाएमाणा विहरिता बहूइं थासाइं सामण्णपरियाणं पाउणंति पाउणिता कालमासे कालं किच्चा उक्कोसेणं उवरिमेसु गेवेज्जेसु देवत्ताए उववत्तारो भवन्ति तहिं तेसिं गई [तहिं तेसिं ठिई तहिं तेसिं उववाए पन्नते तेसिं णं भंते देवाणं केवइयं कालं ठिई पन्नता गोयमा एकूकतीसं सागरोवमाइं ठिई पन्नता अत्थि णं भंते तेसिं देवाणं इइदीइ वा जुईइ वा जसेइ वा बलेइ वा वीरिएइ वा पुरिसक्कारपरक्कमेइ वा हंता अत्थि ते णं भंते देवा परलोगस्स आराहगा नो इण्ढे समट्ठे]

सेजे इमे गामागर-[नवर-निगम-रावहाणि-खेड-कब्बड-दोणमुह-मंडव-पट्टणासम-संबाह]-सन्निवेसेसु मणुया भवन्ति तं जहा-अप्पारंभा अप्प-परिग्गहा धम्मिया धम्माणुया धम्मिद्धा धम्म-क्खाइं धम्मप्लोइं धम्मपलज्जणा धम्मसमुदायारा धम्मेणं चैव वित्तिं कप्पेमाणा सुसीला सुव्वया सुप्पडियाणंदा साहूहिं एगच्चाओ पाणाइवायाओ पडिविरया जावजीवाए एगच्चाओ अपडिविरया [एगच्चाओ मुसावायाओ पडिविरया जावजीवाए एगच्चाओ अपडिविरया एगच्चाओ अदिन्नादा-णाओ पडिविरया जावजीवाए एगच्चाओ अपडिविरया एगच्चाओ मेहुणाओ पडिविरया जावजीवाए एगच्चाओ अपडिविरया एगच्चाओ परिग्गहाओ पडिविरया जावजीवाए एगच्चाओ अपडिविरया] एगच्चाओ कोहाओ माणाओ [मायाओ लोहाओ पेज्जाओ दोसाओ कलहाओ अब्भक्खाणाओ पेसुन्नाओ परपरिवायाओ अरइइओ मायामोसाओ] मिच्छादंसणसल्लाओ पडिविरया जावजीवाए एगच्चाओ अपडिविरया एगच्चाओ आरंभ-समारंभाओ पडिविरया जावजीवाए एगच्चाओ अपडि-विरया एगच्चाओ करण-कारावणाओ पडिविरया जाव-जीवाए एगच्चाओ अपडिविरया एगच्चाओ पयण-पयावणाओ पडिविरया जावजीवाए एगच्चाओ पयण-पयावणाओ अपडिविरया एगच्चाओ कोट्टण-पिट्ठण-तज्जण-तालण-वह-बंध-परिकिलेसाओ पडिविरया जावजीवाए एगच्चाओ अपडि-विरया एगच्चाओ न्हाण-महण-वण्णग-विलेवण-सद्द-फरिस-रस-रूव-गंध-मल्लालंकाराओ पडिवि-रया जावजीवाए एगच्चाओ अपडिविरया जे यावण्णे तहप्पगारा सावज्जोगो बहिया कम्मंता परपाणपरियावणकरा कज्जंति तओ वि एगच्चाओ पडि-विरया जावजीवाए एगच्चाओ अपडिविरया तं जहा-समणोवासगा भवन्ति अभिगयजीवाजीवा उवलद्धपुत्रपावा आसव-संवर-निज्जर-किरिया-अहिगरण-बंधमोक्खकुसला असहेज्जा देवासुर-नाग-सुवण्ण-जक्ख-रक्खस-किन्नर-किंपुरिस-गरुल-गंधव्व-महोराइएहिं देवगणेहिं निगंथाओ पावयणाओ अणइक्कमणिज्जा निगंथे पाव-यणे निस्संकिया निक्कंखिया निव्वित्तिगिच्छा लद्धद्वा गहियद्वा पुच्छियद्वा अभिगयद्वा विणिच्छियद्वा अट्ठिभिज्जपेमाणुरागरत्ता अयमाउसो निगंथे पावयणे अट्ठे अवं परमट्ठे सेसे अणट्ठे ऊसियफलिहा अवंगुयदुवारा चियत्तंते-उर-परधरदारप्पवेसा चाउदसड्डमुट्ठिपुत्रमासिणीसु पडिपुत्रं पोसहं सम्मं अनुपालेत्ता समणे निगंथे फासुएसणिज्जेणं असण-पाण-खाइम-साइमेणं वत्थ-पडिग्गह-कंबल-पायपुंछणेणं ओसहभेसज्जेणं पडिहारिएणं य पीढ-फलग-सेज्जा-संथारएणं पडिलाभेमाणा विहरन्ति विहरिता भत्तं पच्चक्खंति ते बहूइं भत्ताइं अणसणाए छेदैति छेदेत्ता आलोइयपडिक्कंता समाहिपरा कालमासे कालं किच्चा उक्कोसेणं अद्युए कप्पे देवत्ताए उववत्तारो भवन्ति तहिं तेसिं गई [तहिं तेसिं

ठिई तहिं तेसिं उववाए पत्रते तेसिं णं भंते देवाणं केवइयं कालं ठिई पत्रत्ता गोयमा बावीसं सागरोवमाई ठिई पत्रत्ता अत्थि णं भंते तेसिं देवाणं इइदीइ वा जुईइ वा जसेइ वा बलेइ वा वीरिएइ वा पुरिसक्कारपरक्कमेइ वा हंता अत्थि ते णं भंते देवा परलोणस्स आराहगा हंता अत्थि

सेजे इमे गामागर-नयर-निगम-रायहाणि-खेड-कब्बड-दोणमुह-मडंब-पइणासम-संबाह-सण्णिवेसेसु मणुया भवन्ति तं जहा-अणारंभा अपरिणहा धम्मिया [धम्माणुया धम्मिद्धा धम्मक्खाई धम्मपलोई धम्मपलज्जणा धम्मसमुदायारा धम्मेणं वेववित्तिं] कप्पेमाणा सीला सुव्वया सुपियाणंदा साहू सव्व्याओ पाणाइवायाओ पडिविरिया [सव्व्याओ मुसावायाओ पडिविरया सव्व्याओ अदिन्ना-दाणाओ पडिविरया सव्व्याओ मेहुणाओ पडिविरया] सव्व्याओ परिणहाओ पडिविरया सव्व्याओ कोहाओ [माणाओ मायाओ लोभाओ पेज्जाओ दोसाओ कलहाओ अट्ठक्खाणाओ पेसुण्णाओ परपरिवायाओ अरइईओ मायामोसाओ] मिच्छादंसणसल्लाओ पडिविरया सव्व्याओ आरंभ-समारंभाओ पडिविरया सव्व्याओ करण-कारावणाओ पडिविरया सव्व्याओ पयण-पयावणाओ पडिविरया सव्व्याओ कोट्टण-पिट्ठण-तज्जण-तालण-वह-बंध-परिकित्तेसाओ पडिविरया सव्व्याओ न्हाण-महण-वण्णग-विलेवण-सद्द-फरिस-रस-रूव-गंध-मल्लालंकारराओ पडिविरया जे यावण्णे तहप्पागारा सावज्जजोगोवहिया कम्मंता परपाणपरियावणकरा कज्जंति तओ वि पडिविरया जाव-ज्जीवाए से जहानामए अणगारा भवन्ति-इरियासमिया [भाससमिया एसणासमिया आयाण-भंड-मत्त-निकखेवणासमिया उच्चार-पासवण-खेल-सिंघाण-जल्ल-पारिद्ववणिआसमिया मणसमिया वइसमिया कायसमिया मणुत्ता वइगुत्ता कायगुत्ता गुत्ता गुत्तिंदिया गुत्तबंभयारी चाई लज्जू धज्जा खंतिखमा जिइंदिया सोहिया अणियाणा अप्पुस्सुया अबहिद्वेसा सुसापण्णरया दंता] इणमेव निगंथं पावयणं पुरओकाडं विहरन्ति तेसिं णं भगवंताणं एएणं विहारेणं विहरमाणाणं अत्थेगइयाणं अनन्ते [अनुत्तरे निच्चाघाए निरावरणे कसिणे पडिपुत्ते] केवलवरनाणंदसणे समुप्पज्ज ते बहूइं वासाइं केवलपरियाणं पाउण्णंति पाउणित्ता भत्तं पच्चक्खंति पच्चक्खित्ता बहूइं भत्ताइं अणसणाए छेदेति छेदेत्ता जस्सट्ठाए कीरइ नगभावे [मुंडभावे अण्हाणए अदंतवणए केसलोए बंभचेरवासे अच्चत्तगं अणोवाहणगं भूमिसेज्जा फलहसेज्जा कट्ठसेज्जा परघरपवेसो लद्धावलद्धं परेहिं हीलणाओ निंदणाओ खिसणाओ गरहणाओ तज्जणाओ तालणाओ परिभवणाओ पव्वहणाओ उच्चावया गामकंटगा बावीसं परीसहोवसणा अहियासिज्जंति तमट्ठामाराहिता चरिमेहिं उस्सासनिसासेहिं सिज्जंति बुज्जंति मुच्चंति परिनिव्वायंति सव्वदुक्खाणं] मंतं करेति

जेसिं पि य णं एणइयाणं नो केवलव- रनाणंदसणे समुप्पज्ज ते बहूइं वासाइं छउमत्त-परियाणं पाउण्णंति पाउणित्ता आबाहे उप्पन्ने वा अनुप्पन्ने वा भत्तं पच्चक्खंति ते बहूइं भत्ताइं अनसणाए छेदेति छेदेत्ता जस्सट्ठाए कीरइ नगभावे [मुंडभावे अण्हाणए अदंतवणए केसलोए बंभ-चेरवासे अच्चत्तगं अणोवाहणगं भूमिसेज्जा फलहसेज्जा कट्ठसेज्जा परघरपवेसो लद्धावलद्धं परेहिं हीलणाओ निंदणाओ खरिखिसणाओ गरहणाओ तज्जणाओ तालणाओ परिभवणाओ पव्वहणाओ उच्चावया गामकंटगा बावीसं परीसहोवसणा अहियासिज्जंति] तमट्ठामाराहिता चरिमेहिं उस्सास-निसासेहिं अनंतं अनुत्तरं निच्चाघायं निरावरणं कसिणं पडिपुत्तं केवलवरनाणंदसणं उप्पाडेति तओ पच्छा सिज्झिहंति [बुज्झिहंति मुच्चिहंति परिनिव्वाहंति सव्वदुक्खाणं] मंतं करेति एणद्या पुण एगे भयंतारो पुव्वकम्मावसेसेणं कालमासे कालं किच्चा उक्कोसेणं सव्वट्ठसिद्धे महाविमाणे



देवत्ताए उववत्तारो भवन्ति तहिं तेसिं गई [तहिं तेसिं ठिई तहिं तेसिं उववाए पन्नत्ते तेसिं णं भंते देवानं केवइयं कालं ठिई पन्नत्ता गोयमा तेतीसं सागरोवमाइं ठिई पन्नत्ता अत्थि णं भंते तेसिं देवानं इइदीइ वा जुईइ वा जसेइ वा बलेइ वा वीरिएइ वा पुरिसक्कारपरक्कमेइ वा हंता अत्थि] ते णं भंते देवा परलोगस्स आराहगा हंता अत्थि सेजे इमे गामागर-[नयर-निगम-रायहाणि-खेड-कब्बड-दोणमुह-मडंब-पट्टणासम-संवाह]-सन्नियेसेसु मणुया भवन्ति तं जहा-सव्वकामविरया सव्वरागविरया सव्व-संगातीता सव्वसिणेहाइक्कंता अक्कोहा निक्कोहा खीणक्कोहा [अमाणा निम्माणा खीणमाणा अमाया निम्माया खीणमाया अलोहा निळोहा खीणलोहा] अनुपुब्बेणं अट्ठ कम्मपचडीओ खवेत्ता उयिं लोयग्गपइट्ठाणा भवन्ति। ४१।-४१

(५२) अणगारे णं भंते भावियप्पा केवलिसमुग्घदाएणं समोहए केवलकप्पं लोयं फुसित्ता णं चिद्धइ हंता चिद्धइ से नूनं भंते केवलकप्पे लोए तेहिं निज्जरापोगल्लेहिं फुडे हंता फुडे छउमत्थे णं भंते मणुस्से तेसिं निज्जरापोगल्लेणं किं चि वण्णेणं वण्णं गंधेणं गंधं रसेणं रसं फासेणं फासं जाणइ पासइ गोयमा नो इण्डे समट्ठे से केण्डेणं भंते एवं बुद्धइ-छउमत्थे णं मणुस्से तेसिं निज्जरापोगल्लेणं नो किंचि वण्णेणं वण्णं [गंधेणं गंधं रसेणं रसं फासेणं फासं] जाणइ पासइ गोयमा अयं णं जंबुदीवे दीवे सव्वदीवसमुद्दाणं सव्वव्यंतराए सव्वखुडए वट्टे तेत्थपूयसंठाणसंठिए वट्टे रहचक्कवालसंठाण-संठिए वट्टे पुक्खकण्णियासंठाणसंठिए वट्टे पडिपुत्र चंदसंठाणसंठिए एक्कं जोयणसयसहस्सं आयामयिक्खंभेणं तिण्णि जोयणसयसहस्साइं सोलससहस्साइं दोण्णि य सत्तावीसे जोयणसए तिण्णि य कोसे अट्ठावीसं च धणुसयं तेरस य अंगुलाइं अट्ठंगुलियं च किंचि विसेसाहिए परिकखेवणं पन्नत्ते देवे णं महइदीए [महजुतीए महव्वले महाजसे महासोक्खे] महाणुभावे सविलेवणं गंधस-मुग्घयं गिण्हइ गिण्हित्ता तं अवदालेइ अवदालेत्ता जाव इणामेव ति कट्ठ केवलकप्पं जंबुदीवं दीवं तिहिं अच्छरा-निवाएहिं तिसत्तधुत्तो अनुपरियट्ठित्ता णं हव्वमागच्छेज्जा से नूनं गोयमा से केवलकप्पे जंबुदीवे दीवे तेहिं घाणपोगल्लेहिं फुडे हंता फुडे छउमत्थे णं गोयमा मणुस्से तेसिं घाणपोगल्लेणं किं चि वण्णेणं वण्णं [गंधेणं गंधं रसेणं रसं फासेणं फासं] जाणइ पासइ भगवं नो इण्डे समट्ठे से तेण्डेणं गोयमा एवं बुद्धइ-छउमत्थे णं मणुस्से तेसिं निज्जरा-पोगल्लेणं नो किंचि वण्णेणं वण्णं [गंधेणं गंधं रसेणं रसं फासेणं फासं] जाणइ पासइ एसुहुमा णं ते पोगला पन्नत्ता समणाउसो सव्वलोयं पि य णं ते फुसित्ता णं चिद्धंति कम्हा णं भंते केवली समोहणंति कम्हा णं केवली समुग्घायं गच्छंति गोयमा केव-लीणं चत्तारि कम्मसा अपलिकखीणा भवन्ति तं जहा-वेयणिज्जं आउयं नामं गोत्तं सव्वबहुए से वेयणिजे कम्मे भवइ सव्वत्थोवे से आउए कम्मे भवइ विसमं समं करेइ बंधणेहिं ठिईहि य विसमसमकरणयाए बंधणेहिं ठिईहि य एवं खलु केवली समोहणंति एवं खलु केवली समुग्घायं गच्छंति, सव्वे वि णं भंते केवली समुग्घायं गच्छंति नो इण्डे समट्ठे]। ४२-१।-४२-१

(५३) अकिया णं समुग्घायं अनंता केवली जिणा

जरमरणविष्णुमुक्का सिद्धिं वरगई गया

॥८॥-१

(५४) कइसमाए णं भंते आवज्जीकरणे पन्नत्ते गोयमा असंखेज्जसमइए अंतोमुहत्तिए पन्नत्ते केवलिसमुग्घाए णं भंते कइसमइए पन्नत्ते गोयमा अट्ठसमइए पन्नत्ते तं जहा-पट्टमे समए दंडं करेइ वीए समए कवाडं करेइ तइए समए मंथं करेइ चउत्थे समए लोयं पूरेइ पंचमे समए लोयं पडिसाहरइ छट्ठे समए मंथं पडिसाहरइ सत्तमे समए कवाडं पडिसाहरइ अट्ठमे समए दंडं पडिसाहरइ

पडिसाहरित्ता सरीरत्ये भवइ से णं भंते तहा समुग्घायगए किं मणजोगं जुंजइ वयजोगं जुंजइ कायजोगं जुंजइ गोयमा नो मणजोगं जुंजइ नो वयजोगं जुंजइ कायजोगं जुंजइ कायजोगं जुंजमाणे किं ओरालियसरीरकायजोगं जुंजइ ओरालियमीसासरीरकायजोगं जुंजइ वेउव्वियसरीरकायजोगं जुंजइ आहारगसरीरकायजोगं जुंजइ आहारगमीसासरीरकायजोगं जुंजइ कम्मगसरीरकायजोगं जुंजइ गोयमा ओरालियसरीरकायजोगं जुंजइ ओरालियमीसासरीरकायजोगं पि जुंजइ नो वेउ-व्विय- सरीरकायजोगं जुंजइ नो वेउव्वियमीसासरीरकायजोगं जुंजइ नो आहारगसरीरकायजोगं जुंजइ नो आहारगमीसासरीरकायजोगं जुंजइ कम्मगसरीरकायजोगं पि जुंजइ पढमइमेसु समएसु ओरालि- यसरीरकायजोगं जुंजइ बिइय-छइ-सत्तमेसु समएसु ओरालिमीसासरीरकायजोगं जुंजइ तइय-चउत्थ-पंचमेहिं कम्मसरीरकायजोगं जुंजइ

से णं भंते तहा समुग्घायगए सिज्झइ वुज्झइ मुच्चइ परिनिव्वाइ सब्बदुक्खाणमंतं करेइ नो इण्ठे समइ से णं ओ पडिणियत्तइ पडिणियत्तिता इहमागच्छइ आगच्छिता तओ पच्छा मणजोगं पि जुंजइ वयजोगं पि जुंजइ कायजोगं पि जुंजइ मणजोगं जुंजमाणे किं सच्चमणजोगं जुंजइ मोसमण-जोगं जुंजइ सच्चमोसमणजोगं जुंजइ असच्चामोसमण-जोगं जुंजइ गोयमा सच्चमणजोगं जुंजइ नो मोसमणजोगं जुंजइ नो सच्चामोसमणजोगं जुंजइ असच्चामोसमणजोगं पि जुंजइ वयजोगं जुंजमाणे किं सच्चवइजोगं जुंजइ मोसवइजोगं जुंजइ सच्चामोसवइजोगं जुंजइ असच्चामोसवइजोगं जुंजइ गोयमा सच्चवइजोगं जुंजइ नो मोसवइजोगं जुंजइ नो सच्चामोसवइजोगं जुंजइ असच्चामोसवइजोगं पि जुंजइ कायजोगं जुंजमाणे आगच्छेज वा चिद्धेज वा निसीएज वा तुयट्ठेज वा उल्लेहेज वा पल्लेहेज वा उक्खेवणं वा अवक्खेवणं वा तिरिक्खेवणं वा करेज पाडिहारियं वा पीढ-फलग-सेज-संयारगं-पच्चप्पिणेज। ४२-४२

(५५) से णं भंते तहा सजोगां सिज्झइ [वुज्झइ मुच्चइ परिनिव्वाइ सब्बदुक्खाण] मंतं करेइ नो इण्ठे समइ से णं पुब्बामेव सण्णित्तं पंचिदियस्स पज्जतगस्स जहन्नजोगिस्स हेट्ठा असंखेज्जगुण-परिहीणं पढमं मणजोगं निरुंभइ तयाणंतरं च णं बिंदियस्स पज्जतगस्स जहन्नजोगिस्स हेट्ठा असंखेज्जगुणपरिहीणं विइयं वइजोगं निरुंभइ तयाणंतरं च णं सुहुभस्स पणगजीवस्स अपज्जतगस्स जहणजोगिस्स हेट्ठा असंखेज्जगुणपरिहीणं तइयं कायजोगं निरुंभइ से णं एएणं उवाएणं पढमं मणजोगं निरुंभइ निरुंभित्ता वयजोगं निरुंभइ निरुंभित्ता कायजोगं निरुंभइ निरुंभित्ता जोगनिरोहं करेइ करेत्ता अजोगत्तं पाउणइ पाउणित्ता ईसिहस्सपंचक्खरुच्चारणद्धाए असंखेज्जसमइयं अंतो-मुहुत्तियं सेलेसिं पडिवज्झइ पुव्वरइयगुणसेदीयं च णं कम्मं तीसे सेलेसिमद्धाए असंखेज्जहिं गुणेसे-दीहिं अनंते कम्मंसे खवणंते वेयणिज्जाउयनामगोए इच्चेते चत्तारि कम्मंते जुगवं खवेइ खवेत्ता ओरालियतेयकम्माइं सव्वाहिं विप्पजहणाहिं विप्पजहिता उज्जुसेदीपडिवण्णे अफुसमाणगई उइढं एककसनएणं अविणहेणं गंता सागरोवउत्तो सिज्झइ

ते णं तत्थ सिद्धा भवन्ति सादीया अपज्जवसिया असरीरा जीवघणा दंसणनाणोवउत्ता निद्वियद्धा निरेयणा नीरया निम्मला वित्तिमिरा विसुद्धा सासयमणागयद्धं चिद्धंति से केणट्ठेणं भंते एवं वुच्चइ ते णं तत्थ सिद्धा भवन्ति सादीया अपज्जवसिया [असरीरा जीवघणा दंसणनाणोवउत्ता निद्वियद्धा निरेयणा नीरया निम्मला वित्तिमिरा विसुद्धा सासयमणागयद्धं] चिद्धंति गोयमा से जहानामए बीयाणं अग्गिदइद्धाणं पुणरवि अंकुरप्पती णं भवइ एवामेव सिद्धाणं कम्मबीए दइढे

पुणरवि जम्मुप्पती न भवइ से तेण्ड्रेणं गोयमा एवं वुच्छन्ते णं तत्थ सिद्धा भवन्ति सादीया अपज्जवसिया [असरीरा जीवघणा दंसणनाणोवउत्ता निड्डियद्वा निरेयणा नीरया निम्मला वितिमिरा विसुद्धा सासयमणायद्धं] चिड्ढंति जीवा णं भंते सिज्झमाणा कयरम्मि संघयणे सिज्झंति गोयमा वइरोसभनारायसंघयणे सिज्झंति जीवा णं भंते सिज्झमाणा कयरम्मि संठाणे सिज्झंति गोयमा छण्हं संठाणाणं अण्णये संठाणे सिज्झंति जीवा णं भंते सिज्झमाणा कयरम्मि उच्चते सिज्झंति गोयमा जहन्नेणं सत्तरयणीए उक्कोसेणं पंचधणुसइए सिज्झंति जीवा णं भंते सिज्झमाणा कयरम्मि आउए सिज्झंति गोयमा जहण्णेणं साइरेगड्ढवासाउए उक्कोसेणं पुव्वकोडियाउए सिज्झंति

अत्थि णं भंते इमीसे रयणप्पहाए पुढवीए अहे सिद्धा परिवसन्ति नो इण्डे समट्ठे एवं जाव अहेसत्तमाए अत्थि णं भंते सोहम्मस्स कप्पस्स अहे सिद्धा परिवसन्ति नो इण्डे समट्ठे एवं सव्वेसिं पुच्छा-ईसाणस्स सणंकुमारस्स जाव अच्चयस्स गेवेज्जविमाण्णं अनुत्तरविमाण्णं अत्थि णं भंते ई-सीपम्भाराए पुढवीए अहे सिद्धा परिवसन्ति नो इण्डे समट्ठे से कहिं खाइ णं भंते सिद्धा परिवसन्ति गोयमा इमीसे रयणप्पहाए पुढवीए बहुसमरमणिज्जाओ भूमिभागाओ उड्ढं वंदिम-सूरिय-ग्गहगण-नक्खत्त-तारारूवाणं बहूइं जोयणाइं बहूइं जोयणसयाइं बहूइं जोयणसहस्साइं बहूइं जोयणसय-सहस्साइं बहूओ जोयणकोडीओ बहूओ जोयणकोडाकोडीओ उड्ढं दूरं उप्पइत्ता सोहम्मसाण-सणंकुमार-माहिंद-बंध-लंतग-महासुकक-सहस्सार-आणय-पाणय-आरण-अच्चुए तिण्णि य अट्टारे गेवेज्जविमाण्णावाससए वीईवइत्ता विजय-वेजयंत-जयंत-अपराजिय-सव्वड्डिसिद्धस्स य महाविमा-णस्स सव्ववरिज्जाओ धूमियग्गाओ दुवालसजोयणाइं अबाहाए एत्थ णं ईसीपम्भारा नाम पुढवी पन्नत्ता-पणयालीसं जोयणसयसहस्साइं आयाम-विक्खंभेणं एगा जोयणकोडी बायालीसं च सय-सहस्साइं तीसं च सहस्साइं दोण्णि य अउणापत्रे जोयणसए किंचि विसेसाहिए परिरएणं ईसी-पम्भाराए णं पुढवीए बहुमज्झदेसभाए अट्टजोयणिए खेत्ते अट्ट जोयणाइं बाहल्लेणं तयाणंतरं च णं मायाए-मायाए परिहायमाणी-परिहायमाणी सव्वेसु चरिम-पेरंतेसु मच्छियपत्ताओ तणुयत्तरी अंगुलस्स असंखेज्जभाणं बाहल्लेणं पन्नत्ता

ईसीपम्भाराए णं पुढवीए दुवालस नामधेज्जा पन्नत्ता तं जहा-ईसीइ वा ईसीपम्भाराइ वा तणूइ वा तणुपरीइ वा सिद्धीइ वा सिद्धालएइ वा मुत्तीइ वा मुत्तालएइ वा लोयग्गेइ वा लोयग्गधूमिगाइ वा लोयग्गपडिबुज्झाणाइ वा सव्वपाण-भूय-जीव-सत्त-सुहावहाइ वा ईसीपम्भारा णं पुढवी सेया संखत्तल - विमलसोल्लिय - मुणाल - दगरय - तुसार-गोक्खीर-हारवण्णा उत्ताणयल्लत्तसंठाणसंठिया सव्वज्जुणसुवण्णगमई अच्छा सण्हा लण्हा घट्ठा मट्ठा नीरया निम्मला निपंका निककंडडच्छाया सम-रीजिया सुप्पभापासादीया दरिसणिज्जा अभिरूवा पडिरूवा ईसीपम्भाराए णं पुढवीए सीवाए जोय-णंमि लोगंतो तस्स जोयणस्स जे से उवरिल्ले गाउए तस्स णं गाउयस्स जे से उवरिल्ले छत्तागे तत्थ णं सिद्धा भगवंतो सादीया अपज्जवसिया अणेगजाइ-जरा-मरण-जोणि-वेयणं संसारकलंकलीभाव-पुणब्बवगम्भवासयसही-पवंचं अइक्कंता सासय-मणागयद्धं चिड्ढंति । ४३।-४३

(५६) कहिं पडिहया सिद्धा कहिं सिद्धा पड्डिया

कहिं बोदिं चइत्ताणं कत्थ गंतूणं सिज्झई

॥९॥-१

(५७) अलोगे पडिहया सिद्धा लोयग्गे य पड्डिया

इहं बोदिं चइत्ताणं तत्थ गंतूणं सिज्झई

॥१०॥-२

- (५८) जं संठाणं तु इहं भवं चयंतस्स चरिमसमयंमि  
आसी य पएसधणं तं संठाणं तहिं तस्स ॥११॥-३
- (५९) दीहं वा हस्सं वा जं चरिमभवे हवेज्ज संठाणं  
तत्तो तिभागहीणा सिद्धाणोगाहणा भणिया ॥१२॥-४
- (६०) तिण्णि सया तेत्तीसा धणुत्तिभागो य होइ बोद्धव्यो  
एसा खलु सिद्धाणं उक्कोसोगाहणा भणिया ॥१३॥-५
- (६१) चत्तारि य रयणीओ रयणित्तिभागूणिया य बोद्धव्या  
एसा खलु सिद्धाणं मज्झिमओगाहणा भणिया ॥१४॥-६
- (६२) एक्का य होइ रयणी साहीया अंगुलाइ अट्ठ भवे  
एसा खलु सिद्धाणं जहण्मओगाहणा भणिया ॥१५॥-७
- (६३) ओगाहणाए सिद्धा भव-तिभाणेण होति परिहीणा  
संठाणमणित्थं जरा मरण विष्णमुक्काणं ॥१६॥-८
- (६४) जत्थ य एगो सिद्धो तत्थ अनंता भवक्खयविमुक्का  
अण्णोणसमोगाढा पुट्ठा सव्वे य लोगंते ॥१७॥-९
- (६५) फुसइ अनंते सिद्धे सव्वपएसेहिं नियमसा सिद्धो  
ते वि असंखेज्जगुणा देसपएसेहिं जे पुट्ठा ॥१८॥-१०
- (६६) असरीरा जीवघणा उवउत्ता दंसणे य नाणे य  
सागारमणागारं लक्खणमेयं तु सिद्धाणं ॥१९॥-११
- (६७) केवलनाणुवउत्ता जाणंती सव्वभावगुणभावे  
पासंति सव्वओ खलु केवलदिट्ठीहिं नंताहिं ॥२०॥-१२
- (६८) न वि अत्थि माणुसाणं तं सोक्खं न वि य सव्वदेवाणं  
जं सिद्धाणं सोक्खं अव्वावाहं उवगयाणं ॥२१॥-१३
- (६९) जं देवाणं सोक्खं सव्वद्धापिंडियं अनंतगुणं  
न य पावइ मुत्तिसुहं नंताहिं वण्णवग्गूहीं ॥२२॥-१४
- (७०) सिद्धस्स सुहो रासी सव्वद्धापिंडिओ जइ हवेज्जा  
सोणंतवग्गमइओ सव्वागासे न माएज्जा ॥२३॥-१५
- (७१) जह नाम कोइ भिच्छो नगरगुणे बहुविहे विद्याणंतो  
न चाएइ परिकहेउं उवमाए तहिं असंतीए ॥२४॥-१६
- (७२) इय सिद्धाणं सोक्खं अणोवमं नत्थि तस्स ओवम्मं  
किचि विसेसेणेत्तो ओवम्ममिणं सुणह वोच्छं ॥२५॥-१७
- (७३) जह सव्वकामगुणियं पुरिसो भोत्तूण भोचणं कोइ  
तण्हाछुहाविमुक्को अच्छेज्ज जहा अमियत्तित्तो ॥२६॥-१८

- (७४) इय सव्वकालत्तिता अउलं निव्वाणमुवगया सिद्धा  
सासयमव्वाबाहं चिद्धंति सुही सुहं पत्ता ॥२७॥-19
- (७५) सिद्धत्ति य दुद्धत्ति य पारगयत्ति य परंपरगयत्ति  
उम्मुक्क-कम्म-कवया अजरा अमरा असंगा य ॥२८॥-20
- (७६) निच्छिण्णसव्वदुक्खा जाइजरामरणबंधणविमुक्का  
अव्वाबाहं सुक्खं अनुहोती सासयं सिद्धा ॥२९॥-21
- (७७) अतुलसुहसागरगया अव्वाबाहं अणोवमं पत्ता  
सव्वमपागयमद्धं चिद्धंति सुही सुहं पत्ता ॥३०॥-22

१२

उववाइयं समत्तं

पढमं उवंगं समत्तं


[5]

## -: અ-મા-રા- પ્ર-કા-શ-નો :-

- [૧] અભિનવ હેમ લઘુપ્રતિયા -૧- સત્તાઙ્ગ વિવરણમ્
- [૨] અભિનવ હેમ લઘુપ્રતિયા -૨- સત્તાઙ્ગ વિવરણમ્
- [૩] અભિનવ હેમ લઘુપ્રતિયા -૩- સત્તાઙ્ગ વિવરણમ્
- [૪] અભિનવ હેમ લઘુપ્રતિયા -૪- સત્તાઙ્ગ વિવરણમ્
- [૫] કૃદન્તમાલા
- [૬] ચૈત્યવન્દન પર્વમાલા
- [૭] ચૈત્યવન્દન સદ્ગ્રહ - તીર્થજિનવિશેષ
- [૮] ચૈત્યવન્દન ચોવિશી
- [૯] શત્રુઝય ભક્તિ [આવૃત્તિ-દો]
- [૧૦] અભિનવ જૈન પદ્યાઙ્ગ - ૨૦૪૬
- [૧૧] અભિનવ ઉપદેશ પ્રાસાદ -૧- શ્રાવક કર્તવ્ય - ૧ થી ૧૧
- [૧૨] અભિનવ ઉપદેશ પ્રાસાદ -૨- શ્રાવક કર્તવ્ય - ૧૨ થી ૧૫
- [૧૩] અભિનવ ઉપદેશ પ્રાસાદ -૩- શ્રાવક કર્તવ્ય - ૧૬ થી ૩૬
- [૧૪] નવપદ-શ્રીપાલ- [શાશ્વતી ઓળીના વ્યાખ્યાન રૂપે]
- [૧૫] સમાધિમરણ [વિધિ-સૂત્ર-પદ્ય-આરાધના- મરણભેદ-સંગ્રહ]
- [૧૬] ચૈત્યવંદનમાળા [૭૭૯ ચૈત્યવંદનો નો સંગ્રહ]
- [૧૭] તત્ત્વાર્થ સૂત્ર પ્રબોધટીકા [અધ્યાય-૧]
- [૧૮] તત્ત્વાર્થ સૂત્રના આગમ આધાર સ્થાનો
- [૧૯] સિદ્ધાચલનો સાથી [આવૃત્તિ-બે]
- [૨૦] ચૈત્યપરિપાટી
- [૨૧] અમદાવાદ જિનમંદિર ઉપાશ્રય આદિ ડિરેક્ટરી
- [૨૨] શત્રુઝય ભક્તિ [આવૃત્તિ-બે]
- [૨૩] શ્રી નવકારમંત્ર નવલાખ જાપ નોંધપોથી
- [૨૪] શ્રી ચારિત્ર પદ એક કરોડ જાપ નોંધપોથી
- [૨૫] શ્રી બારમ્પત પુસ્તિકા તથા અન્ય નિયમો [આવૃત્તિ-ચાર]
- [૨૬] અભિનવ જૈન પંચાંગ- ૨૦૪૨; [સર્વ પ્રથમ, ૧૩ વિભાગોમાં]
- [૨૭] શ્રી જ્ઞાનપદ પૂજા
- [૨૮] અંતિમ આરાધના તથા સાધુ સાધ્વી કાળધર્મ વિધિ
- [૨૯] શ્રાવક અંતિમ આરાધના [આવૃત્તિ-ત્રણ]
- [૩૦] વીતરાગ સ્તુતિ સંચય [૧૧૫૧-ભાવવાહી સ્તુતિઓ]
- [૩૧] (પૂજ્ય આગમોદ્ધારકશ્રીના સમુદાયના) કાયમી સંપર્ક સ્થળો
- [૩૨] તત્ત્વાર્થાધિગમસૂત્ર અભિનવટીકા- અધ્યાય-૧
- [૩૩] તત્ત્વાર્થાધિગમસૂત્ર અભિનવટીકા - અધ્યાય-૨
- [૩૪] તત્ત્વાર્થાધિગમસૂત્ર અભિનવટીકા- અધ્યાય-૩

## [6]

- [३५] तत्पार्थाधिगम सूत्र अभिनवटीका- अध्याय-४  
 [३६] तत्पार्थाधिगम सूत्र अभिनवटीका- अध्याय-५  
 [३७] तत्पार्थाधिगम सूत्र अभिनवटीका- अध्याय-५  
 [३८] तत्पार्थाधिगम सूत्र अभिनवटीका- अध्याय-७  
 [३९] तत्पार्थाधिगम सूत्र अभिनवटीका- अध्याय-८  
 [४०] तत्पार्थाधिगम सूत्र अभिनवटीका- अध्याय-८  
 [४१] तत्पार्थाधिगमसूत्र अभिनवटीका- अध्याय-१०



[४२] आयारो	[आगमसुत्ताणि-१ ]	पढमं अंगसुत्तं
[४३] सूयगडो	[आगमसुत्ताणि-२ ]	वीअं अंगसुत्तं
[४४] ठाणं	[आगमसुत्ताणि-३ ]	तइयं अंगसुत्तं
[४५] समवाओ	[आगमसुत्ताणि-४ ]	चउत्थं अंगसुत्तं
[४६] विवाहपत्रत्ति	[आगमसुत्ताणि-५ ]	पंचमं अंगसुत्तं
[४७] नायाधम्मकहाओ	[आगमसुत्ताणि-६ ]	छट्ठं अंगसुत्तं
[४८] उवासगदसाओ	[आगमसुत्ताणि-७ ]	सत्तमं अंगसुत्तं
[४९] अंतगडदसाओ	[आगमसुत्ताणि-८ ]	अट्ठमं अंगसुत्तं
[५०] अनुत्तरोववाइयदसाओ	[आगमसुत्ताणि-९ ]	नवमं अंगसुत्तं
[५१] पणहावागरणं	[आगमसुत्ताणि-१० ]	दसमं अंगसुत्तं
[५२] विवागसूयं	[आगमसुत्ताणि-११ ]	एक्करसमं अंगसुत्तं
[५३] उववाइअं	[आगमसुत्ताणि-१२ ]	पढमं उवंगसुत्तं
[५४] रायपसेणियं	[आगमसुत्ताणि-१३ ]	वीअं उवंगसुत्तं
[५५] जीवाजीवाभिगम	[आगमसुत्ताणि-१४ ]	तइवं उवंगसुत्तं
[५६] पन्नवणा-सुत्त	[आगमसुत्ताणि-१५ ]	चउत्थं उवंगसुत्तं
[५७] सूरपत्रत्ति	[आगमसुत्ताणि-१६ ]	पंचमं उवंगसुत्तं
[५८] चंदपत्रत्ति	[आगमसुत्ताणि-१७ ]	छट्ठं उवंगसुत्तं
[५९] जंबूहीवपत्रत्ति	[आगमसुत्ताणि-१८ ]	सत्तमं उवंगसुत्तं
[६०] निरयावलियाणं	[आगमसुत्ताणि-१९ ]	अट्ठमं उवंगसुत्तं
[६१] कप्पवडिंसयाणं	[आगमसुत्ताणि-२० ]	नवमं उवंगसुत्तं
[६२] पुण्फियाणं	[आगमसुत्ताणि-२१ ]	दसमं उवंगसुत्तं
[६३] पुण्फचूलियाणं	[आगमसुत्ताणि-२२ ]	एक्करसमं उवंगसुत्तं
[६४] वणिहदसाणं	[आगमसुत्ताणि-२३ ]	बारसमं उवंगसुत्तं
[६५] चउसरण	[आगमसुत्ताणि-२४ ]	पढमं पईण्णगं
[६६] आउरपच्चक्खाण	[आगमसुत्ताणि-२५ ]	वीअं पईण्णगं
[६७] महापच्चक्खाण	[आगमसुत्ताणि-२६ ]	तइअं पईण्णगं
[६८] भत्त परिण्णा	[आगमसुत्ताणि-२७ ]	चउत्थं पईण्णगं

[ ૧ ]

● ગાંધીનગર, સિન-૩૩૩૩૦૭

[૬૯] તંદુલવેંચાલિયં	[આગમસુત્તાણિ-૨૮ ]	પંચમં પર્વણગં
[૭૦] સંધારાં	[આગમસુત્તાણિ-૨૯ ]	છટ્ઠં પર્વણગં
[૭૧] ચઢાચાર	[આગમસુત્તાણિ-૩૦-૧ ]	સત્તમં પર્વણગં-૧
[૭૨] ચંદાવિજય	[આગમસુત્તાણિ-૩૦-૨ ]	સત્તમં પર્વણગં-૨
[૭૩] ગણિવિજ્ઞા	[આગમસુત્તાણિ-૩૧ ]	અટ્ઠમં પર્વણગં
[૭૪] દેવિંદત્ત્વઓ	[આગમસુત્તાણિ-૩૨ ]	નવમં પર્વણગં
[૭૫] મરણસમાહિ	[આગમસુત્તાણિ-૩૩/૧ ]	દસમં પર્વણગં-૧
[૭૬] વીરત્ત્વ	[આગમસુત્તાણિ-૩૩/૨ ]	દસમં પર્વણગં-૨
[૭૭] નિસીહ	[આગમસુત્તાણિ-૩૪ ]	પદ્મમં છંદસુત્તં
[૭૮] બુહત્ કમ્પો	[આગમસુત્તાણિ-૩૫ ]	વીઅં છેવસુત્તં
[૭૯] વ્યવહાર	[આગમસુત્તાણિ-૩૬ ]	તદ્અં છેવસુત્તં
[૮૦] દસામુચ્ચક્ષંધં	[આગમસુત્તાણિ-૩૭ ]	ચરત્ત્વં છેવસુત્તં
[૮૧] જીવકમ્પો	[આગમસુત્તાણિ-૩૮/૧ ]	પંચમ છેવસુત્તં-૧
[૮૨] પંચકમ્પભાસ	[આગમસુત્તાણિ-૩૮/૨ ]	પંચમ છેવસુત્તં-૨
[૮૩] મહાનિસીહ	[આગમસુત્તાણિ-૩૯ ]	છટ્ઠં છેવસુત્તં
[૮૪] આવરસયં	[આગમસુત્તાણિ-૪૦ ]	પદ્મમં મૂલસુત્તં
[૮૫] ઓઠાનિજ્ઞુત્તિ	[આગમસુત્તાણિ-૪૧/૧ ]	વીઅં મૂલસુત્તં-૧
[૮૬] પિંડાનિજ્ઞુત્તિ	[આગમસુત્તાણિ-૪૧/૨ ]	વીઅં મૂલસુત્તં-૨
[૮૭] દસવેંચાલિઅં	[આગમસુત્તાણિ-૪૨ ]	તદ્અં મૂલસુત્તં
[૮૮] ઉત્તરજ્ઞવર્ણ	[આગમસુત્તાણિ-૪૩ ]	ચરત્ત્વં મૂલસુત્તં
[૮૯] નંદીસૂચં	[આગમસુત્તાણિ-૪૪ ]	પદ્મા ચૂલિયા
[૯૦] અણુઓગદારાઈ	[આગમસુત્તાણિ-૪૫ ]	વિતિયા ચૂલિયા

નોંધ : પ્રકાશન ૧ તી ૪૧ અમિતવ શ્રુત પ્રકાશને પ્રગટ કરેલ છે.

પ્રકાશન ૪૨-૯૦ આગમ શ્રુત પ્રકાશને પ્રગટ કરેલ છે.

### ● ૪૫ આગમ-સેટ ના પ્રાપ્તિસ્થાનો ●

શ્રી ડી. કે. ઠક્કર ૧૬, અલકાનગર, પ્રિયલક્ષ્મી મિલ્સ પાસે એલેમ્બિક રોડ, વડોદરા	શ્રી જગદીશભાઈ એમ. શાહ ૧-અલકાનંદા સોસાયટી, આઝાદ સ્વીટ્સ સામે, આશ્રમ રોડ, વાડજ, અમદાવાદ
શ્રીમતી નયનાબેન રમેશચંદ્ર શાહ ૨૦, ગૌતમનગર સોસાયટી રેસકોર્સ સર્કલ પાસે, વડોદરા	ડૉ. પિનાકીન એન. શાહ ૨૧, સુભાષનગર, ગિરધરનગર, શાહીબાગ, અમદાવાદ

નોંધ:- આગમના ૧-સેટ માટે “આગમ શ્રુત પ્રકાશન” વડોદરા નો રૂ. ૧૫૦૦/- ની કિંમતનો પ્રાકટ આપીને જ સેટ મેળવી શકશો.



[8]

## -: પરિસિદ્ધ-નિદંસણ :-

- ૧ પદ્મં પરિસિદ્ધં - “વિસયાણુક્રમો”  
આ પરિશિષ્ટમાં ૪૫-[૪૯] આગમનાં વિષયોની બૃહદ્ અનુક્રમશિકા છે. જે માટે અમારું ભાવિ પ્રકાશન “૪૫-આગમ બૃહત્ વિસય કોસ” જેવું.
- ૨- લીયં પરિસિદ્ધં “વિસિદ્ધ સદ્વાણુક્રમો”  
આ પરિશિષ્ટમાં ૪૫-[૪૯] આગમનાં વિશિષ્ટ શબ્દો કક્કાવારી મુજબ ગોઠવાયેલા છે. તથા જે-તે શબ્દ જે-જે આગમમાં આવેલો છે તેનો સ્થળ નિર્દેશ કરેલો છે. તેને આગમ શબ્દ સંદર્ભ-કોસ પણ કહી શકાય તે માટે અમારું ભાવિ પ્રકાશન “૪૫-આગમ વિસિદ્ધ સદ્વાકોસ” જેવું.
- ૩- તદ્વ્યં પરિસિદ્ધં- “વિસેસ નામાણુક્રમો”  
૪૫-[૪૯] આગમમાં આવતા ખાસ નામો જેવા કે ગોયમ, સોમિલ, ... વગેરે કક્કાવારી ક્રમમાં ગોઠવી, તેનો આગમ-સંદર્ભ આ પરિશિષ્ટમાં રજૂ કરાયો છે. જે માટે અમારું ભાવિ પ્રકાશન “૪૫-આગમ વિસેસ નામ કોસ” જેવું.
- ૪- ચઙત્યં પરિસિદ્ધં - “ગાહાણુક્રમો”  
૪૫-[૪૯] આગમમાં આવતી ગાથાને અ કારાદિ ક્રમમાં રજૂ કરેલ છે. સાથે સાથે તે-તે ગાથાનો સ્થળ નિર્દેશ કરેલો છે. જે માટે અમારું ભાવિ પ્રકાશન “૪૫-આગમ ગાહાણુક્રમો” જેવું.
- ૫- પંચમં પરિસિદ્ધં “સુતાણુક્રમો”  
૪૫-[૪૯] આગમમાં આવતા સૂત્રોને અ કારાદિ ક્રમમાં સ્થળ નિર્દેશ પૂર્વક રજૂ કરવા વિચારણા છે. ભાવિ ઉપયોગિતા વિશેના તજજ્ઞ-અભિપ્રાયધારે હવે પછી તૈયાર કરવા ભાવના છે.



નોંધ :- સમગ્ર ૪૫ આગમમાં પ્રત્યેક સૂત્ર કે ગાથાને અંતે અંગ્રેજી ક્રમાંકન થકી વૃત્તિનો અંક નિર્દેશ છે. તે વૃત્તિમાં છ છેદ સૂત્રો અને ચંદપન્નતિ સિવાયના આગમો માટે અમે પૂ. આગમોદ્ધારક શ્રી સંશોધિત સંપાદિત અને (૧) આગમોદય સમિતિ, (૨) દેવચંદ લાલભાઈ ફંડ (૩) ઋષભદેવ કેસરીમલ પેઢી એ ત્રણ સંસ્થાના પ્રકાશનો જ લીધા છે. - ચંદ પન્નતિ માટે હસ્ત લિખિત પ્રત લીધેલી છે, - બૃહત્કપો - પૂ. પુન્યવિજયજી મ. સંપાદિત, નિસીહ-પૂ. કનૈયાલાલજી સંપાદિત, વચ્ચાર, પૂ. મુનિ માણેક સંપાદિત, જીયકપો. પૂ. જીનવિજયજી સંપાદિત છે મહાનિસીહ ની વૃત્તિનથી. દસામુયક્લંધ ની ચૂર્ણિજ મળી છે. માટે તેનું ક્રમાંકન થઈ શકેલ નથી.

૪૫-આગમના પ્રધાન આર્થિક અનુદાતા

સમ્યક્ શ્રુતાનુરાગી શ્રમ.શો.પા.સિ.કા

શ્રીમતી નયનાબહેન રમેશચંદ્ર શાહ - પરિવાર, વડોદરા

પ્રસ્તુત આગમમાં મુખ્ય દ્રવ્ય સહાયક

૧૨ શ્રીમતી પ્રિયંકાબેન પરાગભાઈ ઝવેરી, હ. નયનાબેન, મુંબઈ